



Սույն գիրքը թվայնացվել է Գրքասեր ՀԿ-ում՝ հայերենով գրականության պահպանման, հանրայնացման և ժամանակակից թվային միջավայրում հասանելի դարձնելու նպատակով:

Կազմակերպության նախաձեռնությունը միտված է հայերեն գրքերի և տեքստերի տարածմանը, ընթերցանության խթանմանը և մշակութային ոչ նյութական ժառանգության պահպանությանը՝ ապահովելով դրանց հասանելիությունը հնարավորինս լայն շրջանակների համար:

Մենք հավատում ենք, որ թվայնացումը ոչ միայն պահպանման միջոց է, այլև գիտելիքի, գրականության և մշակույթի շարունակական փոխանցման կարևոր ուղի:

Գրքասեր ՀԿ-ն գրքերը ձայնագրում և թվայնացնում է բացառապես Ձեր նվիրատվությունների շնորհիվ: Կազմակերպությանը կարող եք օժանդակել հետևյալ հղումով՝

<https://grqaser.org/hy/donate>

Ստուգված

Հայ գրականություն, Թատերգություն
13+

Շիրվանզադե

Իշխանուհի

*դրամա 4 գործողությամբ
1891 թ.*

Գործող անձինք

ՍԱՐԻԱՍ ԲԵԳՍՈՒՐՅԱՆ, 55 տարեկան.

ՄԻԶԱՅԵԼ, նրա որդին 34 տարեկան.

ՀԵՂԻՆԵ, Միքայելի ամուսինը, Իշխանուհի, 24 տարեկան.

ՕԼԳԱ, Միքայելի քույրը, 27 տարեկան.

ՍՈՒԼԻԿՅԱՆ, Միքայելի հասակակից ընկերը.

ՀՈՌՈՄ, Հեղինեի մայրը, 52 տարեկան,

ԳԱՐԵԳԻՆ, Հեղինեի եղբայրը, 26 տարեկան.

ՉԱՐԲԱԲՅԱՆ, Հռոմի շատ հեռավոր ազգականը, 42 տարեկան,

ԴԱԼԱԼՅԱՆ, Միքայել Բեգմուրյանի կաթնընկերը, 34 տարեկան.

ԱՆՅՈՒՏԱ, աղախին Բեգմուրյանների տանը, երիտասարդ

ՍԻՄՈՆ, ծառա Բեգմուրյանների տանը, երիտասարդ.

Հյուրեր.

Սպասավորներ.

Գործողությունը կատարվում է Թիֆլիսում:

1-ին գործողություն

(Սի բավական մեծ սենյակ իշխան Բեգմուրյանների տանը:

Մեջտեղ, աջ և ձախ կողմերում դռներ: Սենյակը զարդարված է անխառն եվրոպական ոճով):

ՏԵՍԻԼ Ա.

ՍԻՄՈՆ, հետո ԱՆՅՈՒՏԱ

ՍԻՄՈՆ. (Սենյակի կահ-կարասին դասավորելով) Տասնումեկ ժամն է, պետք է շուտով կարգի բերել: Օրիորդը հրամայել է հագնվել, կառքով ուրիշ տեղ է գնալու: Չարմանալի է. այս տանը հինգ ծառա կա, ամենից շատ ես եմ աշխատում, ամենից քիչ էլ ես եմ ստանում: Ինձ այստեղ չեն սիրում, բացի նոր իշխանուհուց: Նա ինձ հետ լավ է: Այո, նա լավ կին է, բայց էլի ծիծաղա գալիս է, երբ հիշում եմ, թե ո՛րքան աղջիկն է: Աշխարհ է. փող ուներ, եկավ ու դարձավ նորին պայծառափայլություն: (Աջ դռներից ներս է մտնում Անյուտան):

ԱՆՅՈՒՏԱ. Ինչ ես ինքդ քեզ մրթմրթում: Շո՛ւտ արա, վերջացրու, թե չէ օրիորդը կգա ու կնախատի, որ դեռ չես հագնվել:

ՍԻՄՈՆ. Աստված սիրես նրա անունը մի՛ հիշիր: Ես նրան ասում եմ:

ԱՆՅՈՒՏԱ. Ում, Օլգայի՞ն,

ՍԻՄՈՆ. Չենց նրան:

ԱՆՅՈՒՏԱ. Ինչպես ես համարձակվում:

ՍԻՄՈՆ. Գոռոզ, փքված, քացախած, ամեն չնչին բանի համար մեզ վրա գոռում, ինչպե՞ս սիրեմ նրան: Ա՛յ ուրիշ բան է նրա եղբոր կինը:

ԱՆՅՈՒՏԱ. Դու հավանում ես այն մարդու աղջկան, որի անունը ամաչում են հիշել այս տանը:

ՍԻՄՈՆ. Ինչ անենք, որ հայրը վատ անուն է թողել աշխարհում, թող աղջիկը լավ լինի: Հիշո՞ւմ ես, զատկին ի՞նչ թանկագին նվերներ տվեց մեզ: Չէ՛, նա այս տունը մրափելուց հետո մեր բանը շատ լավ է գնում: Մոռացե՛լ ես՝ առաջ ինչպես էր կառավարվում այս ընտանիքը, ամիսներով ռոճիկ չէինք ստանում: Իսկ այժմ կանխիկ ենք վերցնում, ամեն օր հյուրեր, երեկույթ, ճաշ: Բայց գիտե՛ս, Անյուտա, ես մի բան եմ նկատում:

ԱՆՅՈՒՏԱ. Ի՞նչ բան:

ՍԻՄՈՆ. Երդվիր, որ ինձ չես մատնի:

ԱՆՅՈՒՏԱ. Լավ, երդվում եմ:

ՍԻՄՈՆ. (Շուրջը նայելով) Մեր նոր իշխանուհու դրույթունը այս տանը լավ չէ:

ԱՆՅՈՒՏԱ. Ինչպե՞ս:

ՍԻՄՈՆ. Այնպես, լավ չէ: Նրան չեն սիրում:

ԱՆՅՈՒՏԱ. Ով:

ՍԻՄՈՆ. Ամենից առաջ մարդը:

ԱՆՅՈՒՏԱ, Դու ո՞րտեղից գիտես:

ՍԻՄՈՆ. Օ՞՜ , Անյուտա ինձ այդպես մի՛ տեսնի, ես շատ բան գիտեմ, մի օր կպատմեմ:
Սու՛ւ, կարծես մեկը գալիս է:

ԱՆՅՈՒՏԱ. Օրիորդն է (Ներս է մտնում աջ դռներից Օլգան դրսի հագուստով):

ՏԵՍԻԼ Բ.

ՆՐԱՆՔ և ՕԼԳԱ

ՕԼԳԱ. Անյուտա, դու այստե՞ղ ես: Քանի անգամ եմ քեզ ասել չիեռանաս ինձանից, երբ ես տանն եմ: Կառապանին հրամայեցի՞ր:

ԱՆՅՈՒՏԱ. Այո, լսում է:

ՕԼԳԱ. (Տեսնելով Սիմոնին) Օ՜, mon Dieu! դու դեռ հագնված չես, այդ ի՞նչ անկարգություն է:

ՍԻՄՈՆ. Իսկույն, օրիորդ, իսկույն:

ՕԼԳԱ. Ծույլ, կոպիտ հայ: Դուք միշտ այդպես եք, մինչև որ մի բան տասն անգամ չհրամայեն, չեք կատարի: Հազար անգամ ասել եմ, որ այս տանը հայ ծառա չպիտի լինի: Եղբորս կինն է մեղավոր, որ քեզ պահում է: Չնայ, շուտ հագնվիր: Տե՛ս, լավ լվացվիր, մաքուր շապիկ հագիր: Զինի թե այն օրվա պես ցիլինդրի փոխարեն ֆուրաժկա դնես: Ջեռնոցդ էլ չմոռանաս:

ՍԻՄՈՆ. Աչքիս վրա, աչքիս վրա: (Մի կողմ) Օ՛հ, օ՛հ օ՛հ, վա՛յ այն մարդուն, որ քեզ հետ կամուսնանա: (Գնում է միջին դռներով):

ՕԼԳԱ. (Անյուտային) Իսկ դու գնա, տուլալետիս սեղանը կարգի բեր: Անուշահոտ յուղերիս ձեռ չտաս: Հետո շուտով եկ, ինձ ճանապարհ դիր մինչև կառքը: (Անյուտան գնում է) Արդյոք ուշ չէ՞: (Նայում է ծոցի ժամացույցին) Տասնումեկից տասը րոպե անց է: Դեռ ժամանակ կա: (Նայում է հայելուն) Լիզա Դանովսկայային խոսք եմ տվել մեր տնային կառքով գնալ Երաժշտական դպրոց: Այսօր այնտեղ նվագահանդես է: Եղանակը լավ է, տանը նստել չեմ կարողանում: Եվ ի՞նչ գործ ունեմ կամ ում հետ մնամ այստեղ. Եղբորս կնո՞ջ հետ... Ֆիդո՞ն... շատ տաղտկալի: Երկուուկես տարի է իշխանուհի է, դեռ չի ընտելացել մեր շրջանի կյանքին: Ահա ձեզ բախտ, այն տեսակ մարդու աղջիկը եղբորս պես մեկ մարդու ամուսինը դառնա, իսկ ես և ինձ նմանները մնան տանը... Ա՛հ, (նայելով հայելուն) այսօր ի՞նչ գրավիչ եմ... (Ներս է մտնում աջ դռներից Մարիամը):

ՏԵՍԻԼ Գ.

ՕԼԳԱ և ՄԱՐԻԱՄ

ՄԱՐԻԱՄ. Դու դեռ տանն ես:

ՕԼԳԱ. Անպիտան ծառաների շնորհիվ:

ՄԱՐԻԱՄ. Այսօր էլ մենա՞կ պիտի կառք նստես:

ՕԼԳԱ. Մենակ, ինչպես միշտ . ծառան նստած կառապանի մոտ, ինքս ազատ, համարձակ: Այդ շատ դուր է գալիս ինձ, բոլոր արիստոկրատները այդպես են անում:

ՄԱՐԻԱՄ. Բայց տիկինները և ոչ թե օրիորդները:

ՕԼԳԱ. Ինձ համար միևնույնն է:

ՄԱՐԻԱՄ. Օլգա, դու շատ համարձակ ես պահում քեզ:

ՕԼԳԱ. Զո կարծիքով ինչպե՞ս պետք է լինեի: Չլինի՞ թե ուզում ես մեր բազազների աղջկերանց պես դեղիդես առաջից, մամիդես հետևից զցած ման գամ, ֆի՛ ի... զգվում եմ: Ոչ, մամա, ձեր ժամանակը անցավ, թող անեմ, ինչ որ գիտեմ: Ես ուզում եմ ապրել այնպես, ինչպես ապրում են մայրաքաղաքներում:

ՄԱՐԻԱՄ. Լա՛վ. արա, ինչ որ ուզում ես, չեմ կարող սրտիդ դիպչել: Բայց, փա՛ռք աստուծո, որ այժմ կարողությունն ունենք մի քիչ շքեղ ապրելու: Ինչ պետք է անեինք, եթե եղբայրդ ամուսնացած չլիներ:

ՕԼԳԱ. Եղբայրս գիտե սիրել իր մորն ու քրոջը: Նա իր կնոջ օժիտը մենակ իր համար չի ծախսում, մեզ էլ է օգնում:

ՄԱՐԻԱՄ. Այո, ամբողջ քաղաքն էլ իմանում է, որ Միքայելը փողի համար առավ այն աղջկան: Եթե հարուստ լիներ, մեր ազգի անունը չէր կապի Նրա խայտառակ հոր անվան հետ:

ՕԼԳԱ. Մամա, այդքան ասում եք խայտառակ, խայտառակ, բայց ուղիղն ասած, ես չգիտեմ Յեղիների հայրը ի՞նչ է արել, որ վատ անուն է թողել աշխարհում:

ՄԱՐԻԱՄ. Եվ լավ է, որ չիմանաս և չխոսես այդ բանի մասին:

ՕԼԳԱ. Դու ասա, Յեղիներն հենց ինքը անարժան էր այս տանը:

ՄԱՐԻԱՄ. Ինքը դեռ, Է՛հ, մի բան է. գիմնագիայումն է ուսում առել, ռուսերեն, ֆրանսերեն խոսում է Իսկ մա՛յրը, մայրը. ծիծաղս գալիս է, երբ տեսնում եմ Նրան հպարտ-հպարտ այս դռներով ներս մտնելիս:

ՄԻՄՈՆ. (Միջին դռների մեջ երևում է ցիլինդրով և երկար կոճակավոր սյուրտուկով) Կառքը և ես պատրաստ ենք:

ՕԼԳԱ. Լավ, մի՛ գոռա: Անյո՛ւտա: (Գալիս է Անյատան աջ դռներից) Գնանք վերարկուս հագրու:

ՄԱՐԻԱՄ. Շո՞ւտ կվերադառնաս:

ՕԼԳԱ. Երբ կուզենամ, (Գնում է միջին դռներով, Անյուտան և Միմոնը հետևից):

ՏԵՍԻԼ Դ.

ՄԱՐԻԱՄ (միայնակ)

ՄԱՐԻԱՄ. Չուգիր, զարդարիր, ազատություն տուր ամեն տեղ գնալ, բայց ի՞նչ օգուտ: Նա մնում է տանը և պառավում, որովհետև օժիտ չունի: Ա՛խ, եթե աստված այդ Սուլիկյանի սիրտը դարձներ Օլգայիս կողմը, ես բախտավոր կլինեի: Որդուս ամուսնացրի, մնաց աղջիկս: Բայց բախտավոր՞ է որդիս. չեմ իմանում: Ահա մի քանի ամիս է տեսնում եմ, որ մարդ ու կին լավ չեն վարվում: Անցյալները ականջովս լսեցի, ինչպես Յեղիսեն նախատում էր Միքայելին: Նա՞, իմ որդո՞ւն: Ահա գալիս է, տխուր, աչքունքը թթվացրած... (Ներս է մտնում ձախ դռներից Յեղիսեն):

ՏԵՍԻԼ Ե.

ՄԱՐԻԱՄ ԵՎ ՅԵՂԻՍԵ

ՅԵՂԻՍԵ. (Մեկուսի, առանց Մարիամին տեսնելու) Նա գնաց, առանց բացատրություն տալու: Իսկ այդ ես սպասում էի ամենաջերմ փափագով: Ոչ, իմ կասկածը արդար է, ես հետզհետե համոզվում եմ, որ... (Յանկարծ նկատելով Մարիամին) Մամա՛ա:

ՄԱՐԻԱՄ. Նա ինքն է: Այնքան մտքով զբաղված էիր, որ հագիվ, վերջապես տեսար: Այդ ի՞նչ նոր քամի է փչել, որ տխուր ես:

ՅԵՂԻՍԵ. Ես... տխուր չեմ:

ՄԱՐԻԱՄ. (Յեզնորեն) Իհարկե, ինչպե՞ս չէ, տեսնում եմ: Ամուսինդ տա՛նն է:

ՅԵՂԻՍԵ. Ոչ, գնաց:

ՄԱՐԻԱՄ. Ո՞ր,

ՅԵՂԻՍԵ. Ես չգիտեմ նա ուր է գնում:

ՄԱՐԻԱՄ. Չգիտես, բայց ո՞ւմ պարտքն է իմանալ:

ՅԵՂԻՍԵ. Կկամենայի այդ պարտքը ունենալ և կատարել: Բայց Միքայելը ինձ երբեք չի հայտնում, թե ուր է գնում և երբ կվերադառնա: (Մի կողմ): Չգում եմ, որ չար կասկածը ինձ դարձնում է ջղային, բայց պետք է զսպեմ ինձ:

ՄԱՐԻԱՄ. Նա քեզ չի՞ հայտնում, ա՛յ նորություն: Նա քո առաջ մի երեխայի պես է պահում իրեն, նա քեզ սիրում է ավելի, քան ինձ՝ իր մորը: Իսկ դու մի՞թե դժգոհ ես նրանից:

ՅԵՂԻՍԵ. Երբեք, ո՞վ ասաց, որ դժգոհ եմ:

ՄԱՐԻԱՄ. Այդ երևում է քո ձայնից, խոսքերից և վերջապես դեմքից: Ասա՛ , դու այսօր կռվե՞լ ես նրա հետ:

ՅԵՂԻՍԵ. Ոչ, ինչո՞ւ պիտի կռվեի:

ՄԱՐԻԱՄ. (Յեզնորեն) Ով գիտե, դու նրա կինն ես, իրավունք ունես:

ՅԵՂԻՍԵ. (Մեկուսի) Ծաղ՞ր, միշտ ծաղր...

ՄԱՐԻԱՄ. Բայց նա առո՞ղջ է:

ՅԵՂԻՍԵ. Առողջ, ինչպես միշտ:

ՄԱՐԻԱՄ. Ուրախ դուրս եկավ տնից:

ՅԵՂԻՆԵ. Ուրախ, ինչպես ամեն օր:

ՄԱՐԻԱՄ. Ուրեմն ինչո՞ւ դու տխուր ես, չլինի թե հիվանդ ես:

ՅԵՂԻՆԵ. (Մեկուսի) Պետք է ստել այդ հարցուփորձից ազատվելու համար: (Բարձր) Այո, մի փոքր տկար եմ, գլուխս սաստիկ ցավում է:

ՄԱՐԻԱՄ. Հենց այդ. իմ գլուխս ամեն օր ցավում է: Չբաղվիր տնային գործերով, կանցնի: Մայրդ գալո՞ւ է այստեղ:

ՅԵՂԻՆԵ. Երևի, կգա:

ՄԱՐԻԱՄ. Եթե չեկա՞վ, մարդ ուղարկիր հետևից. Այսօր մի քիչ տխուր եմ, ուզում եմ նրա հետ թուղթ խաղալ, կարելի է սիրտս բացվի: Դե՛հ, ես գնում եմ իմ սենյակը, հենց որ մայրդ եկավ, իսկույն ուղարկիր այնտեղ: Նայիր, իմ որդուս առաջ այդ դեմքով չդուրս գաս այսուհետև: (Գնում է աջ դռներով):

ՏԵՍԻԼ 2.

ՅԵՂԻՆԵ (միայնակ)

ՅԵՂԻՆԵ. Այսպես, ուրեմն, միշտ պետք է թաքցնեմ իմ վիշտը: Եվ ո՞ւմ հայտնեմ, ինչո՞ւ համար, ո՞վ կարող է ինձ օգնել: Նա ինձ չի սիրում, այդ ինձ համար պարզ է: Նա հրապուրվեց իմ օժիտով, իսկ ես նրանով, և՛ միմիայն նրանով: Քսանումեկ տարեկան հասակում, սիրտս լի սիրո ցանկությամբ հանդիպեցի նրան: Նա գեղեցիկ էր, կրթված, նուրբ, սիրալիր: Նրա կերպարանքից, նրա ձայնից, նրա խոսակցությունից և, վերջապես, նրա ձևերից բուրում էր ինձ համար մի անծանոթ աշխարհ: Այն շրջանը, ուր ես ծնվել ու սնվել էի, չունեի յուր մեջ այդ աշխարհի հրապույրը: Իմ շուրջը տիրում էր կոշտը, կոպիտը, իսկ իմ սիրտը ձգտում էր դեպի նուրբը, կրթվածը և մեղմը: Ահա, ասացի ինձ, տեսնելով նրան, այդ մարդու մեջ կարող եմ գտնել այն, ինչ որ չեմ տեսնում ինձ մոլեցանող դասակարգի մեջ: Եվ ես, անփորձս, շլացա արտաքին փայլով, երևակայեցի մի ապագա ընտանեկան կյանք, ուր սերը, քաղցրությունը և մեղմ զգացմունքներն են տիրում: Հորս գռեհիկ վարվողությունը մորս հետ արդեն իմ մեջ վաղուց պատրաստել էր մի տեսակ ատելություն դեպի ամուսնական խստությունը: Թո՛ղ, ասում էի, Բեգմուրյանը ունենա ուրիշ թերություններ, բայց նա կվարվի ինձ հետ ինչպես ժամանակակից քաղաքակրթված ամուսին: Կգոհեմ նրան ամեն ինչ, նա չքավոր է, ես կազատեմ չքավորությունից, կդառնամ նրա պաշտպանը, կտամ հագեցում նրա փառասիրական ձգտումներին, իսկ նա ինձ կերջանկացնե յուր սիրով, և միմիայն սիրով, և մենք կապրենք բախտավոր կյանքով, յուրաքանչյուրս երախտապարտ զգալով միմյանց առաջ: Բայց ո՞ւր է իմ երևակայածը, մի՞թե ես սխալվեցի, մի՞թե, մի՞թե նա ինձ խաբում է, օօ՛ , դառն է այդ մասին մտածելն անգամ: Երբեմն միտքս պղտորվում է, սիրտս սաստիկ բաբախում, իսկ երբեմն արյունը, կարծես, պաղում է երակներիս մեջ, և այդ բոլորը միայն մի կասկածից, որ ինձ սարսափեցնում է... (Միջին դռներից ներս է մտնում Հռոմմը):

ՏԵՍԻԼ Է.

ՅԵՂԻՆԵ և ՀՈՌՈՄ

ՅԵՂԻՆԵ. Ա՛խ, մայրի՛կ, դու ուրախ ես երևում:

ՀՈՌՈՄ. Որովհետև ուրախալի լուր եմ բերել:

ՅԵՂԻՆԵ. Եղբորս մասի՞ն:

ՅՈՌՈՍ. Այո: Ա՞ն կարդա՞ր, (տալիս է մի հեռագիր) ես կարդալ տվել եմ ինձ համար:

ՅԵՂԻՆԵ. (Կարդալուց հետո) Պետերբուրգից է, հաջողությամբ քննությունները ավարտել է և շուտով այստեղ կլինի:

ՅՈՌՈՍ. Վերջապես կտեսնեմ սիրելի Գարեգինին:

ՅԵՂԻՆԵ. Իսկ ես որքա՞ն կարոտել եմ, որքա՞ն փափագում եմ տեսնել նրան:

ՅՈՌՈՍ. Այդ ի՞նչ է, դու այսօ՞ր էլ միայնակ ես:

ՅԵՂԻՆԵ. Սկեսուրս տանն է:

ՅՈՌՈՍ. Բայց դու ինչո՞ւ չես գնացել զբոսնելու: Եղանակը շատ սիրուն է, փողոցները լիքն են:

ՅԵՂԻՆԵ. Չեմ ուզում դուրս գալ :

ՅՈՌՈՍ. Ինչո՞ւ:

ՅԵՂԻՆԵ. Ով մայր է ու տանտիրուհի, ստիպված է տանը մնալ:

ՅՈՌՈՍ. Երեխայիդ համար դայակ ունես, իսկ գործերիդ համար ծառաներ և աղախին, թո՛ղ նրանք կատարեն իրենց պարտքը: Ոչ, որդի՛, այդ դատարկ պատճառ է, դու աշխարհից փախչում ես: Ես քեզ տվի սրանց, որ կյանք վայելես, իսկ դու միշտ միայնակ ես և տխուր: Չգիտեմ ինչ է նշանակում այդ:

ԱՆՅՈՒՏԱ. (Ներս է մանում աջ դռներից) Իշխանուհի Մարիա Իսաևնան ձեզ խնդրում է յուր սենյակը: (Գնում է միջին դռներով):

ՅԵՂԻՆԵ. Ա՛խ, մոռացա, մայրի՛կ, գնա, նա վաղուց է սպասում քեզ:

ՅՈՌՈՍ. Ի՞նչ գործ ունեմ նրա հետ, ես իմ աղջկա մոտ եմ եկել:

ՅԵՂԻՆԵ. Գնա՛, մայրի՛կ: Նրա բնավորությունը գիտես, կարող է նեղանալ:

ՅՈՌՈՍ. Այո, միշտ ես պետք է հնազանդվեմ նրա կամքին: Գնում եմ, միայն թե երեսիդ չխոսեն: (Գնում է աջ դռներով):

ՅԵՂԻՆԵ. (Միայնակ) Եղբայրս գալիս է, որքա՞ն ուրախ եմ: Նա միշտ եղել է իմ խորհրդատուն և պաշտպանը: Այժմ, կյանքի դժվար հանգամանքներում, նա միայն կարող է ինձ օգնել: (Անյուտան միջին դռներից գալիս է):

ԱՆՅՈՒՏԱ. Պարոն Սուլիկյանը հարցնում է կարելի՞ է ներս գալ:

ՅԵՂԻՆԵ. (Մեկուսի) Դարձյալ նա, ինչու այդպես հաճախ է այցելում: (Անյուտային) Իրավիրի ներս: (Անյուտան դնում է) Նա Միքայելի մտերիմ ընկերն է, որին նա շատ է զովում: Սկեսուրս իր աղջկա համար հույս ունի նրա վրա: Իսկ նա Օլգային չի հավանում, այդ երևում է: Այսպես, թե այնպես պարտավոր եմ նրան ընդունել ամեն ժամանակ: (Ներս է մտնում Սալիկյանը):

ՏԵՍԻՆ Ը.

ՅԵՂԻՆԵ ԵՎ ՍՈՒԼԻԿՅԱՆԸ

ՍՈՒԼԻԿՅԱՆ. Ներեցեք համարձակությանս, գուցե անժամանակ է:

ՅԵՂԻՆԵ. Ոչ. նստեցեք, խնդրեմ:

ՍՈՒԼԻԿՅԱՆ. Հուսով եմ, որ ամենքդ առողջ եք, մանավանդ նորագույն սերնդի ներկայացուցիչը:

ՅԵՂԻՆԵ. Երեխայիս մասի՞ն եք հարցնում:

ՍՈՒԼԻԿՅԱՆ. Այո:

ՅԵՂԻՆԵ. Լավ է: Երեկ դուք նրա համար խաղալիք էիք ուղարկել, շնորհակալ եմ:

ՍՈՒԼԻԿՅԱՆ. Կարելի՞ է արդյոք տեսնել նրան:

ՅԵՂԻՆԵ. Տանը չէ. դայակը տարել է զբոսեցնելու:

ՍՈՒԼԻԿՅԱՆ. Ազատ օդ վայելելո՞ւ, այո, այդ օգտավետ է: Միայն դուք, իշխանուհի, ձեզ զուրկ եք պահում օդից և տնային փակ կյանքը գերադասում եք հասարակական զբոսանքներից: Նայեցեք, ձեր դեմքի վրա արդեն երևում է այդ փակ կյանքի դրոշմը, դա կարող է վնասել ձեր առողջությանը:

ՅԵՂԻՆԵ. Շնորհակալ եմ ձեր հոգացողության համար: Բայց դուք գիտեք, որ ես տնից դուրս եմ գալիս մեծ մասամբ Միքայելի հետ, իսկ նա զբաղված է, ես չեմ ուզում նրան խանգարել:

ՍՈՒԼԻԿՅԱՆ. Չբաղված է... այո ... շատ է զբաղված... (մեկուսի) Խեղճ և միամիտ կին....

ՅԵՂԻՆԵ. (Մեկուսի) Ինչո՞ւ այսօր տխուր է այս մարդը:

ՍՈՒԼԻԿՅԱՆ. Բայց ես դարձյալ պետք է մի փոքր հանդիմանեմ Միքայելին: Նա որքան ևս շատ գործ ունենա, ընտանիքի մասին հոգալը նրա առաջին պարտքը պետք է լինի, մանավանդ ձեր մասին, որ այդքան սիրում եք նրան, այնպես չէ՞, իշխանուհի՛:

ՅԵՂԻՆԵ. Սիրելի: օօօ, ես չեմ թաքցնում, այո, սիրում եմ նրան, թող այդ ամենքին հայտնի լինի: Իսկ նա՞, ոչ, մի՞ մեղադրեք, նա, նա հոգում է իմ մասին, որքան կարող է: Ա՛խ, որքան ինձ ուրախացնում է, պարո՞ն Սուլիկյան, ձեր այդ տեսակ գաղափարը ամուսնական կյանքի մասին: Բայց ցավում եմ, որ այդ գաղափարի տեր մի անձն տակավին ամուրի է:

ՍՈՒԼԻԿՅԱՆ. Որովհետև նա վախենում է դժբախտ լինելուց կամ դժբախտացնելուց:

ՅԵՂԻՆԵ. Ես ձեր միտքը չհասկացա, պարո՞ն Սուլիկյան:

ՍՈՒԼԻԿՅԱՆ. Շատ պարզ է: Ամուսնանում են մեծ մասամբ այն մարդիկ, որոնք ամուսնական կյանքի մասին շատ թեթև գաղափար ունեն: Ներեցեք համարձակությանս, իշխանուհի, ես կամենում եմ ձեզ հետ պարզախոս լինել: Իսկ այն մարդիկ, որոնք ամուսնությունը համարում են կյանքի ամենածանր մի պարտք, միշտ տատանվում են, միշտ մտածում և հաճախ մեռնում, առանց իրագործելու իրենց սրտի գուցե ամենաջերմ փափագը:

ՅԵՂԻՆԵ. Ձեր ասածը ճշմարիտ է, այո . բայց ոչ, դուք սխալվում եք: Ինձ թվում է, որ նույնիսկ ամենամտածող ու տատանվող մարդը շատ անգամ անում է այդ ծանր քայլը հանկարծակի և անսպասելի կերպով:

ՍՈՒԼԻԿՅԱՆ. Այո, երբ հանդիպում է մեկին, որ մի հայացքով վերջ է տալիս նրա երկչուտ մտքին ու տատանմանը:

ՀԵՂԻՆԵ. Այսինքն երբ սիրահարվում է:

ՍՈՒԼԻԿՅԱՆ. Եթե կամենաք, այո:

ՀԵՂԻՆԵ. Իսկ դուք մի՞թե այդպիսի մեկին չեք պատահել կամ հույս չունե՞ք պատահելու: Դուք դեռ երիտասարդ եք:

ՍՈՒԼԻԿՅԱՆ. Ոչ, չեմ պատահել... (մեկուսի) Պատահեցի, բայց շատ ուշ է...

ՀԵՂԻՆԵ. (Մեկուսի) Նա հառաչանքը թաքցրեց: (Բարձր) Մենք հափշտակվեցինք խոսակցությամբ, արդյոք չէի՞ք կամենա տեսնել Իշխանուհի Մարիա Իսաևնային: Նա տանն է:

ՍՈՒԼԻԿՅԱՆ. Մեծ ուրախությամբ, բայց...

ՀԵՂԻՆԵ.. Դուք շտապում եք, ժամանակ չունե՞ք: Ես իսկույն կկանչեմ: (Բարձրանում է տեղից) Այո, այդ մարդու կողմից ես մի բան զղում եմ... (Գնում է):

ՍՈՒԼԻԿՅԱՆ. (Միայնակ) Երբեք նա չի կամենում ինձ հետ առանձին մնալ: Նա սիրում է իր ամուսնուն անպայման սիրով, իսկ ամուսինը — երբեք: Օ՛ո, Միքայել, որքան ապերախտ ես դու այս կնոջ վերաբերմամբ և չգիտես, թե ինչ աղամանդ է զարդարում քո դատարկ կյանքը: Բայց այդ ի՞նչ է պատահում ինձ: Նա օրից օր գրավում է ինձ: Ո՞ւր էի գնում, ո՞ւր եկա և միշտ պիտի մղվեմ դեպի այս տուն մի զգացմունքով, որ... օ՛ո, չպիտի մտածել, երբեք... (Ներս է մտնում Մարիա Իսաևնան):

ՏԵՍԻԼ Թ.

ՍՈՒԼԻԿՅԱՆ և ՄԱՐԻԱ

ՄԱՐԻԱ. Դուք այստեղ, և ես չգիտեի (Բարևում են):

ՍՈՒԼԻԿՅԱՆ. Եկա մի քանի րոպեով և իսկույն պիտի գնամ:

ՄԱՐԻԱ. Դուք միշտ գալիս եք գնալու համար (մեկուսի) և դժբախտաբար այն ժամանակ, երբ Օլգան այստեղ չէ: (Բարձր) Ներեցեք այսօր միասին պետք է ճաշենք, հետո թուղթ խաղանք, ես շատ եմ հավանում ձեր խաղը:

ՍՈՒԼԻԿՅԱՆ. (Մեկուսի) Հենց այդ բանի համար չեմ կարող մնալ: (Բարձր) Իշխանուհի՛, ներեցեք, այսօրվա համար ուրիշին եմ խոսք տվել:

ՄԱՐԻԱ. Ուրեմն դուք չե՞ք սպասի Օլգային: (Մեկուսի) Երանի թե շուտ վերադառնար:

ՍՈՒԼԻԿՅԱՆ. Ահավասիկ, կարծեմ նա գալիս է:

ՏԵՍԻԼ Ժ.

ՆՐԱՆՔ և ՕԼԳԱ

ՕԼԳԱ. (Միջին դռներից մանելով) Ձանձրացրեց ինձ այդ նվագահանդեսը: Բարև ձեզ, պարո՞ն Սուլիկյան: (Սուլիկյանը բարևում է սառն քաղաքավարությամբ) Մամա, նորություն. Նինա Մարդուկյանը ամուսնանում է, վերջապես:

ՄԱՐԻԱՄ. Ո՞ւմ հետ:

ՕԼԳԱ. Ինժեներ Մեիրաբյանի:

ՄԱՐԻԱՄ. Ա՞խ (հառաչում է):

ՕԼԳԱ. Ես հրավիրվեցի հարսընկեր: Դուք ճանաչո՞ւմ եք փեսացուին, պարո՞ն Սուլիկյան:

ՍՈՒԼԻԿՅԱՆ. Այո, պատվական երիտասարդ է և խելոք:

ՕԼԳԱ. Ուրեմն ափսոսում եմ նրան... Նինա Մարդուկյանը, է՛հ, թողնենք: Հույս ունեմ, որ այսօր դուք մեզ մոտ եք ճաշում:

ՄԱՐԻԱՄ. Նա ինձ մերժեց, դո՛ւ խնդիր, Օլգա՛, քեզ չի մերժի:

ՕԼԳԱ. Խնդրում եմ: Մերժո՞ւմ եք:

ՍՈՒԼԻԿՅԱՆ. Ստիպված եմ:

ՕԼԳԱ. Ես էլ չեմ ստիպի: Անկասկած, հրավիրված եք մի ավելի ուրախ տեղ:

ՍՈՒԼԻԿՅԱՆ. Հրավիրված եմ, այո, բայց ավելի ուրախ տեղ է, թե ոչ չգիտեմ: Միայն ցավում եմ, որ ձեր առաջարկությունը չեմ կարող ընդունել: Ցտեսություն, մի ուրիշ անգամ: (Օլգան իրեն վիրավորված ձևացնելով, ձեռք մեկնում է: Սուլիկյանը բռնի ժպտալով, սեղմում է և գնում միջին դռներով):

ՏԵՍԻԼ ԺԱ.

ՆՐԱՆՔ, առանց ՍՈՒԼԻԿՅԱՆԻ

ՄԱՐԻԱՄ. Օլգա՛, այդպես չի կարելի վարվել նրա հետ:

ՕԼԳԱ. Ինչպե՞ս կիրամայեք, որ վարվեմ:

ՄԱՐԻԱՄ. Մեղմ, սիրով:

ՕԼԳԱ. Ինչո՞ւ, որ նա ինձ ավելի՞ արհամարհի:

ՄԱՐԻԱՄ, Նա քեզ չի արհամարհում: Միայն պետք է զգույշ վարվել:

ՕԼԳԱ. Բավական է որքան զգույշ եղա: Տասը տարի է միմյանց ճանաչում ենք, մի անգամ ինձ մի համակրություն չի ցույց տվել, մի անգամ մի կոմպլիման չի արել: Ա՞յժմ էլ զգույշ վարվեմ: Ոչ, մամա՛, հույսդ կտրիր նրանից, նա ինձ վրա ուշադրություն չի դարձնում: Նա շատ է գոռոզացել: Մի քանի անհայտ օրիորդներ շրջապատել են. կարծում է, որ Թիֆլիսում առաջին փեսացուն է: Ոչ, ես նրան ատում եմ, ատում, իմացա՞ր:

ՄԱՐԻԱՄ. Օլգա, այդ ի՞նչ է նշանակում, դու այսօր բոլորովին փոխվել ես:

ՕԼԳԱ. Փոխվել եմ, այո, և ինչպե՞ս սառնարյուն մնամ: Ամենի բախտը բացվեց, ամենը հասան իրանց նպատակին: Մեղավորը հայրս է, դու ես, ինչո՞ւ ես էլ ուրիշների նման բանկում հազարներ չունեմ, որ իմ հետևից վազեն: Ի՞նչ հարկավոր է ինձ ձեր դատարկ

իշխանական ծագումը, քանի որ եթե մի Սուլիկյանի հետ ամուսնանամ, իշխանական տիտղոսս էլ կորցնելու եմ: Ավելի լավ չէ՞ր լինի եղբորս կնոջ նման մի չնչին մարդու աղջիկ և փողով իշխանուհի դառնայի: Դու կարծում ես, որ այդ Սուլիկյանը ինձ համա՞ր է այս տունը գալիս:

ՄԱՐԻԱՄ. Հապա՞:

ՕԼԳԱ. Թույլ տուր ինձ ուրիշ բան կարծել: Այո, ես հիմար. չեմ, ես զգում եմ:

ՄԱՐԻԱՄ. Օլգա՛, դու ինձ բոլորով զարմացնում ես:

ՕԼԳԱ. Օ՛ո դեռ շատ կգարմանաս, երբ կիմանաս, թե ինչ օձ է բնակվում այս տանը: Ատում եմ, ատում եմ քո հարսին (Շտապով գնում է դեպի աջ):

ՄԱՐԻԱՄ. Ոչինչ չեմ հասկանում: Ի՞նչ գործ ունի այստեղ հարսս... Մեղա՛ քեզ, աստված, ինչ էի ուզում մտածել: Միքայելը եկա՞վ, թե՞ չէ: (Գնում է դեպի ձախ):

ՏԵՍԻԼ ԺԲ.

ՀԵՂԻՆԵ և ՀՈՌՈՍ (դուրս են գալիս աջ դռնից)

ՀՈՌՈՍ. Այդ ի՞նչ բան է, ինչո՞ւ Օլգան քեզ այնպես մոտիկ արավ և իմ բարեկիս չպատասխանեց:

ՀԵՂԻՆԵ. Ո՞վ գիտե:

ՀՈՌՈՍ. Ես գիտեմ: Վաղուց ուզում էի ասել, բայց քեղանից վախենում էի: Այժմ է՛լ չեմ կարող թաքցնել: Հեղինե, այս տանը դու բախտավոր չես:

ՀԵՂԻՆԵ. Ինչի՞ց գիտես, ո՛չ, դու սխալվում ես: Ես շատ բախտավոր եմ: Ես սիրում եմ Միքայելին, նա էլ... ինձ է սիրում, ուրիշ բան հարկավոր չէ ինձ:

ՀՈՌՈՍ. Օ՞՛ մոր աչքը սրատես է: Այդ քո սկեսրարը վերջին ժամանակ թե քո մասին է հազար ու մի բան ասում և թե ինձ է վիրավորում:

ՀԵՂԻՆԵ. Զե՞՛ղ, ինչո՞ւ: (Առանձին) Ես այդ վաղուց եմ տեսնում:

ՀՈՌՈՍ. Աստված գիտե ինչու: Տերը նրա հետ, եթե միայն ինձ վիրավորեր, բայց նա քո հոր անունն էլ է հիշում: Ծաղրում է նրան, անպիտան մարդ է համարում: (Մի կողմ) Ա՛խ, ինչու աշխարհումս մի լավ անուն չթողիր: (Բարձր) Այդ բոլորը այնքան ցավալի չէ, քո կյանքն են թունավորում, ահա իմ ցավը: Ես տվի նրանց հորդ թողած հարստության կեսը, իմ բաժինն էլ ավելացրի: Նրանք այժմ քո փողերով շքեղ կառքեր են պահում, ապրում են այս պալատում, բալեր են գնում, բալ են տալիս, իսկ դու օրից օր մաշվում ես, ինչո՞ւ, ասա՛ ինչո՞ւ:

ՀԵՂԻՆԵ. Բավական է, մայրի՛կ, ես իմ վիճակից գոհ եմ, այո, շատ գոհ եմ. չէ՞ որ ես ինքս իմ ազատ կամքով ընտրեցի այս վիճակը, չէ՞ որ Միքայելին սիրեցի և այնպես ամուսնացա նրա հետ: Իսկ նա ինձ սիրում է. դու կասկածում ես ոչ, նա ինձ շատ է սիրում: Աղաչում եմ, հանգստացիր, ես երջանիկ եմ և անպատճառ կլինեմ երջանիկ, այո, մի՛ վրդովիր ծերությունդ, և, վերջապես, նրանք կլսեն, լավ բան չի: Ահա, կարծեմ, սկեսուրս գալիս է: (Ձախ դռնից ներս է մտնում Մաիրամը):

ՏԵՍԻԼ ԺԳ.

ՆՐԱՆՔ և ՄԱՐԻԱՄ

ՄԱՐԻԱՄ. Խնամի՛ս, շատ լավ է, որ դեռ չեք գնացել: Ասացեք, ինդրեմ, դուք ինչո՞ւ այնպես կոշտ պատասխանեցիք, երբ ես ձեր ամուսնու անունը տվի: Շատ պետք է ուրախ լինեք, որ այդ անունը հիշվում է իշխան Բեդմուրովների տանը:

ՀՈՌՈՄ. Ուրախ լինեմ, որ նրան ծաղրում են ու արհամարհո՞ւմ:

ՄԱՐԻԱՄ. Ո՞վ է մեղավոր, որ աշխարհի երեսին նա վատ անուն է թողել:

ՀՈՌՈՄ. Բայց դուք ազգական եք, դուք պետք է քիչ թե շատ հարգեք նրան:

ՄԱՐԻԱՄ. Շատ լավ գիտեմ ում պետք է հարգեմ, ում — ոչ: Չլինի թե ուզում եք իշխան Բեդմուրովի կինը, գեներալ Ալամդրովի քույրը մի կալատոզի աղջկանից քաղաքավարություն սովորի :

ՀՈՌՈՄ. Լսո՞ւմ ես, ՀԵՂԻՆԵ՛, այս անպատվությունը:

ՀԵՂԻՆԵ. (Մեկուսի) Աստված, տուր ինձ համբերություն այս նախատինքին դիմանալու: (Մարիամին) Իշխանուհի՛, բավական է, աղաչում եմ, մի՛ վրդովվեք և մեզ մի՛ վիրավորեք:

ՄԱՐԻԱՄ. Հաա՛, դուն ել մորդ կո՞ղմն ես պահում: Չգույշ, ասում եմ քեզ: (Հռռումին) Իսկ դուք, ինամիս, այսուհետև իմացեք, թե ում հետ եք խոսում:

ՀՈՌՈՄ. Հպարտացե՛ք, փքվեցե՛ք ձեր անունով: Ամոթ եք համարում ձեզ աղքատությունից ազատողի հետ ազգականություն անել, հա՛ա, շատ լավ. ես այսուհետև այս տունը ոտ չեմ դնի: (Շտապով դուրս է գալիս միջին դրռներով):

ՄԱՐԻԱՄ. Ահա իմ արած պատվի վարձը: Ես կատաղությունից կխելագարվեմ, ես չեմ կարող այս անպատվությունը տանել, ես քարուքանդ կանեմ քո անիծված հոր տունը... ա՛խ աստված: (Գնում է աջ դռներով):

ՀԵՂԻՆԵ. (Մեկուսի) Ահա իմ կյանքը, ահա իմ երևակայած ընտանեկան երջանկությունը: Անիծում են հորս հիշատակը, անպատվում են ծերունի մորս և վռնդում, ատում են ինձ ու ծաղրում, իսկ ես, է՛ս համբերությամբ տանում եմ այդ բոլորը, որովհետև ստիպված եմ տանել: Մեղք, մեղք այն կնոջ, որ իմ սիրտն ունի, իմ գաղափարը և իմ հոգին... Բայց ի՞նչ փույթ, թող ամեն թշվառություն տեղա գլխիս, միայն Միքայելը լինի այն, ինչ որ երևակայել եմ: Նա միայնակ կարող է ինձ երջանկացնել... (Ուզում է գնալ դեպի աջ. դեմ ու դեմ դուրս է գալիս Օլգան):

ՏԵՍԻԼ Ժ.

ՕԼԳԱ և ՀԵՂԻՆԵ

ՕԼԳԱ. Սպասեցեք, ես ձեզ հետ գործ ունեմ:

ՀԵՂԻՆԵ. Ասացեք:

ՕԼԳԱ. Ո՞վ վիրավորեց իմ մորը: Նա գունաթափված մտավ իր սենյակը և դռները փակեց:

ՀԵՂԻՆԵ. Նրան ոչ ոք չվիրավորեց, նա ինքն էր հուզված:

ՕԼԳԱ. Առանց պատճառի՞, այդ անկարելի է: Լսեցեք, ձեր վարմունքը այս տանը անտանելի է. դուք ձեզ պահել չգիտեք, դուք մեր տան անունը կարող եք ծաղրի ենթարկել:

ՀԵՂԻՆԵ. Օլգա՛, ես չեմ հասկանում ձեր տարօրինակ բարկության պատճառը: Ասացեք, ես ի՞նչ բան եմ գործել, որ անպատվաբեր լինեմ այս տանը կամ ձեզ:

ՕԼԳԱ. Կան բաներ, որ չեն ասվում, այլ միայն զգացվում են: Դուք շատ համարձակ եք պահում ձեզ, տիկին, շա՛տ:

ՀԵՂԻՆԵ. Ճշմարիտ զարմանալի է. լսելով ձեր վրդովված հանդիմանությունը, կարող եմ կարծել, որ իրավ ես մի մեղք ունեմ: Այնինչ դուք հանդիմանում եք ինձ և ոչինչ չեք բացատրում:

ՕԼԳԱ. Բացատրե՛լ, այո, կբացատրեմ, բայց ոչ այժմ, որովհետև ես պետք է աշխատեմ փաստեր ձեռք բերել ձեր հանցանքի չափը որոշելու համար:

ՀԵՂԻՆԵ. Հանցանքի՞: Օրիորդ, դուք կատա՛կ եք անում, թե՞ մենք երագում ենք: Ասացեք, ապա թե ոչ դուք ինձ վիրավորեցիք և չգիտեմ ինչ կպատասխանեմ ձեզ:

ՕԼԳԱ. Ես ասացի այնքան, որքան հարկավոր էր ասել: Առայժմ գոհ եղեք, որ կա մեկը, որ ոգևորված գովում է ձեզ հանդեսներում իբրև արտակարգ գեղեցկության և համակրության մի կատարելատիպի: Բայց մնացյալը հետո: Հանգիստ կացեք. այն, ինչ որ իմ սիրտն է զգում, հագիվ այս տան մեջ կարող է մի ուրիշը զգալ: Հասկանում եք: Իսկ ես, մի՛ վախենաք, առայժմ խոհեմ կպահեմ ինձ ամուսնուդ մոտ: Տե՛ր աստված, և այս կինը իմ եղբոր, այն Էլեզանտ, այն արիստոկրատ և ազնիվ մարդու ամուսինն է: (Շտապով գնում է միջին դռներով):

ՏԵՍԻԼ ԺԵ.

ՀԵՂԻՆԵ, հետո ՄԻԶԱՅԵԼ

ՀԵՂԻՆԵ, Ես ապշած եմ: Զգիտեմ զայրանա՛մ, արտասվե՛մ, թե ծիծաղեմ: «Հանցանք»... Նա պետք է «փաստեր ձեռք բերի», այսպես լսեցի արդյոք: «Մնացյալը հետո»... «Կա մեկը, որ ինձ ոգևորված գովում է»... Ո՛վ է նա, ինչո՞ւ է գովում: Ի՞նչ էին նշանակում այդ աղջկա խոսքերը. «առայժմ խոհեմ կպահեմ ինձ ձեր ամուսնու մոտ»: Աստվա՛ծ իմ, պարզիր ինձ այդ գաղտնիքը: (Միջին դռներից ներս է մտնում Միքայելը):

ՄԻԶԱՅԵԼ. Սիրելիս, ներիր, որ այսօր առանց քեզ հետ տեսակցելու դուրս եկա տնից: Բայց այդ ի՞նչ է պատահել. դու հուզվա՞ծ ես, դողո՞ւմ ես:

ՀԵՂԻՆԵ. Պատճառներ շատ կան հուզվելու:

ՄԻԶԱՅԵԼ. Ասա, երևի դարձյալ մի չար երագ վրդովել է քո հանգստությունը:

ՀԵՂԻՆԵ. Իմ ամբողջ կյանքը բաղկացած է ձեր երազներից, որոնցից մեկը հենց այժմ կատարվեց այստեղ:

ՄԻԶԱՅԵԼ. Վերջապես, պե՛տք է ասես, թե ինչ է պատահել:

ՀԵՂԻՆԵ. Զո մայրը մի քանի րոպե առաջ իմ մորը անպատվեց և համարյա թե վռնդեց այս տնից, օ՛ո, որքան այդ դառն էր:

ՄԻԶԱՅԵԼ. Վռնդե՞ց, այդ անկարելի բան է:

ՀԵՂԻՆԵ. Սակայն իրողությունն է:

ՄԻԶԱՅԵԼ. Աճ, ես իսկույն փողոցում հանդիպեցի մորդ: Նա, առանց ինձ բարևելու, անցավ մոտովս: Ուրեմն այստեղ վե՞ճ է պատահել:

ՅԵՂԻՆԵ. Այո, և խոշոր վեճ:

ՄԻԶԱՅԵԼ. Եվ ի՞նչ պատճառով:

ՅԵՂԻՆԵ. Այն պատճառով, որ ես հանդգնել եմ քո ամուսինը դառնալ: Հանդգնել եմ կապել մի փառահեղ իշխանական ցեղի անուն մի տխուր հիշատակ ունեցող մարդու անվան հետ: Վերջապես, հանդգնել եմ քեզ անբախտացնել, իսկ քո ազատությունը, կապել քո ճանապարհը դեպի մի երջանիկ կյանք, թունավորել եմ քո կյանքը, իսկ ինքս ապրում եմ այսպես հանգիստ, բախտավոր և երջանիկ:

ՄԻԶԱՅԵԼ. Երդվում եմ, ոչինչ չեմ հասկանում քո ասածից:

ՅԵՂԻՆԵ. Որովհետև ձեռնտու չէ հասկանալը, որովհետև միշտ սիրել ես իրողությունը կեղծել իմ առաջ, միշտ կատակով ու ծաղրով ես վերաբերվել դեպի այն բանը, որ իմ վշտալի սրտի արտահայտությունն է: Սակայն ինչ իրավունքով ես ուրիշ բան պահանջեմ մի մարդուց, որ երդվել է դատապարտել ինձ լուռ ու հապաղ մահվան:

ՄԻԶԱՅԵԼ. Մահվա՛ն:

ՅԵՂԻՆԵ. Այո, կամ խելագարության — երկուսից մեկը, այս տեսակ կյանք վարող մի կին ուրիշ ելք չի կարող ունենալ:

ՄԻԶԱՅԵԼ. Հեղինե՛, դարձյալ սկսեցի՞ր քո անտեղի հանդիմանությունը: Դադարի՛ր, եթե չես կամենում ինձ վրդովել:

ՅԵՂԻՆԵ. Ոչ. բավական է որքան լռեցի, այլևս իմ ուժերը նվազում են: Տանել այս տեսակ կյանք չեմ կարող: (Մեկուսի) Աստված իմ, ի՞նչ եմ ասում ես:

ՄԻԶԱՅԵԼ. Ուրե՛մն:

ՅԵՂԻՆԵ. Թող գոնե մի անգամ բացարձակ ասեմ այն, ինչ որ վաղուց պետք է ասեի, բայց ամոթը կապում էր իմ լեզուն: Թող ասեմ, որ դու... դու ինձ խաբում ես և դավաճանում:

ՄԻԶԱՅԵԼ. Կեցցե՛ս, ճշմարտությունը գտար, արի շրթունքդ համբուրեմ: Խաբել, դավաճանել, սիրելիս, չգիտես, որ այդ խոսքերի համար ես կարող եմ քեզանից փաստեր պահանջել:

ՅԵՂԻՆԵ. Իմ փաստը իմ սիրտն է առայժմ, երանի թե նա ինձ մոլորեցներ: Ա՛խ, Միքայել, եթե ինձ հուզողը միայն դեպի քեզ ունեցած սերը և նրանից առաջացած խանդը լիներ, ես այդքանին ևս չէի դիմանա: Ո՛ւր մնաց, որ դու ուզում ես անպատվել իմ անունը, ուզում ես ինձ հասարակության ծաղրի ու արհամարհանքի առարկա դարձնել, ոտնատակ անել իմ կանացի ինքնասիրությունը . ահա ինչն է սարսափելին:

ՄԻԶԱՅԵԼ. (Մեկուսի) Ոչ. այսպես շարունակել չի կարելի, պետք է սրա հետ մեղմ խոսել (Բարձր) Էլիշկա, սիրելի՛ս, դու սխալվում ես իմ մասին, հավատացնում եմ, սխալվում ես: Ճշմարիտ է, երբեմն ես մոռանում եմ, որ ընտանիքի տեր եմ, հայր եմ և ամուսին, բայց այդ մոռացումը միայն գործի համար է: Ի՞նչ է, իսկապես, իմ մեղքը: Որ գիշերները ո՛ւշ եմ տուն վերադառնում կամ երբեմն չե՛մ վերադառնում: Համաձայնի՛ր, սիրելի՛ս, որ ես տղամարդ եմ և գործնական մարդ, հասարակության անդամ: Հիշի՛ր, քանի տեսակ զբաղմունք ունեմ. մի՞թե իրավունք չունեմ մի փոքր անփույթ լինել դեպի իմ ընտանիքը: Սակայն ես քեզ սիրում եմ այնպես, ինչպես միշտ սիրել եմ:

ՅԵՂԻՆԵ. Այնպես, ինչպես միշտ, այսինքն — երբեք, ասա՛, այնպես չե՛, ասա՛:

ՄԻԶԱՅԵԼ. Մի՛ վշտացնի ինձ, մի՛ ստիպի, վերջապես, տասնութ տարեկան պատանու նման ամեն օր ընկնել ոտներդ և սիրո երդումներ անել: Գո՛հ եղիր իմ սրտի զգացմունքով և ոչ խոսքերով: Ասա՛, երբեւէ վիրավորե՞լ եմ քեզ, երբեւէ մի կոշտ խոսք ասե՞լ եմ քեզ:

ՅԵՂԻՆԵ. Վարվիր ինձ հետ ինչպես կամենում ես, վիճիր հետս, նախատիր ամեն մի սխալիս համար, հանդիմանիր ամեն մի քայլիս համար, ուշադիր եղիր դեպի իմ ամենաչնչին վարմունքը, այդ ինձ համար ավելի լավ է և շատ, շատ հաճելի: Բայց արտաքին քաղցրության ներքո մի՛ արհամարհիր ինձ, առերես քաղաքավարության տակ մի՛ թաքցնի քո սրտի տգեղ զգացմունքը դեպի ինձ — այդ վատ է, վատ ու շատ վատ:

ՄԻԶԱՅԵԼ. Բարեսիրտ, խելացի և գեղեցիկ Էլիշկա, ես կկամենայի, որ դու միայն մի բանում համոզվես, այն է, որ ոչ ոք, ոչ ոք չի կարող խանգարել մեր երջանկությունը, որ չկա մեր մեջ մի երկրորդ անձն: Այո, կնոջ սիրտը ընդունակ է ամեն տեսակ անմիտ կասկածների: Բայց խոհեմ կինը չպետք է պղտորի իր արյունը այդ կասկածներով: Ուրեմն, իմ խոհեմ Էլիշկա, մոտեցի՛ր ինձ, ե՛կ հաշտվենք: Իսկ եթե իմ ասածը բավական չէ, ազնիվ խոսք կտամ քեզ այսուհետև առանց քո հրամանի մի քայլ անգամ չանե՛լ:

ՅԵՂԻՆԵ. Երբեք, տղամարդը յուր կամքի տերը պետք է լինի: Ես քեզ վրա բռնություն գործ դնելու ոչ ուժ ունեմ և ոչ ցանկություն:

ՄԻԶԱՅԵԼ. Խելացի կնոջ խելացի պատասխան: Ուրեմն տուր ինձ ձեռք, նայի՛ր աչքերիս և համոզվիր, որ ես ունեմ մի ուժ, որ միշտ կարող է ինձ վրա բռնանալ: Դա իմ խիղճն է: Հաշտվենք:

ՅԵՂԻՆԵ. Թո՛ղ ինձ հանգիստ, այս դրության մեջ ես չեմ կարող քեզ հետ հաշտվել:

ՄԻԶԱՅԵԼ. Եվ ոչ ներե՞լ:

ՅԵՂԻՆԵ. Ներե՛լ, երբ մայրս անպատվությամբ վռնդվա՞ծ է այս տնից:

ՄԻԶԱՅԵԼ, Թող այս սխալը ուղղելը իմ պարտքս լինի: Ես իսկույն կգնամ նրա մոտ, մորս կողմից ներում կխնդրեմ, անպատճառ կբերեմ այստեղ ճաշի և երկու պառավներին կստիպեմ համբուրվել: Առայժմ, սիրելի՛ս, թույլ տուր ինձ ասել, թե ինչու վերջին օրերը ես շատ անհանգիստ եմ: Ավգերյան եղբայրների բանկային գրասենյակին տրված մուրհակի ժամանակը վաղը լրանում է: Անպիտանները չեն համաձայնում նոր մուրհակ վերցնել: Ստիպված եմ վաղը հատուցանել, գումարը մեծ է, իսկ ես փող չունեմ, ահա իմ ընտանեկան անհոգության պատճառներից մեկը:

ՅԵՂԻՆԵ. (Մեկուսի) Երանի միայն այդ լիներ: (Բարձր) Ուրեմն քեզ փո՞ղ է հարկավոր:

ՄԻԶԱՅԵԼ. Այո:

ՅԵՂԻՆԵ. Որքա՞ն

ՄԻԶԱՅԵԼ. Հավատացիր, ամաչում եմ ասել:

ՅԵՂԻՆԵ. Դու գիտես, որ իմ ունեցածը քեզ է պատկանում, վերցրո՛ւ, որքան հարկավոր է, բայց մի մոռանար, որ իմ օժիտը սպառվելու վրա է, մենք կարող ենք նեղ օրերի հանդիպել:

ՄԻԶԱՅԵԼ. Այդ մասին հոգալը իմ պարտքս է: Ինձ հարկավոր է ութ հազար ռուբլի:

ՅԵՂԻՆԵ. Երկու ամսվա մեջ երրորդ անգամն թ, որ այդչափ գումարներ ես վերցնում: Փույթ չէ, վաղը կստանաս իմ բանկային արժեթղթերից:

ՄԻՔԱՅԵԼ. Շնորհակալ եմ, սիրելիս, բայց եթե այժմ տայիր, կարող էի Ավգերյաններին նախազգուշացնել վաղվա համար:

ՀԵՂԻՆԵ. Սպասիր: (Մեկուսի) Նա ինձ չի հավատում (Գնում է աջ դռներով):

ՄԻՔԱՅԵԼ. (Մենակ) Գնաց: Ողորմելի ու խղճալի կին, որքան սիրում է ինձ և դեռ հավատում: Իսկ ե՞ս, մեղավոր եմ միթե, որ երբեք չեմ սիրել և չեմ սիրում, սակայն միշտ ստիպված եմ, կեղծել և կեղծել, քանի որ կա մի ուրիշը, քանի որ իմ գործերը վատ են գնում և օրից օր թաղվում եմ պարտքերի մեջ: (Հեղինեն վերադառնում է բաժնեթղթերը ձեռքին):

ՀԵՂԻՆԵ. Ահա՛ ուզածդ. գնա՛ ազատի՛ր անունդ անպատվությունից և աշխատիր թշնամիների առաջ միշտ քո անունը բարձր պահել:

ՄԻՔԱՅԵԼ. (Բռնում է ձեռքը) Բայց նախ թող համբուրեմ իմ ազատարար ձեռքը (ուզում է համբուրել, Հեղինեն թույլ չի տալիս):

ՀԵՂԻՆԵ. Փողի համա՞ր, երբե՞ք:

ՄԻՔԱՅԵԼ. Ուրեմն թույլ տուր սիրո համար համբուրել (համբուրում է): Շտապում եմ քո մոր մոտ և իսկույն կվերադառնամ: (Գնում է միջին դռներով):

ՀԵՂԻՆԵ. (Նայելով հետևից) Գնա, գնա՛ իմ սրտի կասկածների բնավ չես կարող փարատել: Աստված իմ: Ինչ կլինի իմ վիճակը, եթե իրավ ես միանգամայն զրկվեմ նրա սիրուց, ես, որ իմ կյանքի ամբողջ երջանկությունը միայն նրա մեջ եմ տեսնում: Բայց այն ի՞նչ ասաց Օլգան, ի՞նչն է իմ «հանցանքը»: Աստված իմ, այդ աղջկա խոսքերը մի անորոշ սարսուռ ազդեցին ինձ վրա:

Վարագույր

2-ՐԴ ԳՈՐԾՈՂՈՒԹՅՈՒՆ

(Այրի Հռոմմի բնակարանը: Մի սենյակ կեսեվրոպական և կեսասիական ոճով կահավորված: Մի կողմում դիվան, բաղկաթոռներ, մյուս կողմում թախտ: Ձախ կողմում և մեջտեղը դռներ, աջ կողմում պատուհաններ: Կարասին կիսամաշ է):

ՏԵՍԻԼ Ա.

ՀՈՌՈՄ (միայնակ թախտի վրա նստած, տարված է թղթերով):

ՀՈՌՈՄ. Մեկ, երկու, երեք. չորսանոց, վեցանոց, իննանոց: Կարմիրը ուրախություն, սևը տրտմություն, վեցանոցը ճանապարհ է ցույց տալիս, էլ ի՞նչ ես դուրս գալիս, Գարեգինը եկավ, պրծավ: Այս էլ սև, էլի սև, ուրեմն էլի տրտմություն, սև, սև, սև: Է՛հ, (բարկացած շարտում է թղթերը) գնացե՛ք, կորե՛ք, դուք մի ուրախ բան չեք ասում աղջկաս համար: Չէ, է՛լ սրտիս դաշնությունը պահել չեմ կարող, պետք է Գարեգինին հայտնեմ... Օճ, նա շատ կցավի և, ով գիտե, ի՞նչ կանի: Տե՛ր աստված, տե՛ր աստված, մի աղջիկ ունենալ և այն էլ այդպես անբա՛խտ: (Ներս է մտնում միջին դռներով Չարբաբյանը):

ՏԵՍԻԼ Բ.

ՀՈՌՈՄ և ՉԱՐԲԱԲՅԱՆ

ՉԱՐԲԱԲՅԱՆ. (Մեկուսի) Պառավը մենակ է, հույս կա բանս հաջողվի: (Բարձր) Բարի լույս քույրիկիս: Է՛հ, Ինչ կա, ինչ չկա: Լա՛վ եք: Զանի օր է չէի տեսել. սիրտս ուզեց տեսնել: Նոր բաներ կա՞ն:

ՀՈՌՈՍ. Նստեցեք: Նոր բաներ ձեզանից պետք է լսել:

ՉԱՐԲԱԲՅԱՆ. Իհարկե, դուք աշխարհից հեռու եք: Իսկ ես, գիտեք, քույրիկ, իմ անունս ման եկող լրագիր են դրել կլուբում: Այո, ամենից առաջ մեր քաղաքի լուրերը ես եմ լսում: Հենց հիմա փողոցում հանդիպեցի Նորին պայծառափայլություն Միխայել Եգորովիչ Բեգմուրովին:

ՀՈՌՈՍ. Փեսայի՞ս, դուք նրա հետ ծանոթ եք:

ՉԱՐԲԱԲՅԱՆ. Ես, ոչ. բայց ինքը ինձ շատ լավ է ճանաչում: Երևակայեցեք, այն օրից դեռ ինձ վրա ծուռ աչքով է նայում:

ՀՈՌՈՍ. Ո՞ր օրից:

ՉԱՐԲԱԲՅԱՆ. Չե՞ք լսել, ինչպես երևում է, Գարեգինը չգիտե կամ չի պատմել ձեզ: Ուրեմն լսեցեք ես պատմեմ: Մի խումբ պատվավոր, շատ պատվավոր մարդիկ մի տեղ հավաքված ձեր մասին էին խոսում:

ՀՈՌՈՍ. Մե՞ր մասին:

ՉԱՐԲԱԲՅԱՆ. Այո, այսինքն ձեր և Բեգմուրյանների մասին: Մի քանիսը սկսեցին ծաղրել, որ դուք իբրև թե ուզեցել եք անպատճառ մի իշխանի գոքանչ լինել, չգիտեմ փողով ձեր աղջկա համար իշխանություն եք ձեռք բերել: Ես լսում էի, հանկարծ համբերությանս տուարակը դատարկվեց, Է՛լ չկարողացա ինձ պահել: Գլուխս բարձրացրի, կուրծքս դուրս ցցեցի (ոտքի է կանգնում), մի ոտս առաջ դրի ու ասացի. պատվելի՛ պարոններ, դուք մեծ մարդ եք, բայց ես ձեզանից չեմ վախենում, ես ոչ ոքից չեմ վախենում, ոչ հարուստից, ոչ իշխանից:

ՀՈՌՈՍ. (Մեկուսի) Է՛լի սկսեց:

ՉԱՐԲԱԲՅԱՆ. Ոչ տերտերից, ոչ վարդապետից: Ես խոսքը մարդու ճակատին ասող մարդ եմ, եթե իմ քրոջ աղջիկը իշխանուհի է դարձել, Բեգմուրովն Էլ քաղցած գլրտալուց է ազատվել: Հա՛պա. շատ ժամանակ չկա, որ Նորին պայծառափայլության գրպանը իմ գրպանիս պես կարելի էր վարձով տալ, իսկ այժմ, պատվելի պարոններ, նա սեփական կառքով այնպես է ման գալիս, որ գրաֆ Շապշապովը նրա մոտ փա՛ս...

ՀՈՌՈՍ. (Մեկուսի) Շապշապովի՞ն որտեղից գտավ:

ՉԱՐԲԱԲՅԱՆ. Այսպես որ ասացի, այդ պատվելի պարոնները զարմացած նայեցին երեսիս: Կարծեմ, շատ էի բարկացել, դեմքս սարսափելի պետք է լիներ, որովհետև, աստված ազատի, երբ Մարտին Մարտինիչ Չարբաբովը բարկանում է: Այժմ, իհարկե, գնացել են ու նրան պատմել իմ ասածը, քիթը վեր է քաշել:

ՀՈՌՈՍ. Բայց նա ձեզ չի ճանաչում, ինչպե՞ս կարող է նեղանալ:

ՉԱՐԲԱԲՅԱՆ. Չարբաբովին Թիֆլիսում չճանաչող մարդ չկա: Նա շատ լավ գիտե, որ ես ձեզ համար եղբոր տեղ եմ բռնում և պատրաստ եմ Հեղինեի համար գլուխս տալ: Չէ, ես պետք է լռե՛մ, որ նա իմ քրոջ աղջկա փողերը փչացնի թղթախաղում, սիրուհիների վրա և նրա ծնողներին, իմ հարազատ ազգականներին ծաղրի՞: Ատանդե, Չարբաբովը այն մարդկանցից չէ:

ՀՈՌՈՍ. Թղթախաղում ու սիրուհիների վրա՞ ասացիք:

ՉԱՐԲԱԲՅԱՆ. Հապա, խեղճ կնիկ, կլուբում, բուվարում, փողոցներում, տներում, որտեղ ասեք նրա մասին են խոսում:

ՀՈՌՈՍ. Եվ աղջկանս բամբասո՞ւմ:

ՉԱՐԲԱԲՅԱՆ. Բամբասում են, այո, ես խոսքը ճակատին կասեմ:

ՀՈՌՈՍ. Լավ, բավական է, հասկացա:

ՉԱՐԲԱԲՅԱՆ. Է՛հ, ինձանից նեղացա՞ք:

ՀՈՌՈՍ. Ընդհակառակը, շնորհակալ եմ, որ մեզ պաշտպանում եք:

ՉԱՐԲԱԲՅԱՆ. Օժ, գլուխս կտամ ազգականիս համար: Է՛հ, շատ նստեցի, մի տեղ ինձ համար պաշտոն է բացվում, պետք է գնամ տեղեկանամ: Ցտեսություն: Հա, միտս եկավ, քոյրի՛կ, մոտո՛վ փող կա:

ՀՈՌՈՍ. Ինչքա՞ն:

ՉԱՐԲԱԲՅԱՆ. Քսան, երեսուն կամ քառասուն մանեթ:

ՀՈՌՈՍ. Սպասեցեք տեսեմ: (Մոտենում է սեղանին և արկղիկը բանալով մի կապ թղթադրամ է հանում):

ՉԱՐԲԱԲՅԱՆ. (Մեկուսի) Շատ ունի, ափսո՛ս ավելի չուզեցի:

ՀՈՌՈՍ. Առեք, բայց այսուհետև կդիմեք Գարեգինին, նրան է պատկանում իր հոր կարողությունը:

ՉԱՐԲԱԲՅԱՆ. Եթե նեղանում եք, չեմ վերցնի, համեցե՛ք, կգնամ ուրիշից կվերցնեմ:

ՀՈՌՈՍ. Ոչ. այդ մտքով չասացի:

ՉԱՐԲԱԲՅԱՆ. Արևս վկա, վերցրեք, ես խոսքը մարդու ճակատին ասող եմ: Դուք կարծում եք՝ ողորմություն եմ խնդրում: Ահա, (հանում է ծոցից մի փոքրիկ մատյան) բոլոր մեկ-մեկ գրված է, տեսեք, ձախ երեսում պարտքերս են, իսկ աջ երեսում՝ ստանալիքս, այս մեկը բավական մաքուր է, ես մաքրություն սիրող մարդ եմ: Հետ վերցրեք, եթե ձեզ հարկավոր է:

ՀՈՌՈՍ. Լավ, դրեք գրպանդ:

ՉԱՐԲԱԲՅԱՆ. (Փողը դնելով գրպանը) Աստված մեր բարեկամությունը հաստատ պահի: (Գնում է միջին դռներով):

ՀՈՌՈՍ. (Մեկուսի) Հեղինեի դրությունը աչքիցս զցել է տուն, տեղ, հարստություն: Երբ ամուսինս աղքատ էր, ոչ ոք չէր ուզում մեզ ճանաչել, հարստացավ թե չէ, մորս եղբոր կնոջ ազգականը եկավ հարազատ եղբայրս դարձավ: (Գալիս է Գարեգինը) Դու ես, որդի՛, ինչո՞ւ այդպես տխուր ես:

ՏԵՍԻԼ Գ.

ՀՈՌՈՍ և ԳԱՐԵԳԻՆ

ԳԱՐԵԳԻՆ. Որովհետև քո վարմունքը ինձ չափից դուրս վրդովել է: Մի շաբաթ է այստեղ եմ, և դու ինձանից թաքցնո՞ւմ ես իմ քրոջ դրությունը:

ՀՈՌՈՍ. (Մեկուսի) Երևի, մի բան լսել է, (Բարձր) Թաքցնելու ոչինչ չկա, քույրդ ապրում է, ինչպես միշտ ապրել է:

ԳԱՐԵԳԻՆ. Այսինքն դժբախտ: Իսկ դու հավատացնում էիր, որ նա երջանիկ է: Ես շատ լավ գիտեի, որ դու խաբում ես ինձ: Արդեն Հեղինեի դեմքից ու խուլ հառաչանքներից գուշակում էի, որ մի բան կա: Եվ ահա այդ բանը, որ քեզանից կամ իրանից պիտի լսեի, այսօր լսում եմ ուրիշներից:

ՀՈՌՈՍ. Սուտ են ասում ուրիշները: Մի՛ հավատա նրանց ասածներին, ամենքը նախանձից են խոսում:

ԳԱՐԵԳԻՆ. Այո, և իմ ընկերները: Այսպես թե այնպես, ես պետք է բոլորը իմանամ: Դու չասացիր, Հեղինեն ինքը կպատմի, նա ինձանից գաղտնիք չի պահի, որովհետև գիտե որքան եմ սիրում նրան: Իսկ եթե նա իմ լսածը հաստատի, այն ժամանակ պետք է նրա ամուսնուց բացատրություն պահանջել:

ՀՈՌՈՍ. Նա կարող է քեզ ասել, որ չխառնվես իր ընտանեկան գործերին, (մեկուսի) ինչպես ինձ ասաց:

ԳԱՐԵԳԻՆ. Թող ասի, ինչ ուզում է, ես իմ քրոջը անպաշտպան թողնել չեմ կարող:

ՀՈՌՈՍ. Ուրեմն դու ուզում ես խռովություն գցել մեր մեջ; Գարեգին, դու տաքարյուն ես, վախենում եմ:

ԳԱՐԵԳԻՆ, Անհո՛գ կաց. դեպքը պահանջելիս ընդունակ եմ ինձ զսպել: Իսկույն գնում եմ Հեղինեի մոտ:

ՀՈՌՈՍ. Կա՛ց, կառքի ձայն լսեցի, տեսնենք ո՞վ է: (Մոտենում է պատուհանին և նայում դեպի փողոց) Հեղինեն է, էլի ին՛չ է պատահել, ասովա՛ճ: Նա գունատված է, դողդողալով է ցած իջնում կառքից: (Շտապում է դեպի միջին դռները):

ԳԱՐԵԳԻՆ. (Մեկուսի) Թե նա պետք է տարաբախտ լիներ այն մարդու հետ, ես այդ վաղուց գիտեի և գուշակում էի ամուսնությունից առաջ: (Ներս է մտնում Հեղինեն տխուր, շնչասպառ: Հոռոմը վախեցած նայում է նրա երեսին: Հեղինեն, տեսնելով եղբորը, ճիգ է անում ժպտալու:

ՏԵՍԻԼ Դ.

ՆՐԱՆՔ և ՀԵՂԻՆԵ

ՀՈՌՈՍ. Աղջիկս, ի՞նչ է պատահել, որ այդպես...

ՀԵՂԻՆԵ. Ոչինչ, եկել եմ ձեզ այցելելու:

ԳԱՐԵԳԻՆ. Բայց դու գունատ ես, հագիվ կարողանում ես ոտքի վրա կանգնել: Ասա՛: Ի՞նչ է պատահել: Դու լռո՞ւմ ես, չե՞ս ուզում իմ մոտ բաց անել քո վիշտը: Բավական է, Հեղինե՛, որքան թաքցրիր, ես այժմ գիտեմ քո դրությունը, իսկույն ուզում էի քեզ մոտ գալ: Ամ, դու հառաչա՜նքդ անգամ զսպում ես:

ՀԵՂԻՆԵ. (Խեղդված ձայնով) Գարեգին ես դժբախտ եմ: (Ուժասպառ նստում է բազկաթոռի վրա և, երեսը ձեռների մեջ թաքցնելով, աշխատում է զսպել հեծկլտանքը):

ԳԱՐԵԳԻՆ. Դու չափազանց հուզված ես: Նախ և առաջ քեզ հարկավոր է հանգստություն, ես իսկույն իմ սենյակից մի թեթև դեղ կբերեմ: (Ուզում է գնալ):

ՅԵՂԻՆԵ. Ոչ. մի՛ գնա, անցավ, այժմ հանգիստ եմ, թույլ տուր միայն, որ շունչս ժողովեմ...
Ես կարող եմ խոսել, թողեք, որ խոսեմ: Մի ամբողջ օր է լուռ եմ, սիրտս եռում է ու բորբոքում: Օժ՝, վատ է, վատ է իմ դրությունը: Նա ինձ խաբում է: Նա իմ հավատարմությունը, իմ սերը, իմ անձնվիրությունը զոհում է ուրիշներին: Ո՛չ այլևս չեմ կարող դիմանալ այս ամոթալի վիճակին: Դա իմ ուժերից վեր է: Սիրել և այնպես ատվել, հավատալ և այնպես մոլորվել, արհամարհվել, ոտնատակ լինել, ծաղրի ու ծիծաղի առարկա դառնալ — անտանելի է: Կարծես, խելագարվում եմ, ուղեղս մթնում է և պղտորվում: Մա՛յր, եղբա՛յր, օգնեցե՛ք ինձ, տվե՛ք մի խորհուրդ՝ ձեր թշվառ Յեղիներին (Յեծկտում է):

ՀՈՌՈՄ. Խուլանա ու կուրանա քո մայրը (ուզում է փաթաթվել Յեղիների պարանոցին):

ԳԱՐԵԳԻՆ. Համբերիր, մի ավելացնի նրա հուզմունքը: Թող սրտի դառնությունը արտահայտի և հանգստանա:

ՅԵՂԻՆԵ. Հանգստանա՞մ, երբեք, երբեք իմ սիրտը չի հանգստանա: Արյունս մրրկում է, աչքերս մթնում են, երբ հիշում եմ այն բոլորը, ինչ որ անցել է և անցնում է իմ գլխով: Ա՛ռ, կարդա՛ այս նամակը (տալիս է Գարեգինին բացած ծրարով մի նամակ):

ԳԱՐԵԳԻՆ. Անստորագիր նամակ, ի՞նչ են գրում. «Տիկի՛ն, անկեղծ սրտով խղճում եմ ձեզ: Այն րոպեին, երբ այս նամակը կանցնի ձեր ձեռքը, ձեր ընտանեկան պատիվը ապականվում է ձեր ամուսնու ձեռքով»... Ոչ, բավական է. այս տեսակ ստոր գրվածք ես կարդալ չեմ կարող:

ՅԵՂԻՆԵ. Շարունակիր, եթե ուզում ես բոլորը իմանալ:

ԳԱՐԵԳԻՆ. (Շարունակում է) «Այո, ձեր ամուսնու մեջ մեռել է ամոթի զգացումը: Բայց դուք դեռ սիրում եք նրան և հավատում, մի՞թե ձեր անձնասիրությունը չի բողոքում այս անարգանքի դեմ, մի՞թե ձեր մեջ չկա վրեժխնդրության ոգի: Գրում է ձեզ այս նամակը ձեր ամուսնու վատության զոհերից մեկը, բայց խնդրում է հավատալ նրա խոսքին: Իսկ եթե կասկածեք, կարող եք ստուգել... ահա ձեզ ճանապարհը»,... Այստեղ գրված է մի բնակարանի հասցե և մի ազգանուն: Եվ դու, Յեղի՛նե՛, ուշադրությո՞ւն ես դարձնում այս տեսակ անամոթ գրությունների վրա: Դա մի թշնամու գործ է, ուրիշ ոչինչ...

ՅԵՂԻՆԵ. Այդպես էի մտածում և ես, բայց երեկվա փաստը իմ կասկածը փարատեց:

ԳԱՐԵԳԻՆ. Փա՛ստը, ուրեմն դու...

ՅԵՂԻՆԵ. Այո, չկարողացա ինձ զսպել: Ո՛հ, ամոթը խեղդում է ինձ, երբ հիշում եմ իմ արածը: Երբեք, երբեք չէի կարծում, որ խանդը այնչափ կարող է հաղթել բանականության: Խա՛նդը, ոչ այդ խանդ չէր, այլ ավելի զորեղ զգացում: Նա ճաշից հետո տնից դուրս գալով, խոստացավ շուտով վերադառնալ. պետք է միասին թատրոն գնայինք: Նա ուշացավ, և դարձյալ չար զգացումը գրգռվեց իմ մեջ: Այդ վայրկյանին աղախինս բերեց այս նամակը և ասաց, թե մի անհայտ պատանու ձեռքով է ստացվել: Կարդացի և խելքս պղտորվեց: Աշխատեցի ինձ համոզել, որ այդ մի գրպարտություն է: Բայց ոչ, ես ինձ խաբել չէի կարողանում: Վերջապես, հանկարծ ինձ տիրեց վճռականության ոգին: Սկեսրիս հայտնեցի, թե ձեզ մոտ եմ գալիս: Դուրս եկա միայնակ, դողալով, երեսս թանձր քողով ծածկած: Նստեցի առաջին պատահած կառքը: Սառն քրտիկները պատել էր ինձ ոտից մինչև գլուխ: Մուգ էր, սակայն ինձ թվում էր, որ բոլոր անկյուններից ինձ վրա են նայում, որ ինձ ծաղրում են, որ իմ կառքի հետևից լրտեսում են: Ես սարսափում էի իմ արածից, սակայն անհաղթելի ուժը մղում էր ինձ դեպի առաջ: Գնա՛, շնջում էր ինձ մի ներքին ձայն, գնա՛, այնտեղ ապականում եմ քո անարատ անունը, սրբապղծում եմ քո ընտանեկան մաքրությունը, գնա՛, անձամբ համոզվիր և ճանաչիր նրան: Ես հասա այնտեղ: Բարեբախտաբար, դա մի խուլ փողոց էր, մարդ չէր երևում: Ես քաշեցի դռան զանգակը: Դուրս եկավ մի աղախին: Հարցրի այն ազգանունը, որ գրված է այդ նամակի մեջ: Աղախինը շփոթված նայեց ինձ: Նա երեսս տեսնել չէր կարող, բայց ես երկյուղից և ամոթից

ձայնս անգամ փոխել էի: Հետո հայտնեց, թե հրամայված է ոչ ոքի չընդունել: Ես բռնությամբ բարձրացա մինչև սանդուղքի ծայրը, հասա սենյակի դռան: Նույն վայրկյանին ներսից ականջիս հասավ նրա ուրախ և բարձրաձայն ծիծաղը և մի սուր կանացի քրքիջ: Ասեղի պես այդ ձայնը ցցվեց սրտիս խորքը: Ուժասպառ, ստորացած, ամոթից ջախջախված ես դուրս եկա..... Նայի՛ր, մայրի՛կ, նայի՛ր, ատամներիս տեղը ինչպես դրոշմվել է շրթունքիս վրա: Ես ուզում էի զսպել իմ նախատիկը և դառն արցունքը:

ՀՈՌՈՄ. Տե՛ր, դու ինձ ուժ տուր:

ԳԱՐԵԳԻՆ. Անբարոյական մարդ, ահա՛ թե մինչև ուր ես հասցրել քո վատությունը:

ՀԵՂԻՆԵ. Տուն վերադարձա գրեթե անզգայացած: Փակվեցի սենյակում, ոչ ոքի երեսը չէի ուզում տեսնել: Ամբողջ գիշերը խելագարի պես պտտվում էի: Ինձ սթափեցրեց եկեղեցու առավոտյան զանգակի ձայնը: Նայեցի պատուհանից դեպի դուրս, արշալույսը հագիվ բացվել էր: Այդ վայրկյանին հիշեցի իմ անմեղ զավակին, անցա մյուս սենյակը, չոքեցի նրա անկողնի մոտ, և արցունքն ու աղոթքը ինձ կրկին կենդանության ուժ պարգևեցին:

ՀՈՌՈՄ. Անե՛ծք նրան, անե՛ծք նրան, ո՛վ աստված:

ԳԱՐԵԳԻՆ. Եվ դու ոչինչ բացատրություն չպահանջեցիր նրանից:

ՀԵՂԻՆԵ. Պահանջեցի, երկու ժամ սրանից առաջ:

ԳԱՐԵԳԻՆ. Ի՞նչ ասաց:

ՀԵՂԻՆԵ. Սկզբում մերժեց, ապա երբ չկարողացավ հերքել, սկսեց արդարացնել իրան... Բայց բավական է, այլևս ուժ չունեմ շարունակելու: (Նորից հեկեկում է):

ՀՈՌՈՄ. Հեղինե՛, աղջի՛կս: (Փաթաթվում են միմյանց պարանոցին):

ԳԱՐԵԳԻՆ. (Մի փոքր լռելուց հետո) Նա տա՛նն է այժմ:

ՀԵՂԻՆԵ. Տանն է, ի՞նչ ես կամենում անել:

ԳԱՐԵԳԻՆ. Կամենում եմ նրա հետ խոսել երես առ երես:

ՀԵՂԻՆԵ. Այդ անկարելի է, դու չպիտի անես և իրավունք չունես անելու: Դու միայն ինձ հետ կարող ես խոսել. տուր ինձ քո խորհուրդը, և ես կհետևեմ նրան:

ԳԱՐԵԳԻՆ. Այս խնդիրը ծանրակշիռ է, վրդովվելով և տաքանալով չի կարելի լուծել: Պետք է գործել մտածելով: (Լռում է, հետո). Հեղինե՛ դու դեռ սիրո՞ւմ ես նրան:

ՀԵՂԻՆԵ. Ինչո՞ւ համար ես այդ հարցը տալիս:

ԳԱՐԵԳԻՆ. Որպեսզի կարողանամ իմ կարծիքը հայտնել:

ՀԵՂԻՆԵ. Չգիտեմ, և ինչպես կարող եմ այժմ պատասխանատու լինել իմ զգացմանց մասին: Գիտեմ միայն, որ մինչև երեկվա դեպքը իմ վշտերի գլխավոր պատճառը միմիայն սիրո խանդն է եղել:

ԳԱՐԵԳԻՆ. Իսկ ա՛յժմ:

ՀԵՂԻՆԵ. Այժմ տեսա իմ խաբված և անարգված լինելը: Այժմ ինձ տանջում է պատվասիրության զգացումը: Եթե միայն նա չսիրեր ինձ, այն ժամանակ ես կարող էի կրել իմ վիշտը, բայց նա ինձ ստորացնում է... ահա իմ կսկիծը...

ԳԱՐԵԳԻՆ. Ես հասկանում եմ. Կկամենայի՞ր ուրեմն պաշտպանել քո պատիվը:

ՅԵՂԻՆԵ. Ո՞ւմ դեմ:

ԳԱՐԵԳԻՆ. Զո ամուսնու, որ ոտնատակ է անում նրան:

ՅԵՂԻՆԵ. Կկամենայի, բայց ինչպե՞ս:

ԳԱՐԵԳԻՆ. Լսի՛ր, սիրելի՛ս: Ես վաղուց գուշակում էի, որ դու այդ մարդու հետ բախտավոր լինել չես կարող: Յիշում ես իմ բացարձակ կասկածները, երբ դու դեռ հարսնացու էիր և այնպես հափշտակված նրանով: Չգո՛ւյշ կաց, ասում էի, այդ մարդը ընտանեկան կյանքի համար չէ ստեղծված: Նա քո շրջանի մարդ չէ, կրկնում էի, նա ամուսնանում է միմիայն փողի համար: Յիշո՞ւմ ես:

ՅԵՂԻՆԵ. Յանդիմանի՛ր ինձ, անիծիր, ես արժանի եմ, որովհետև նրան սիրում էի և,...

ԳԱՐԵԳԻՆ. Եվ սիրում ես... Այո, բայց հանդիմանելու համար չեմ ասում այդ: Անցյալը վերադարձնել չի կարելի, պետք է մտածել ապագայի մասին: Ուրեմն սառնասիրտ եղիր մի րոպե և լսիր ինձ: Զո ամուսինը այն մարդկանցից է, որոնց բարոյական սկզբունքները կյանքի վերաբերմամբ շատ խախտու են: Այդ տեսակ մարդիկ իրանց գոյության ընթացքում մի նպատակ ունեն միայն ապրել՝ զվարճանալու համար և զվարճանալ՝ ապրելու համար: Կյանքի քաղցրությունը նրանք որոնում են իրենց արտաքին զգայարանքներին գոհացում տալու մեջ: Նրանց ներքին ամայի աշխարհում հոգեկան բարձր զվարճությունների պահանջ կա: Ուղղել այդ մարդկանց անհնարին է, որովհետև վարակված մարմնի մի անդամը բուժել չի կարելի առանց ամբողջության: Եթե դու հույս ունես, որ քո ամուսինը երբևէ կիրագործի քո ցնորքը ընտանեկան խաղաղ ու երջանիկ կյանքի մասին — չարաչար սխալվում ես: Ուրեմն պետք է դիմել ուրիշ միջոցի: Այդ միջոցը միայն մեկն է: Դու հասկանում ես իմ միտքը:

ՅԵՂԻՆԵ. Ոչ, դու ինձ սարսափեցնում ես քո խոսքերով:

ԳԱՐԵԳԻՆ. Դու պետք է նրանից բաժանվես:

ՅԵՂԻՆԵ. Բաժանվել, բաժանվել նրանից... ա՛խ:

ՅՈՌՈՄ. Բաժանվել, ումի՞ց, մարդո՞ւց, որդի՛, այդ ի՞նչ ես ասում:

ԳԱՐԵԳԻՆ. Այո՛, բաժանվել և մշտապես:

ՅԵՂԻՆԵ. Օճ՛, Գարեգին, դու անգուր չես, դու սիրտ չունես, դու ինձ չես խնայում, մի՞թե ուրիշ խորհուրդ չես կարող տալ:

ԳԱՐԵԳԻՆ. Որ այդպես է, ուրեմն, դու սիրում ես նրան:

ՅԵՂԻՆԵ. Ոհ, մի՛ ասիր այդ բանը, մի՛ ասի:

ԳԱՐԵԳԻՆ. Այո, գուցե ես շատ խիստ եմ վարվում քո սրտի փափուկ զգացման հետ: Բայց ինձ համար ավելի թանկ է քո պատիվը, անունը, վերջապես, քո կյանքը: Ասա, ուղղակի, իմ առաջարկությունը քեզ վախեցնում է, այնպես չէ:

ՅԵՂԻՆԵ. Ոչ... այո... չգիտեմ... բաժանվե՛մ, իսկ զավա՛կս...

ԳԱՐԵԳԻՆ. Նա քեզ կպատկանի, որովհետև անմեղությունը քո կողմն է, իսկ հանցանքը նրա կողմը: Մենք կապացուցենք ճշմարտությունը:

ՅԵՂԻՆԵ. Երբեք:

ԳԱՐԵԳԻՆ. Ինչո՞ւ:

ՅԵՂԻՆԵ. Երբեք նա չի կամենա այդ պայմանով բաժանվել:

ԳԱՐԵԳԻՆ. Որովհետև տակավին չի վատնել քո օժիտի մնացորդը, այդպես չէ՞: Շարտիր երեսին, նրան այդ է հարկավոր և ոչ դու կամ քո զավակը: Հարուստ գնացել ես, մերկ վերադարձիր:

ՀՈՌՈՄ. Մերկ, տե՛ր աստված, ո՞ւր վերադառնա, իր հոր տունը, դա խայտառակություն կլինի, ես չեմ կարող դիմանալ, ամոթից կմեռնեմ:

ՅԵՂԻՆԵ. Լսո՞ւմ ես, Գարեգին, ահա ամենադժվար պայմաններից մեկը: Ոչ, այդ անկարելի է, անկարելի է: Հասարակությունը ինձ միայն կղատապարտի, իսկ նրան կարդարացնի: Ես որքան իմ մասին եմ մտածում, այնքան և այս ծեր կնոջ մասին:

ԳԱՐԵԳԻՆ. Ուրեմն վախեցիր հասարակությունից, շարունակիր այդ թշվառ կյանքը: Ոչ, Յեղիսե՛, ես չեմ սխալվում, դու քո ամուսնուն սիրում ես:

ՅԵՂԻՆԵ. Մի մորմոքի իմ սիրտը, եթե մի կաթիլ գուր ռևես դեպի ինձ:

ՀՈՌՈՄ. Կառքի ձայն, չլինի թե նա է:

ՅԵՂԻՆԵ. Անշուշտ նա է, սիրտս տրոփում է:

ԳԱՐԵԳԻՆ. (Մոտենալով պատուհանին) Այո, նա է:

ՅԵՂԻՆԵ. Ինչո՞ւ համար է գալիս, ես չեմ կարող նրա երեսը տեսնել:

ԳԱՐԵԳԻՆ. Դու գնա մյուս սենյակը, ես կընդունեմ: Մայրի՛կ, դու էլ գնա:

ՀՈՌՈՄ. Որդի՛, գույնդ փոխվեց, աչքերդ վառվեցին, ես վախենում եմ:

ՅԵՂԻՆԵ. Գարեգին, թող մնամ այստեղ, դու չես կարող քեզ զսպել:

ԳԱՐԵԳԻՆ, Գնացե՛ք, խնդրում եմ, ես կաշխատեմ պաղարյուն լինել (Յեղիսեն քայլերը ուղղում է դեպի ձախ կողմի դռները: Այդ միջոցին միջին դռների մեջ երևում է Միքայելը):

ՄԻՔԱՅԵԼ. (Առաջ դիմելով) Յեղիսե՛: (Յեղիսեն ձեռով բացասական նշան է անում և անցնում մյուս սենյակ):

ՏԵՍԻԼ Ե.

ԳԱՐԵԳԻՆ Ե ՄԻՔԱՅԵԼ

ՄԻՔԱՅԵԼ. Ի՞նչ է նշանակում այդ: Խնդրեմ, կանչեք այստեղ իմ կնոջը:

ԳԱՐԵԳԻՆ. Նա չի կարող գալ:

ՄԻՔԱՅԵԼ. Ինչո՞ւ:

ԳԱՐԵԳԻՆ. Որովհետև՝ չի կամենում:

ՄԻՔԱՅԵԼ. Պատճա՞ռը:

ԳԱՐԵԳԻՆ. Պատճառը ձեզ է հայտնի:

ՄԻԶԱՅԵԼ. Ես ոչինչ չգիտեմ:

ԳԱՐԵԳԻՆ. Դուք ամեն բան գիտեք և ամեն բան անում եք, որպեսզի թշվառացնեք մի կնոջ, որ նվիրել է ձեզ յուր սերը, անձը և պատիվը:

ՄԻԶԱՅԵԼ. Գեղեցի՜կ ընդունելություն, արժանի համալսարանական կրթություն ստացած մի երիտասարդի: Ես գալիս եմ իմ ամուսնու հետ հաշտվելու, իմ առաջ դուրս է գալիս մի երրորդ անձն ու ինձ վիրավորական հանդիմանություն անում: Ասացե՛ք, ի՞նչ իրավունքով:

ԳԱՐԵԳԻՆ. Այն իրավունքով, որ տալիս է ինձ, ձեր ամուսնու եղբորը, նրա տարաբախտ կյանքը:

ՄԻԶԱՅԵԼ. Պարո՛ն:

ԳԱՐԵԳԻՆ. Մի՛ խրոխտանաք. ձեր առաջ կանգնած է մի չափահաս մարդ, որ պատրաստ է իր անձը զոհել յուր միակ քրոջ պատիվը և կյանքը փրկելու համար: (Մեկուսի) Աստվա՛ծ իմ, ես խոստացա սառնարյուն լինել, բայց չեմ կարողանում:

ՄԻԶԱՅԵԼ. Ուրեմն դուք ինձ սպառնալի՞ք եք կարողում: Իզուր: Ես նրանցից չեմ վախենում: Բարեհաճեցեք կանչել այստեղ Յեղիսեին:

ԳԱՐԵԳԻՆ. Ասացի, որ Նա չի կարող գալ:

ՄԻԶԱՅԵԼ. Նա պետք է իսկույն տուն վերադառն: Ես նրա ամուսինն եմ, այդպես եմ պահանջում:

ԳԱՐԵԳԻՆ. Իրավունք ունեք, որովհետև դուք դեռ չեք տվել նրա պատվին ձեր վերջին հարվածը:

ՄԻԶԱՅԵԼ. Բավական է, պարո՛ն, որքան երեսիս շարտեցիք այդ պատիվ ասած բառը: Մի՛ մոռանաք, որ տալով ձեր քրոջը իշխանուհու կոչումը, ես ոչ միայն նրա մեջ պատվի զգացումը ավելի բարձրացրել եմ, այլև ձեր ամբողջ ընտանիքի անունը, անհայտությունից դուրս բերելով, օրինավոր մարդկանց շրջան եմ մտցրել:

ԳԱՐԵԳԻՆ. Սակայն այն պայմանով, որ Նույն այդ շրջանում մեր անհայտ եղած անունը ցեխի հետ հավասարեք: Այո, դուք շատ վեհանձն եք եղել, այդ ցույց է տալիս ձեր վարմունքը: Հավատացեք, պարո՛ն, ես կգերադասեի իմ քրոջը տեսնել երեսի քրտինքով յուր օրվա պարենը վաստակող մի համեստ մարդու կին, քան թե անդամ մի գերդաստանի, որ, բացի դատարկ իշխանական տիտղոսից, ոչինչ չի պարունակում:

ՄԻԶԱՅԵԼ. Ցավում եմ միայն, որ ուշ եք ծնվել: Երեսի քրտինքով հաց աշխատելու գաղափարը կարող էր պիտանի լինել ձեր հանգուցյալ հորը: Այն մարդուն, որ միշտ ծարավ է եղել խեղճերի քրտինքին: Շարունակե՛մ արդյոք:

ԳԱՐԵԳԻՆ. (Մեկուսի) Հայր իմ, ահա քո արարքի վարձը, ես գինաթափ եմ լինում Նույնիսկ այդ մարդու առաջ: (Բարձր) Մի՛ շոշափեք իմ հոր գերեզմանը: Նա ինքն է միայն պատասխանատու յուր կյանքի համար: Ասացեք ի՞նչ եք կամենում:

ՄԻԶԱՅԵԼ. (Մեկուսի) Նա շփոթվեց, այժմ պետք է ուրիշ կերպ խոսել: (Գարեգինին) Կամենում եմ փարատել նրա կասկածը իմ մասին և խնդրել, որ հաշտվի ինձ հետ: Թողնե՛ք ապարդյուն վեճը, լինե՛ք սառն ու խոհեմ, ինչպես վայել է կրթված մարդկանց: Ի՞նչ է ձեր մտադրությունը. արդյոք մեր ընտանեկան թեթև տհաճությունները հասարակաց բամբասանքի նյութ դարձնել: Հավատացեք, այդ վատ բան է: Ես չեմ պնդում, որ բոլորովին անմեղ եմ Յեղիսեի առաջ: Բայց իմ թեթև սխալները բնավ մարդկանց սովորական

մոլորությունից դեն չեն անցել: Ուրեմն ինչո՞ւ գործը այդպես փքել և մեծացնել, ինչո՞ւ փոխանակ մեզ հաշտեցնելու, ավելի սաստկացնում եք խռովությունը, Գարեգին, խոհեմ եղեք, ձեր քույրը մայր է, եթե դուք հերքեք նրա ամուսնական սերը, չեք կարող երաշխավոր լինել նրա մայրական սիրո մասին:

ԳԱՐԵԳԻՆ. Օ՛հ, դուք, ինչպես երևում է, շատ լավ եք ուսումնասիրել կանանց սրտի զգայուն լարերը: Այո, իմ քրոջ սրտի մասին ունեցած կասկածս է միայն, որ կաշկանդում է իմ լեզուն, ապա թե ոչ, գիտեի, թե ինչ է հարկավոր ձեզ պատասխանել. ես կկանչեմ Յեղիսեին այստեղ, սակայն ձեր հաշտության միջնորդը դառնալ չեմ կարող: (Գնում է ձախ դռներով):

ՏԵՍԻԼ 9.

ՄԻԶԱՅԵԼ (միայնակ)

ՄԻԶԱՅԵԼ. Օ՛հ, լեզո՛ւ, դու գորավոր գեւք ես ճարպիկ մարդու ձեռքում: Խելոք է նա, որ ընդունակ է քեզ ժամանակին հմտությամբ գործածել: Այլևս կասկած չունեմ, որ հաշտությունը կկայանա: Յեղիսեին համոզելը դժվար չէ, նա ինձ սիրում է, ես այդ բանին համոզված եմ մինչև գերեզման: Իսկ ես առանց նրան կորած եմ: Գործերս ձախ են գնում, միակ հույսս Բաքվի ընկերության մեջ ունեցած բաժինն էր: Եվ մինչև այժմ ընկերությունը ինձանից միայն փող է պահանջում նավթային հանքերի համար: Ինձ փող է հարկավոր, փող գործի համար, փող ապրելու և զվարճանալու համար: Իսկ նա դեռ բավական գումար ունի: Ամուսնություն, ընտանեկան կյանք, ահա նրա պտուղները: Օհ, տաղտկալի է և անտանելի: (Ներս է մտնում Յեղիսեն, նրա հետևից Յոռոմը և ապա Գարեգինը: Վերջինը կանգնում է հեռու և դիտում):

ՏԵՍԻԼ Է.

ՄԻԶԱՅԵԼ, ՅԵՂԻՆԵ, ՅՈՌՈՄ և ԳԱՐԵԳԻՆ

ՅԵՂԻՆԵ. Ի՞նչ եք կամենում:

ՄԻԶԱՅԵԼ. Յեղիսե՛, մեղավոր եմ, զգում եմ և զղջում: Բարեսիրտ եղիր, մոռացի՛ր, ների՛ր:

ՅԵՂԻՆԵ. Այդ խոսքերը ասելու համար կարիք չկար այստեղ գալու, դուք այն հարյուր անգամ կրկնել եք, Օ՛հ, որքան ձանձրալի է, դառն և ամոթալի այդ կատակը:

ՄԻԶԱՅԵԼ. Երբեք, երբեք այսպես զղջացած չեմ: Տե՛ս, որքան ստորանում եմ եղբորդ և մորդ առաջ: Ների՛ր, մի անգամ ևս, և այդ թող լինի վերջինը:

ՅԵՂԻՆԵ. Վերջինը: Ոչ, այլևս իմ մեջ հավատ չէ մնացել դեպի ձեզ: Ընկավ ձեր դիմակը, տեսա ձեր իսկական պատկերը, և ես չգիտեմ ինչո՞վ բացատրեմ, որ դեռ կարողանում եմ նայել ձեր երեսին:

ՄԻԶԱՅԵԼ. Յեղիսե՛, ինչպի՛ր, եթե ոչ ինձ, գոնե մեր անմեղ զավակին: Նա միայնակ է, նա լալիս է, նա մայրիկ է աղաղակում:

ԳԱՐԵԳԻՆ. Որքան ճարպիկ է:

ՅԵՂԻՆԵ, ՄԻ՛ հիշեք նրա անունը, դուք վիրավորում եք նրա անմեղությունը: Բավական է, հեռացեք և մի՛ թույլ տաք ինձ ամոթից տանջվել իմ մոր և եղբոր առաջ: Նրանք մի կաթիլ անգամ մեղք չունեն իմ դառն սխալի մեջ: Դա՛ռն, այդ որովհետև ձեր մեջ էի երևակայում գտնել իմ ամբողջ գոյության նպատակը, ձեզանով և միմիայն ձեզանով էի կամենում վայելել

կյանքի բարիքը և չարիքը, ձեզանից հեռու չէր անցնում իմ գաղափարը: Իսկ դուք ինձ խաբեցիք, օօ՛, դուք չգիտեք ինչ ասել է ինձ նման մի կնոջ խաբված լինելը, մի՛ կնոջ, որ ընտանեկան կյանքից դուրս ուրիշ աշխարհի չուներ և չէր ուզում ունենալ, որովհետև նա սիրում էր անհուն սիրով իր ամուսնուն:

ՄԻԶԱՅԵԼ. Հարվածիր ինձ, նախատիր, անարգիր, բայց ես այստեղից չեմ հեռանա առանց քեզ: Ուրեմն, ահա իմ ձեռքը, որ մեկնում եմ քեզ անկեղծ սրտով, տուր ինձ քոնը, ու մենք, կհաշտվենք:

ՀՈՌՈՍ. Հաշտվիր, որդի՛, հաշտվիր, նա շատ խեղճացել է.

ԳԱՐԵԳԻՆ. (Մեկուսի) Խեղճ և միամիտ մայր...

ՄԻԶԱՅԵԼ. Խնդրեցե՛ք, մայրի՛կ, աղաչում եմ: Հավատացե՛ք, ես Հեղինեն շատ եմ սիրում շա՛տ: (Միջին դռներից մտնում են Մարիամը և Օլգան):

ՏԵՍԻԼ Ը

ՆՐԱՆԶ, ՄԱՐԻԱՄ և ՕԼԳԱ

ՄԱՐԻԱՄ. Ո՛ւր է, ինչ պատահեց: Ա՛խ այստեղ եք: Օլգա քիչ էր մնում ուշաթափվի երկյուղից: Այդ ի՞նչ է եղել, Հեղինե՛, ինչո՞ւ դու այդպես դեղնած ես:

ՄԻԶԱՅԵԼ. Ես նրան վիրավորել եմ, ես նրա առաջ մեղավոր եմ, խնդրեցե՛ք բոլորդ, որ ների:

ՄԱՐԻԱՄ. Գիտեմ, ձեր մեջ առավոտյան վեճ է պատահել: Բայց արժե՞ր դրա համար աղմուկ բարձրացնել, Հեղինեն, այնպես վազել է այստեղ և մեզ էլ վախեցրել: Ա՛խ, Օլգա, հանգստացա՛ր, թե չէ:

ՕԼԳԱ. Դատարկ բանի համար իզուր եկանք այստեղ: Գնանք՝ մայրի՛կ, Միքայելը յուր կնոջ հետ կգա տուն:

ԳԱՐԵԳԻՆ. (Հեղինենին) Տեսնո՞ւմ ես, այդ բոլորը քո օժիտի համար է: Վճռիր, ուրեմն:

ՀՈՌՈՍ. Հաշտվիր, որդի՛, ամենքը խնդրում են:

ՕԼԳԱ. (Մեկուսի) Ե՛ս խնդրեմ նրանից, օօ՛, կաց անխոս օձ, իմ եղբոր աչքերը վերջը կբացվեն

ՄԱՐԻԱՄ. Տե՛ր աստված, երևի այդ էլ իմ բախտից է: Մենք մեծ պատրաստություն ենք տեսնում ամսույս քսանուհինգի համար, Օլգայիս ծննդյան օրն է, երեկույթ ունենք, իսկ դրանք կռվում են: Հեղինե՛, խելքի եկ, տե՛ս մենք մեր ոտով եկել ենք քո հետևից:

ՀԵՂԻՆԵ. (Եղբորը, առանձին) Ես ամոթից տատանվում եմ:

ԳԱՐԵԳԻՆ. (Առանձին) Լսիր քո սրտի ձայնին, ես գործ չունեմ:

ՀՈՌՈՍ. Ներիր, որդի՛,

ՕԼԳԱ. (Մեկուսի) Փքվիր, փքվիր, Սուլիկյանը, երևի, քեզ խրախուսում է:

ՄԻԶԱՅԵԼ. Ես սպասում եմ իմ դատավճռին:

ՀՈՌՈՍ. Ա՛խ, աղջի՛կս, չեմ կարողանում արտասուքս պահել, հաշտվիր: (Լալիս է):

ՄԻՔԱՅԵԼ. Գոնե խնայիր քո մոր արցունքը:

ԳԱՐԵԳԻՆ. (Մեկուսի) Որքան ցավալի է վկա լինել այս տեսարանին:

ՀԵՂԻՆԵ. Մայր իմ, մայր իմ, մի՛ լար, ես պատրաստ եմ կատարել քո կամքը, թող միայն ես տանջվեմ: (Գլուխը դնում է մոր ուսին):

ԳԱՐԵԳԻՆ. (Մեկուսի) Դժբախտ քույր, դու դեռ սիրում ես այդ անարգ մարդուն, և շահ՛տ ես սիրում:

Վարագույր

3-ՐԴ ԳՈՐԾՈՂՈՒԹՅՈՒՆ

(Մի հանդիսավոր կահավորված սենյակ Բեգմուրյանների տանը: Բեմի խորքի դռները բաց են, երևում է շքեղ լուսավորված և զարդարուն դահլիճը: Այնտեղ անցուդարձ են անում նախ ծառաներ, ապա հյուրեր են երևում: Երեկույթ է):

ՏԵՍԻԼ Ա.

ՕԼԳԱ, հետո ԱՆՅՈՒՏԱ

ՕԼԳԱ. (Դուրս գալով ձախ դռներից շքեղ հագնված) Անյո՛ւտա, Անյո՛ւտա , ա՛խ անպիտաններ: Շուտով հյուրերը կհավաքվեն, իսկ ես դեռ պատրաստ չեմ: Անյո՛ւտա... խլացել է, ի՞նչ է: (Ներս է մտնում միջին դռներից):

ԱՆՅՈՒՏԱ. Ի՞նչ եք հրամայում, օրիորդ:

ՕԼԳԱ. Դարձյա՛լ օրիորդ: Ում հարկավոր է իշխանուհի կոչել, մոռանում եք, իսկ մի ոչինչ մարդու աղջկա առաջ ամեն անգամ «Ձերդ պայծառափայլություն»: Ի՞նչ էիր անում այնտեղ:

ԱՆՅՈՒՏԱ. Ձեզ նվիրված ծաղկյա փնջերն էի դասավորում:

ՕԼԳԱ. Զանի՞սն է:

ԱՆՅՈՒՏԱ. Յոթը:

ՕԼԳԱ. Սուկիկյանի փունջն էլ այնտե՞ղ է:

ԱՆՅՈՒՏԱ. Այո:

ՕԼԳԱ. Որտե՞ղ դրիր:

ԱՆՅՈՒՏԱ. Անկյունի սեղանի վրա:

ՕԼԳԱ. Հիմա՛ր, քեզ չասացի՞, դաշնամուրիս վրա դնես:

ԱՆՅՈՒՏԱ. Իսկույն օրի..., իշխանուհի: (Օլգան մոտենում է հայելուն):

ՕԼԳԱ. Կա՛ց: Նայիր ինձ ամեն կողմից: (Այնուտան դիտում է նրա շրջագգեստը): Փեշերս լա՞վ են կանգնում, ես հայելու մեջ լավ չեմ տեսնում:

ԱՆՅՈՒՏԱԿԱՆ. Շահի հիմնադրի է Ձերոյ պայծառափայլութիւնը, ոչինչ պակասութիւն չկա :

ՕԼԳԱ. Գնա, մանկակազմը հովհարս բեր իմ սենյակից: (Անյուտան ուզում է գնալ):
Սպասիր: Ո՞րտեղ է (հեգնորեն) նորին պայծառափայլութիւնը:

ԱՆՅՈՒՏԱԿԱՆ. Ո՞ւմ մասին եք հարցնում, իշխանուհի:

ՕԼԳԱ. Եղբորս կնոջ մասին:

ԱՆՅՈՒՏԱԿԱՆ. Յուր սենյակումն է:

ՕԼԳԱ. Ի՞նչ է անում այնտեղ:

ԱՆՅՈՒՏԱԿԱՆ. Տխուր նստած է:

ՕԼԳԱ. Տխու՞ր, հասկանում եմ, որովհետեւ այսօր տունը իմն է: Ո՞վ կա մօտը:

ԱՆՅՈՒՏԱԿԱՆ. Մայրը:

ՕԼԳԱ. Այն անտանդի պառավը, ով գիտե էլի ի՞նչ սատանայութիւն է սովորեցնում նրան:
Լավ, գնա՛ բանիդ: (Անյուտան գնում է դեպի ծախ) Աստված, այս ինչ տուն է, սիրտս լիքն է դառնությամբ: Այո, այսօր քանակեց տարիս լրանում է, իսկ մայրս ուրիշներին խաբում է, թե քաներեք տարեկան եմ: Մինչև ե՞րբ, Յոթը փունջ եմ ստացել, յոթն էլ երիտասարդներից, բայց ոչ մեկի սիրտը այդ ծաղիկների մեջ չէ: Մայրս չի սխալվում, մնացել է միայն Սուլիկյանը, էլի նա: Իսկ նա, տեսնենք այսօր ինչպէս կգնահատի ինձ, եթե միայն չխանգարեն: Ա՛խ, Զեդինէ՛, կարծեմ ես չեմ սխալվում: (Անյուտան վերադառնում է հովհարը ձեռքին): Բերի՛ր, գնա, շուտով ասածս կատարիր: (Անյուտան դիմում է դեպի միջին դռները և հետ գալիս):

ԱՆՅՈՒՏԱԿԱՆ. Իշխանուհի՛, նա արդեն այստեղ է:

ՕԼԳԱ. Ո՞վ:

ԱՆՅՈՒՏԱԿԱՆ. Պարոն Սուլիկյանը, (Միջին դռներով ներս է մտնում Սուլիկյանը): Պետք է սրանց մենակ թողնել (գնում է):

ՏԵՍԻՆ Գ

ՕԼԳԱ և ՍՈՒԼԻԿՅԱՆ

ՍՈՒԼԻԿՅԱՆ. Շնորհավորում եմ կրկին անգամ և ցանկանում երջանիկ ապագա:

ՕԼԳԱ. Շատ շնորհակալ եմ: Ձեր գեղեցիկ փունջը ինձ հիացրեց:

ՍՈՒԼԻԿՅԱՆ. Այսօր դուք հագնվել եք իսկական փարիզուհու նման:

ՕԼԳԱ. Գնացե՛ք, դուք իմ ճաշակը ծաղրում եք:

ՍՈՒԼԻԿՅԱՆ. Իսկ դուք ինձ վիրավորում եք իմ անկեղծ կարծիքը այդպէս ընդունելով:
(Մեկուսի) Աստված իմ, նրան տեսնելու համար, ստիպված եմ սրան շողոքորթել:

ՕԼԳԱ. Ես հավատում եմ լիովին ձեր ճաշակին, եթե միայն նույն գովասանքը ուրիշների մասին ևս չանեք: (Մեկուսի): Այսօր բավական քաղցրախոս է և հաճելի):

ՍՈՒԼԻԿՅԱՆ. Ես տալիս եմ կեսարինը կեսարին, աստծունը՝ աստծուն: (Մեկուսի) Գովել կարող եմ քո հագուստը, բայց քեզ երբեք:

ՕԼԳԱ, Թող այդպես լինի, միայն կարողացեք ճանաչել կեսարին և աստծուն: Շատ անգամ տղամարդիկ սխալվում են չարաչար իրանց ճաշակի վերաբերմամբ:

ՍՈՒԼԻԿՅԱՆ. Հուսով եմ, որ ես մի սխալ չեմ գործել:

ՕԼԳԱ. Ո՞վ գիտե, մարդիկ մահկանացու են:

ՍՈՒԼԻԿՅԱՆ. (Մեկուսի) Ի՞նչ է կամենում ասել:

ՕԼԳԱ. Իսկ տղամարդը երբեմն ապակու կտորը աղամանդի տեղ է ընդունում:

ՍՈՒԼԻԿՅԱՆ. Խոստովանում եմ, օրիորդ, ես չեմ հասկանում ձեր ասածը:

ՕԼԳԱ. Կան բաներ, որոնց մասին պետք է զգույշ լինել: Բայց թողնենք այդ. ուրեմն դուք կկառավարե՞ք երեկոյթը:

ՍՈՒԼԻԿՅԱՆ. Ես, ինչո՞ւ ես:

ՕԼԳԱ, Չէ որ դուք խոստացաք իմ մորը:

ՍՈՒԼԻԿՅԱՆ. Ես խոստացա միայն պարերը ղեկավարել:

ՕԼԳԱ. Այդքանի համար էլ շնորհակալ եմ: Ուրեմն մենք կպարենք միասի՞ն:

ՍՈՒԼԻԿՅԱՆ... Ուրախությամբ: (Մեկուսի) Դարձյալ ուզում է ինձ կաշկանդել:

ԱՆՅՈՒՏԱ. (Միջին դռներից) Օրիորդ, հյուրերը գալիս են, իշխանուհին ձեզ յուր մոտ է խնդրում:

ՕԼԳԱ. Մա՞յրս:

ԱՆՅՈՒՏԱ. Այո:

ՕԼԳԱ. Տվեք ինձ ձեր թևը, պարոն Սուլիկյան: (Գնում են միջին դռներով):

ՏԵՍԻԼ Գ.

ՀԵՂԻՆԵ (միայնակ)

ՀԵՂԻՆԵ. (Աջ դռներից դուրս գալով) Որքա՞ն անտանելի է ուրախ ձևանալ այն ժամանակ, երբ սիրտս կեղեքվում է: Այո՛, ճակատագիրը նրան դատապարտել է հավիտյան մորմոքման: Հավատալ այդ մարդու երդմանը, աղերսանքին, նրա ջերմ խոստումներին, ո՛հ, այդ մի դառն և աններելի սխալ էր, որ ես գործեցի: Նա միայն երկու օր կարողացավ զսպել իրան, իսկ հետո նույնը, նույնը: Եվ ով է այն թշվառը, որին նա հարել է վերջին ժամանակ և այդքան երկար միջոց: Դա ընդդեմ է այդ մարդու բնությանը. Ասում են, որ այդ կինը սովորական անարգ արարածներից չէ, որ նա ունի արժանավորություններ: Ահա այդ է, որ ինձ ավելի տանջում է և տակավին պահում իմ սրտում սիրո խանդը: Խեղճ եղբայր, դու ինձանից լավ էիր ճանաչում իմ ամուսնուն: Ամուսին, օօ՛, այս կոչումը այրում է իմ շրթունքը: Ճիշտ է, որ նա ուզում էր ստանալ իմ կարողության վերջին մնացորդը: Եվ նա խաբեությամբ կորզեց ինձանից: Ի՞նչ եմ ես այժմ նրա համար: Մի ավելորդ բեռ, մի թքված և արհամարհված պատառ: Օօ՛, Միքայել, սրտիս յուրաքանչյուր զարկը հոգույս համար մի հարված է, երբ հիշում եմ քո կեղծ զոջումը... (Վերադառնում է Սուլիկյանը):

ՏԵՍԻՆ Դ.

ՅԵՂԻՆԵ Ա ՍՈՒԼԻԿՅԱՆ

ՍՈՒԼԻԿՅԱՆ. (Մեկուսի) Վերջապես... (Բարձր) Իշխանուհի... դուք մտածման մեջ եք...

ՅԵՂԻՆԵ. Այո, երեկոյթի հոգսերը:

ՍՈՒԼԻԿՅԱՆ, Գիտեմ, բոլոր ծանրությունը ձեզ վրա է բարձրված: Ես բախտավոր կլինեի, եթե կարողանայի այդ ծանրությունը բաժանել ձեզ հետ: Բայց ինձ թվում է, որ դուք փոքր ինչ տկար եք:

ՅԵՂԻՆԵ. Ամենևին ես առողջ եմ:

ՍՈՒԼԻԿՅԱՆ. Տա՛ աստված... (Հառաչում է):

ՅԵՂԻՆԵ. Բայց ինչո՞ւ դուք այսօր տխուր եք:

ՍՈՒԼԻԿՅԱՆ. Ես ... ոչ, այո, մի թեթև թախծություն ունեմ: Բայց հոգ չէ, զվարթ հյուրերը, երաժշտությունը կզվարճացնեն ինձ: Եվ ես հուսով եմ, որ այս ուրախ երեկոյթին մի հակապատկեր չեմ ներկայանա:

ՅԵՂԻՆԵ. Այո աշխատեցեք զվարճանալ, եթե ոչ Օլգան կվիրավորվի: Ներեցեք, կարծեմ, հյուրերը գալիս են, իբրև տանտիրուհի պարտական եմ նրանց ընդունել:

ՍՈՒԼԻԿՅԱՆ. Ձեր սկեսուրը և օրհորդ Օլգան այնտեղ են:

ՅԵՂԻՆԵ. Ես ևս պարտավոր եմ լինել: Ներեցեք: (Գնում է միջին դռներով):

ՍՈՒԼԻԿՅԱՆ. Որքան նա խոհեմ է, որքան անտարբեր, բայց և որքան հրապուրիչ: Չգո՞ւմ է արդյոք մի բան, գուշակում է, թե ինչ է կատարվում իմ սրտի խորքում: Այո, նա խելացի է, նա կարող է թափանցել իմ սիրտը: Հետո ի՞նչ կդառնամ արդյոք նրա աչքում, մի ատելի և ստոր արարած, թե՞ խղճալի և ողորմելի: Ո՛չ, ես արժանի չեմ նրա համակրությանը, նա բարձր է, անհամեմատ բարձր հոգով և սրտով: Սակայն և դժբախտ է յուր անարժան ամուսնու հետ: Ի՞նչ է պատահում ինձ, զգում եմ, որ նա ինձ միանգամայն կաշկանդում է: Ո՛չ պետք է արթնանալ, արածս լավ բան չէ, այո, վատ բան և շատ վատ է: (Աջ դռներից ներս է մտնում Միքայելը):

ՏԵՍԻՆ Ե.

ՍՈՒԼԻԿՅԱՆ Ա ՄԻՔԱՅԵԼ

ՄԻՔԱՅԵԼ. Դու այստե՞ղ ես: Ահա, բարեկամ, ընտանետեր մարդու դրությունը: Հյուրեր, հյուրեր, պետք է մեկին ընդունել, մյուսին զբաղեցնել, երրորդի թթված դեմքը պարզել մի քաղցր խոսքով:

ՍՈՒԼԻԿՅԱՆ. Բայց դու ոչ այդ ես անում, ոչ այն, ընդհակառակը, հյուրերից ուշ ես հանդես դուրս գալիս:

ՄԻՔԱՅԵԼ. Նշանակում է հանդեսը ինձ համար ծանձրալի է, տխուր և անտանելի: Ո՛հ, Սուլիկյան, երանի քեզ, ո՛չ կին ունես, ո՛չ քույր:

ՍՈՒԼԻԿՅԱՆ. Ուրեմն այդպես վաղ ծանձրացրե՞ց քեզ ամուսնական կյանքը:

ՄԻՔԱՅԵԼ. Վա՞րդ, երկուուկես տարի է, բարեկամ, կրում եմ նրա ծանրությունը, և արդեն...

ՍՈՒԼԻԿՅԱՆ. Արդեն,

ՄԻՔԱՅԵԼ. Չգվել եմ:

ՍՈՒԼԻԿՅԱՆ. Նշանակում է, դու ապերախտ ես, որովհետև քո կինը բնության երջանիկ պարզևներից մեկն է:

ՄԻՔԱՅԵԼ. Զո կարծիքով, բայց նա իմ կինն է: Սուվիկյան, չամուսնանաս, ահա՛ իմ խորհուրդը, եթե չես կամենում քո ազատ կյանքը փակել մի նեղ և սառն շրջանակի մեջ, ինչպես ծառի արմատում թմրած մի որդև: Իսկ եթե երբևէ գրկվես բանականությունից, կամենաս կյանքդ ուրիշի հետ կապել, ամուսնացիր գոնե մի օտարուհու, մի ֆրանսուհու, լեհուհու, վերջապես հրեուհու, բայց ոչ հայուհու հետ:

ՍՈՒԼԻԿՅԱՆ. Ինչո՞ւ:

ՄԻՔԱՅԵԼ. Որովհետև հայ կնոջ առաքինության մասին ունեցած հիվանդոտ գաղափարը անկարելի է մարսել: Միշտ սառնարյուն, միշտ խոհեմ, միշտ մանրակրկիտ յուր ամուսնու կյանքի մասին — ահա՛ նրա հատկանիշը: Իսկ այդ մի սոսկալի պատիժ է այն մարդու համար, որ սիրում է ապրել, զվարճանալ և ոչ թե մի նահապետական դերձակի կամ կոշկակարի կյանք վարել: Բայց թողնենք այդ: Այս երեկո ես մտադիր եմ թղթախաղով զբաղեցնել միտքս: Փոխարինիր ինձ իբրև իմ տան առաջին բարեկամը, ես քեզ լիազոր իրավունք եմ տալիս: Եղիր իմ կնոջ օգնականը, զբաղվիր և զբաղեցրու: Զեզ եմ հանձնում նրան:

ՍՈՒԼԻԿՅԱՆ. Կաշխատեմ կատարել քո խնդիրը: (Մեկուսի) Այս անպայման հավատը դեպի ինձ ավելի է կաշկանդում իմ սիրտը: (Միջին դռներից գալիս է Գարեգինը):

ՄԻՔԱՅԵԼ. Ահա՛ եկավ մի տաղտկալի փիլիսոփա:

ԳԱՐԵԳԻՆ. Պարո՞ն Սուվիկյան, իշխանուհի Մարիա Իսաևնան ձեզ է որոնում:

ՍՈՒԼԻԿՅԱՆ. Գնում եմ: (Գնում է միջին դռներով):

ՏԵՍԻԼ 2.

ՄԻՔԱՅԵԼ և ԳԱՐԵԳԻՆ, հետո ՅԵՂԻՆԵ

ՄԻՔԱՅԵԼ. Է՛ք պարո՞ն, դո՞ւք ինչու համար եք տխուր:

ԳԱՐԵԳԻՆ. Իսկ ինչո՞ւ համար պետք է ուրախ լինեի:

ՄԻՔԱՅԵԼ. Իմ տա՞նը:

ԳԱՐԵԳԻՆ. Մանավանդ ձեր տանը:

ՄԻՔԱՅԵԼ. Մանավանդ իմ տանը: Եթե այդպես է, ո՞վ էր ձեզ ստիպում գալ այստեղ:

ԳԱՐԵԳԻՆ. Իմ քույրը և նրա դրությունը:

ՄԻՔԱՅԵԼ. Կեցցե՛ք. չլինի թե հնադարյան ասպետի դեր եք ուզում կատարել:

ԳԱՐԵԳԻՆ. Ես ուզում եմ կատարել մի հարազատ եղբոր դեր:

ՄԻԶԱՅԵԼ. Նույնպես և մի բարոյական գաղափարական մարդու պաշտոն, այնպես չէ՛:

ԳԱՐԵԳԻՆ. Այո, եթե կամենաք:

ՄԻԶԱՅԵԼ. Ուրեմն, մեծապատիվ docteur, քննեցե՛ք, հարվածեցե՛ք մեր հասարակական ախտերը:

ԳԱՐԵԳԻՆ. Բացարձակ կարող եմ հայտնել իմ կարծիքը. բոլորը, ինչ որ տեսնում եմ այս տանը, պախարակելի է:

ՄԻԶԱՅԵԼ. Ա՜ր դուք կատակ չե՛ք անում: Ոչ, պարո՛ն, եթե Բեգմուրյանների կյանքը կարող է մեկը քննադատել, այն դուք չեք: Ուրեմն համեստ եղեք, ինչպես որ ես համեստ եմ:

ԳԱՐԵԳԻՆ. Այո, չափազանց համեստ, երբ ձեր կինը այնպես տանջվում է ձեզ սիրելուց, իսկ դուք շարունակում եք կրկնապատկել նրա վիշտը: Համեստ, երբ վաղը կամ մյուս օրը ձեզ սպառնում է սնանկություն, իսկ դուք շքեղ երեկույթներ եք տալիս, Օօ՛, իշխա՛ն, գոնե խոստովանեցեք ձեր տկարությունը: (Միջին դռների մեջ երեւում է Հեղինեն, որ նկատելով յուր եղբոր և ամուսնու վեճը, մոտենում է հանդարտ):

ՄԻԶԱՅԵԼ. Իմ տկարությունը ձեզ ցավեցնում է, կնշանակի, մտադիր եք ինձ ուղղել, այնպես չէ՛: Ոչ, հարգելի՛ դոքստյոր, իմ հիվանդությունը ձեր մասնագիտությանը չի վերաբերում:

ԳԱՐԵԳԻՆ. Ուղղել մի մարդու, որ ինքն իրան չի կարողանում ուղղել, անկարելի է: Ցավում եմ միայն, որ այդ ճշմարտությունը դեռ չի հասկացել նա, որ վաղուց պետք է հասկանար:

ՄԻԶԱՅԵԼ. Այսինքն ձեր քույրը:

ԳԱՐԵԳԻՆ. Այո, նա ինքը, որովհետև բոլոր այդ պախարակելի հանգամանքների ծանրությունը նրա վրա է բարձված:

ՀԵՂԻՆԵ. (Մոտենալով) Նա արդեն հասկացել է և այսօրվանից նրա բոլոր հույսերը գրեթե մեռած են: Այո՛, ես ձեզ լսում էի: Գիտեի, որ դուք սառնարյուն չեք կարող միմյանց հանդիպել, ուստի աշխատում էի, որ հանդիպելիս գոնե ես ներկա լինեմ: Բավական է, Գարեգին, մի՛ վիճիր այդ մարդու հետ, եթե այդ վեճը միայն իմ մասին է: Այս րոպեիս աղախինս տվեց ինձ դարձյալ մի սյուրպրիզ. Չեի՛ք կամենա արդյոք կարդալ, (Ցույց է տալիս Միքայելին բաց արած ծրարով մի նամակ):

ՄԻԶԱՅԵԼ. (Նամակը առնելով) Նամա՛կ: Ա՜ր, միևնույն ձեռագիրը, միևնույն մատնությունը: Ո՞վ է, վերջապես, այդ գարշելին, որ չի համարձակվում ասպարեզ դուրս գալ:

ՀԵՂԻՆԵ. Եվ երբեք դուրս չի գա, որովհետև դուք նրան հանել եք ասպարեզից: Դա մեկն է այն արարածներից, որ զոհ են դարձել ձեր հաճույքին: Նայեցեք, մի՞թե չեք որոշում ձոռագիրը:

ՄԻԶԱՅԵԼ. Արդարև, ես, կարծես, ճանաչում եմ այդ ձեռագիրը:

ՀԵՂԻՆԵ. Մի՛ վրդովվեք, տեսնում եք, ես հանգիստ եմ: Այսուհետև այդ նամակները ավելորդ են ինձ համար, պատռեցեք և այրեցեք, որովհետև ես ինքս էլ գարշում եմ դրանցից:

ՄԻԶԱՅԵԼ. Կեցցե՛ս, ուրեմն դու խելոքացել ես, շա՛տ ուրախ եմ:

ՀԵՂԻՆԵ. (Դառն ծիծաղալով) Խելոքացել եմ, այո, բայց արդեն ուշ է:

ՄԻՔԱՅԵԼ. Չգո՛ւյշ, Յեղինե՛, այդ ի՞նչ եղանակով ես խոսում, ընտանեկան տեսարանի ժամանակ չէ: Ահա հյուրերը այս կողմ են գալիս: (Միջին դռներից գալիս են մի քանի հյուրեր: Միքայելը դիմավորում է նրանց):

ՀԵՂԻՆԵ. (Գարեգինին գաղտնի): Գնանք իմ սենյակը, մի քանի խոսք ունեմ ասելու: (Գնում են դեպի աջ):

ՏԵՍԻԼ Է.

ՄԻՔԱՅԵԼ և ՀՅՈՒՐԵՐ

ԱՌԱՋԻՆ ՀՅՈՒՐ. Իշխան, չէ՞իք կամենա արդյոք չորրորդը լինել գուևդը լրացնելու համար:

ՄԻՔԱՅԵԼ. Պատրաստ եմ, որովհետև մի թեթև ճակատամարտի ծարավ եմ զգում:

ԵՐԿՐՈՐԴ ՀՅՈՒՐ. Միայն քիչ վառողով, որովհետև գրպանս բարակացավ է ընկել:

ԱՌԱՋԻՆ ՀՅՈՒՐ. Լռի՛ր, ժլա՛տ, քո բարակացավը հոգույդ մեջ է:

ՄԻՔԱՅԵԼ. Գնանք, պարո՛ններ, իմ սենյակը ազատ է և հարմար: Ես չորրորդը, իսկ ո՞ւր է երրորդը:

ԵՐԿՐՈՐԴ ՀՅՈՒՐ. Նա արդեն իշխանական սենյակում սպասում է զենքերը լարած: (Գնում են դեպի աջ):

ՏԵՍԻԼ Ը.

ԳԱՐԵԳԻՆ, հետո ՀՈՌՈՄ

ԳԱՐԵԳԻՆ. (Հետ է դառնում աջ դռնից) Հեղինեն չափազանց հուզված է: Նա ինձ խնդրեց, որ մեր միջը տանեմ տուն և շուտով վերադառնամ: Անշուշտ, այս երեկո մի բան պետք է պատահի: Գործը ծանր կերպարանք է ստանում և ուրիշ կերպ չէր կարող լինել: (Միջին դռներից գալիս է Հորոմը) Ահա և մայրիկը:

ՀՈՌՈՄ. Ես քեզ էի փնտրում, որդի՛:

ԳԱՐԵԳԻՆ. Ի՞նչ կա:

ՀՈՌՈՄ. Սիրտս մորմոքում է Հեղինեին տեսնելիս այս ուրախ կանանց մեջ: Ես չեմ կարող այստեղ մնալ:

ԳԱՐԵԳԻՆ. Ես հենց ուզում էի քեզ առաջարկել, որ տուն վերադառնաս: Գնանք, ես քեզ կուղեկցեմ:

ՀՈՌՈՄ. Թո՛ղ մի անգամ էլ Հեղինեիս տեսնեմ, հետո:

ԳԱՐԵԳԻՆ. Նա յուր սենյակումն է. Գնանք միասին: (Գնում են դեպի ձախ):

ՏԵՍԻԼ Թ.

ՍՈՒԼԻԿՅԱՆ, հետո ՄԱՐԻԱՄ և ՕԼԳԱ

ՍՈՒԼԻԿՅԱՆ. Քննարկվում է միջին դռներից: Մայր և աղջիկ երգվել են ինձ այս երեկո հալածել: Բոլոր հանգստությունն չունեմ, այնինչ նրա հետ չհաջողեցի դարձյալ մի քանի րոպե առանձնանալ: Ո՛հ, տկա՛ր սիրտ, այս ի՞նչ տարօրինակ մորիկ է բարձրացել քո մեջ: (Նույն դռներից գալիս իշխանուհի Մարիամը): Դարձյալ եկավ:

ՄԱՐԻԱՄ. Երևակայեցեք, պարո՛ն Սուլիկյան, բոլոր հյուրերը Օլգային խնդրում են մի բան անել դաշնամուրի վրա, մերժում է: Խնդրեցեք դուք էլ, կարելի է համաձայնի:

ՕԼԳԱ. (Ներս է մտնում նույն դռներից) Վերջապես, ազատվեցի, ա՛խ որքան խնդրում են, հոգիս հանեցին:

ՄԱՐԻԱՄ. Այժմ հերթը պարոն Սուլիկյանինն է: Նրան չպիտի մերժես:

ՕԼԳԱ. Ոչ, ոչ, մամա՛, նվագողը պետք է ոգևորվի, իսկ ես բոլորովին տրամադիր չեմ:

ՍՈՒԼԻԿՅԱՆ. Խնդրում եմ, օրիո՛րդ:

ՄԱՐԻԱՄ. Ուղղակի թե՛ք վերցրեք ու տարեք դաշնամուրի մոտ: (Սուլիկյանը կատարում է նրա ասածը: Օլգան կոտրատվելով համաձայնում է: Չնայած, տո՛ւր, որ մի օր էլ դրանց այդպես թե՛ թե՛ տված եկեղեցի տանեմ: (Չնայած է նրանց հետևից):

ՏԵՍԻԼ Ժ.

ՀՅՈՒՐԵՐ (Ներս են մտնում աջ դռներից մի տղամարդ և մի կին), հետո Սուլիկյանը

ՏՂԱՄԱՐԴ. Դուք ինչո՞ւ դուրս եկաք դահլիճից:

ԿԻՆ. Անտանելի է մի կողմից շոգը, մյուս կողմից այդ իշխանուհի Մարիա Իսաննան: Չարմանալի է, այդ կինը կարծում է, որ յուր աղջիկը մի երևելի զվարճություն է պատճառում մեզ յուր խաղով: (Լսվում է դաշնամուրի ձայնը): Ահա, սկսեց, ֆի՛, ջղերս գրգռվում են, Դուք ինչո՞ւ թուղթ չեք խաղում:

ՏՂԱՄԱՐԴ. Ես սիրում եմ Բեգմուրյանի հետ խաղալ, իսկ նրան արդեն որսել են:

ԿԻՆ. Ասում են շատ է տանուկ տալիս:

ՏՂԱՄԱՐԴ. Անցյալ շաբաթ երեք գիշեր միմյանց վրա տանուկ տվեց 1000 ռուբլի:

ԿԻՆ. Ուրիշի աշխատածը քամին է տանում: Բայց մի բան նկատո՞ւմ եք:

ՏՂԱՄԱՐԴ. Ի՞նչ:

ԿԻՆ. Սուլիկյանը շատ է ընկած մեր տանտիրուհու հետևից:

ՏՂԱՄԱՐԴ. Որի՞:

ԿԻՆ. Իհարկե, նոր թխած իշխանուհու:

ՏՂԱՄԱՐԴ. Հիանալի կին է:

ԿԻՆ. Այո, բայց վատ բան է անում, որ Սուլիկյանին թույլ է տալիս..... (Երևում է Սուլիկյանը) Ահա նա:

ՍՈՒԼԻԿՅԱՆ. Պարերը սկսվում են, խնդրում եմ դեպի դահլիճ: (Հյուրերը գնում են) Օ՛հ վերջապես, անտանելի է իմ դրությունը: Ես ձգտում եմ դեպի մեկը, ինձ մղում են դեպի

մյուսը: Ի՞նչ անեմ արդյոք: Թողնել այս վտանգավոր ուղին ուշ է և անկարելի ինձ համար, իսկ շարունակել — ամիթալի: Ոչ, ոչ, պետք է մի ելք գտնել, ապա թե ոչ... (Գալիս է աջ դռներից Միքայելը):

ՏԵՍԻԼ ԺԱ.

ՍՈՒԼԻԿՅԱՆ և ՄԻԶԱՅԵԼ

ՄԻԶԱՅԵԼ. Դու դարձյալ միայնա՞կ ես. Կատարո՞ւմ ես տանտիրոջ պաշտոնը:

ՍՈՒԼԻԿՅԱՆ. Կարողացածիս չափ:

ՄԻԶԱՅԵԼ. Իսկ ես տխրությունից կատաղում եմ. ես երկու հարյուր ռուբլի տանուկ տվի:

ՍՈՒԼԻԿՅԱՆ Կեցցես, ասել է մեծ հառաջադիմության մեջ ես: Միքայել, ժամանակ է, որ մի փոքր ուղղես քեզ: Ներիր, երաժշտությունը սկսվեց, ես պետք է գնամ, (Լսվում է երաժշտության ձայն և շարունակվում: Սուլիկյանը գնում է միջին դռներով):

ՏԵՍԻԼ ԺԲ.

ՄԻԶԱՅԵԼ

ՄԻԶԱՅԵԼ. «Միքայել, ժամանակ է, որ մի փոքր ուղղես քեզ», դա էլ է ասում, այո, իրավունք ունի, որովհետև ինքը չունի այնչափ ապրելու խանդ և զգացում, որքան ես: Նա մի բարեսիրտ, ազնիվ մարդ է, ուրիշ ոչինչ: Իսկ ես: Դարձյալ գնաց երկու հարյուր, և այժմ այս ողորմելի գումարը ինձ մեծ է թվում, որովհետև ես համարյա թե աղքատ եմ: Հեղինեն այլևս ոչինչ չունի: Իսկ եղբայրը հարուստ է և ինձ ատում է, նրան մոտենալ անկարելի է: Ահա դրություն. միսը կերել եմ, այժմ ոսկորը դեմ է ընկել կոկորդիս: Այդ կնոջ տխուր կերպարանքը ուրվականի պես հալածում է ինձ այս երեկո: Ահա նա, գալիս է միայնակ, չգիտեմ ինչո՞ւ կատաղում եմ նրան տեսնելիս:

ՏԵՍԻԼ ԺԳ.

ՄԻԶԱՅԵԼ ԵՎ ՀԵՂԻՆԵ

ՄԻԶԱՅԵԼ (Ձախ դռներից ներս է մտնում Հեղինեն) Բավական է, կին, մի՞ սպառի իմ համբերությունը:

ՀԵՂԻՆԵ. Ի՞նչ եք կամենում:

ՄԻԶԱՅԵԼ. Ձեր տխուր դեմքը ինձ վրդովեցնում է:

ՀԵՂԻՆԵ. Մի նայեք այդ դեմքին, խույս տվեք նրանից: Ահա, ես կարող եմ ձեզ հանգիստ թողնել: (Ուզում է գնալ դեպի միջին դռները):

ՄԻԶԱՅԵԼ. Կացեք: (Հեղինեն կանգ է առնում) Ինձ փող է հարկավոր այս երեկո, մեկին տանուկ տվի, պետք է վճարել, ունե՞ք:

ՀԵՂԻՆԵ. Երեկ վերցրիք վերջին տոմսակը, ես այժմ ոչինչ չունեմ, հասկանո՞ւմ եք, ոչինչ, նույնիսկ ապրելու ցանկություն:

ՄԻՔԱՅԵԼ, Ապրելու ցանկություն միշտ կարելի է ունենալ, միայն փող է հարկավոր:
Ասացեք, մի՞թե ոչինչ չունեք:

ՅԵՂԻՆԵ. Մի կոպեկ անգամ:

ՄԻՔԱՅԵԼ. Ուրեմն:

ՅԵՂԻՆԵ. Մենք աղքատ ենք:

ՄԻՔԱՅԵԼ. (Մի փոքր լռությունից հետո) Քո եղբայրը հարուստ է:

ՅԵՂԻՆԵ. Այո՛, մեր հոր ժառանգությանը նա դեռ ձեռք չի տվել:

ՄԻՔԱՅԵԼ. Վերցրու նրանից մի գումար, ես կվճարեմ:

ՅԵՂԻՆԵ. Վերցնե՛մ, իմ եղբորի՞ց:

ՄԻՔԱՅԵԼ. Ես պարտք եմ ուզում:

ՅԵՂԻՆԵ. Երբեք և ոչ մի կոպեկ, ես իմ թշվառությունը գնեցի արդեն լիովին:

ՄԻՔԱՅԵԼ. Ես խնդրում եմ:

ՅԵՂԻՆԵ. Մերժում եմ ձեր խնդիրը:

ՄԻՔԱՅԵԼ. Աղաչում եմ:

ՅԵՂԻՆԵ. Իզուր և իզուր: Բավական է, որքան ամոթ կրեցի նրա մոտ :

ՄԻՔԱՅԵԼ. Ուրեմն մերժո՞ւմ եք:

ՅԵՂԻՆԵ. Դրականապե՛ս:

ՄԻՔԱՅԵԼ. Յեղիմե՛, վախեցիր իմ հուսահատությունից:

ՅԵՂԻՆԵ. Ինձ համար վախենալու ոչինչ չի մնացել,

ՄԻՔԱՅԵԼ. Սպասիր, անա՛րգ մարդու ծնունդ, ես քեզ ցույց կտամ: (Գնում է միջին դռներով):

ՅԵՂԻՆԵ. (Մենակ) Սպառնալի՞ք, այլևս ի՞նչ փույթ: Մեռան, մեռան իմ մեջ իմ հույսերը, որովհետև դու ջախջախեցիր իմ սիրտը: Իսկ ես, տարաբախտ, դեռ կարծում եմ, թե նորից կարելի է կենդանություն տալ նրան և նորից ապրել վարդագույն ցնորքներով: Աստվա՛ծ իմ, ինչո՞ւ խավարեցրել ես իմ միտքը, ինչո՞ւ չես լուսավորում նրան մի վայրկյան, ինչո՞ւ մի միջոց չես ցույց տալիս ինձ այս անելանելի դրությունից դուրս գալու համար: Ինչո՞ւ, գոնե, չեմ կարողանում նրան ատել: (Լսվում է երաժշտություն) Խեղճ ու ողորմելի կյանք. այնտեղ զվարճանում են, իսկ այստեղ ահա իմ վիճակը, ահա իմ դրությունը: Գոնե կարողանայի ատել նրան: (Ներս է մտնում Սուլիկյանը):

ՏԵՍԻԼ ԺԴ.

ՅԵՂԻՆԵ և ՍՈՒԼԻԿՅԱՆ

ՍՈՒԼԻԿՅԱՆ. Իշխանուհի, ուր դուք, այնտեղ և ես, այդ ձեր ամուսնու ցանկությունն է:

ՅԵՂԻՆԵ. Իմ ամուսնո՞ւ (Երաժշտությունը դադարում է, լսվում է ջութակի, դաշնամուրի և երգելու ձայն):

ՍՈՒԼԻԿՅԱՆ. Այո, նա ինձ կրկին անգամ խնդրեց տանտիրոջ պարտականությունը կատարել և ձեզ զբաղեցնել:

ՅԵՂԻՆԵ. (Մեկուսի) Մի՞թե նա կամենում է ինձ փորձել: (Բարձր) Կատարեցեք, ուրեմն, ձեր բարեկամի և ընկերոջ խնդիրը:

ՍՈՒԼԻԿՅԱՆ, Մենք կպարենք մի փոքր, առայժմ այնտեղ երգում է Օլգայի մի ընկերուհին:

ՅԵՂԻՆԵ. Ուրեմն մենք ևս կարող ենք լսել: (Ուզում է գնալ):

ՍՈՒԼԻԿՅԱՆ. Իշխանուհի՛:

ՅԵՂԻՆԵ. (Կանգ է առնում) Ի՞նչ եք կամենում:

ՍՈՒԼԻԿՅԱՆ. Մի՛ վարվեք ինձ հետ այդպես, ես ձեզ խնդրում եմ հատկապես:

ՅԵՂԻՆԵ. Ինչպե՞ս կկամենայիք, որ վարվեմ: Կարծեմ, պարո՞ն Սուլիկյան, երբեք մի ամենաչնչին անբաղաքավարություն չեմ թույլ տվել ձեր վերաբերմամբ: Ասացեք, ի՞նչ եմ նշանակում ձեր խոսքերը:

ՍՈՒԼԻԿՅԱՆ. Իմ խոսքե՞րը, ոչինչ, ներեցեք, իշխանուհի՛, անգիտակցաբար արտասանեցի: (Մեկուսի) Ես շփոթվում եմ, չգիտեմ — ինչ խոսեմ:

ՅԵՂԻՆԵ. Փույթ չէ, այդ կարող է պատահել: Դուք, ինչպես երևում է, շատ պարելուց հոգնել եք: Յանգստացեք մի փոքր, դուք մինչև անգամ գունատված եք: (Ուզում է գնալ):

ՍՈՒԼԻԿՅԱՆ Ե՞ս, ոչ, հանգիստ եմ, բայց իշխանուհի՛, մի՛ շտապեք գնալու: (Նայում է խորհրդավոր):

ՅԵՂԻՆԵ. (Դիտելով նրան ոտից մինչև գլուխ, մեկուսի) Ես չեմ սխալվում, սիրտս վաղուց էր զգում, պետք է, ուրեմն, վաղօրոք սառցնել այդ կայծը նրա մեջ: (Բարձր) Պարո՞ն Սուլիկյան, ասացեք, ճշմարիտ է, որ դուք իմ ամուսնու մտերիմ ու անկեղծ ընկերն եք:

ՍՈՒԼԻԿՅԱՆ. Այո, ճշմարիտ է:

ՅԵՂԻՆԵ. Ուրեմն, հավատարիմ մնացեք ձեր ընկերական սուրբ պարտականությանը, դուք վատ մարդ չեք:

ՍՈՒԼԻԿՅԱՆ. (Մեկուսի) Նա արդեն հասկացել է, արիացի՛ր, եթե մարդ ես: (Բարձր) Իշխանուհի՛, ես հավատարիմ եմ: Բայց կա մի ուրիշ զգացում, որ ավելի բարձր է, քան ընկերականը: Թույլ կտա՞ք շարունակել:

ՅԵՂԻՆԵ. Երբեք, առանց խոսքերի էլ միտքը բավական պարզ է ինձ համար: Կարծեմ լռելը ավելի խոհեմություն է:

ՍՈՒԼԻԿՅԱՆ. Սակայն ես չեմ կարող լռել, ես այլևս ուժ չունեմ: Օ՜, մի՛ այդպես վատ նայեք ինձ վրա, ես դժբախտ եմ: Գիտեմ, որ իմ զգացումը դատապարտելի է ամեն մի բարոյական մարդու աչքում: Այո, Միքայելը իմ ընկերն է, թեև ոչ յուր բարքով. այո, դուք նրա ամուսինն եք և զավակ ունեք: Բայց ի՞նչ անեմ, ես անգոր եմ դիմանալ այն զգացմանը, որ ահա քանի ժամանակ է ինձ բռնի ուժով մղում է դեպի ձեզ: (Երաժշտության ձայն):

ՅԵՂԻՆԵ. Դադարեցեք, պարո՞ն, դադարեցեք: Այնքան հիմար չեմ որ այդ չհասկանալի: Ես վաղուց էի զգում ձեր միտքը: Բայց ապահով կացեք, բնավ վատ գաղափար չեմ ունեցել ձեր

մասին: Ցավում եմ միայն, որ ձեր մեջ այդ զգացումը բավական առաջացել է: Փույթ չէ. դուք չափահաս տղամարդ եք, խելացի եք, կարող եք դյուրությամբ զսպել ձեզ: Աշխատեցեք ուրեմն զսպել, և ես խոսք եմ տալիս՝ հարգել ձեզ միշտ իբրև մի բարոյական, մի ազնիվ մարդու: Ուրիշ զգացում դեպի ձեզ չեմ կարող ունենալ, այս է իմ վերջին խոսքը: Իսկ եթե գոհ չեք իմ հարգանքով, եթե կշարունակեք ձեր սխալ ընթացքը, այն ժամանակ սրտի ցավոք ստիպված կլինեմ խնդրել ձեզ, որ դադարեք այս տունը այցելելուց: (Գնում է միջին դռներով, ուր նա հանդիպում է Օլգային: Նայում են միմյանց):

ՍՈՒԼԻԿՅԱՆ. (Միայնակ) Խորտակվեց իմ ցնորքը առաքինության մի խիստ, բայց արդարացի հարվածով, դժբախտացած, առանց լիովին զգալու սիրո հրապույրը: Բայց ո՞ւր է իմ խելքը, իմ սառնությունը, վերջապես իմ ինքնասիրության և պատվի զգացումը: (Օլգան մի քանի քայլ առաջ է գալիս, խորհրդավոր կերպով նայելով Սուլկյանին):

ՏԵՍԻԼ ԺԵ.

ՍՈՒԼԻԿՅԱՆ և ՕԼԳԱ

ՕԼԳԱ. Պարո՞ն Սուլիկյան, ես ձեզ սպասում էի կադրիին:

ՍՈՒԼԻԿՅԱՆ. (Սթափվելով) Ա՛հ, այդ դո՞ւք եք, ներեցեք:

ՕԼԳԱ. Ներելը արդեն ուշ է, կադրիլը վերջացավ, շուտով կսկսվի ընթրիքը:

ՍՈՒԼԻԿՅԱՆ. Գնա՛նք, օրիո՛րդ: (Առաջարկում է թևը):

ՕԼԳԱ. Ոչ. դուք գնացեք, ես այստեղ եմ ուզում մնալ:

ՍՈՒԼԻԿՅԱՆ. (Մեկուսի) Անիծյա՛լ, ի՞նչ սատանայական հայացք ունի: (Գնում է միջին դռներով):

ՕԼԳԱ. (Միայնակ) Ամա՛ր բռնեցի ձեզ, օձե՛ր: Այժմ, գեղեցի՛կ իշխանուհի, դու իմ ձեռքումս ես: Դու առանձնացած շշջում ես նրա հետ: Օ՞ճ, կատաղությունից շունչ առնել չեմ կարող... սատանա՛ր կին, անպիտան Սուլիկյան: (Գալիս է միջին դռներից Մարիամը):

ՏԵՍԻԼ ԺԶ.

ՕԼԳԱ և ՄԱՐԻԱՄ, հետո ՄԻԶԱՅԵԼ

ՄԱՐԻԱՄ. Օլգա՛ , ժամանակ է, ես հրավիրեցի հյուրերին ընթրիքի նստել: Գնա՛ դահլիճ: Ես ուզում եմ այստեղ մի փոքր հանգստանալ: Դու բարկացա՞ծ ես:

ՕԼԳԱ. Ոչ թե բարկացած, այլ կատաղած եմ:

ՄԱՐԻԱՄ. Ինչո՞ւ:

ՕԼԳԱ. Հետո, հետո կիմանաս: (Գնում է դահլիճ):

ՄԱՐԻԱՄ. (Միայնակ) Հասկանում եմ, Սուլիկյանը անխիղճ է և անամոթ: (Աջ դռներից գալիս է Միքայելը):

ՄԻԶԱՅԵԼ. Մամա, ես բոլորովին ձանձրացա, ընթրիքը պետք է շուտ վերջացնել:

ՄԱՐԻԱՄ. Իսկ ես շվարված եմ:

ՄԻՔԱՅԵԼ. Պատճառը:

ՄԱՐԻԱՄ. Պատճառը, որ կինդ Սուվիկյանին զցել է իր հետևից, մի րոպե չի թողնում Օլգայի հետ:

ՄԻՔԱՅԵԼ. Ես ինքս եմ խնդրել նրան, որ տանտիրոջ պաշտոն կատարի:

ՄԱՐԻԱՄ. Բայց նրանք չափից անցնում են, թշնամիները կարող են բամբասել:

ՄԻՔԱՅԵԼ. Թող խոսեն, ինչ որ ուզում են:

ՄԱՐԻԱՄ. Ի՞նչ, դու ընտանիքիդ պատվի մասին չե՞ս մտածում:

ՄԻՔԱՅԵԼ. Ի՞նչ ընտանիք, դա դժոխք է ինձ համար, դժոխք... (Գնում է միջին դռներով):

ՄԱՐԻԱՄ. Դժբախտություն, անպատճառ մի դժբախտություն պետք է պատահի:

ՕԼԳԱ. (Միջին դռներից գալով) Մամա՛, շտապի՛ր, հյուրերից շատերը գնում են:

ՄԱՐԻԱՄ. Օ՛հ, աստված, չգիտեմ, որ մեկի մասին մտածեմ: (Գնում է միջին դռներով):

ՕԼԳԱ. (Մեկուսի) Հագիվ կարողանում եմ ինձ զսպել, որ այս մատներովս չխեղդեմ այն կնոջ սպիտակ կոկորդը: (Գնում է մոտ հետևից):

ՏԵՍԻԼ ԺԷ.

ՀՅՈՒՐԵՐ (աջ և միջին դռներից գալիս են կանայք և տղամարդիկ և միմյանց հանդիպում)

ՏՂԱՄԱՐԴ. Ինչո՞ւ դուք սեղան չևստեցիք:

ԿԻՆ. Իսկ ինչու դո՞ւք չևստեցիք:

ՏՂԱՄԱՐԴ. Իմ ստամոքսը խանգարված է:

ԿԻՆ. Ինչպես և Սուվիկյանի սիրտը:

ՏՂԱՄԱՐԴ. Ի՞նչ եք ուզում ասել:

ԿԻՆ. Շատ բան:

ԵՐԿՐՈՐԴ ՏՂԱՄԱՐԴ. (Մոտենալով առաջին տղամարդիկ) Ես հարբած եմ, գնանք:

ԱՌԱՋԻՆ ՏՂԱՄԱՐԴ. Ե՞րբ խմեցիր, որ հարբես:

ԵՐԿՐՈՐԴ ՏՂԱՄԱՐԴ. Մյուս սենյակում ես իմ բանը տեսա, շարտրոյոզ, բենեդիկտին, աբրիկոտին խառնեցի միմյանց: Օճ՝, գլուխս պտտում է, հա՛յդա, բարե՛կամ, թե չե՛ բանս բուրդ է:

ԱՌԱՋԻՆ ՏՂԱՄԱՐԴ. (Կնոջը) Ցտեսություն:

ԿԻՆ. Ցտեսություն: (Հյուրերը գնում են): Հարբել գիտեմ, իսկ կանանց հետ սիրով վարվել-երբեք: (Գնում է. սենյակը դատարակվում է, դահլիճից լսվում է երաժշտության ձայն: Աջ դռներից գալիս է Գարեգինը):

ՏԵՍԻՆ ԺԸ.

ԳԱՐԵԳԻՆ, հետո ՅԵՂԻՆԵ

ԳԱՐԵԳԻՆ. (Աջ դռներից գալով) Այստեղ ամեն ինչ կեղծ է և ստույթամբ լի: Կանանց դուր գալու համար պետք է շողոքորթել, գովել մեկի ձիրքը, որից նա զուրկ է, երկրորդի գեղեցկությունը, որ նա չունի: Մայրերը, բռնած աղջկերանց ձեռներից, աջ ու ձախ են առաջարկում, հայրերը խաբում են կանանց: Բարեկամը կեղծում է բարեկամին, ազգականը ստորանում է հարուստ ազգականի առաջ, ստորացնում է աղքատին: Ընկերը քաղցր խոսքերով դատարկում է ընկերոջ գրպանը կանաչ սեղանի մոտ: Այո, մեր կյանքը աղավաղվել է, արտաքինը խաբուսիկ է, խորքում տիրում է կոշտ, կոպիտ և կիսավայրենի հոգին: Ո՞վ պետք է ուղղի այդ բոլորը, ո՞ր սերնդին է վիճակված բարեփոխել այդ քայքայված մեքենան: Ներս է գալիս միջին դռներից Յեղինե):

ՅԵՂԻՆԵ. Զո առանձնությունը աչքի է ընկնում:

ԳԱՐԵԳԻՆ. Այնտեղ ես տխրում եմ, այստեղ հանգիստ եմ, իսկ ինչո՞ւ դու խույս ես տալիս հասարակությունից:

ՅԵՂԻՆԵ. Մի՞ հարցնի, ներս եմ մտնում թե չե՝ — ամենքը իրանց հայացքը ուղղում են ինձ վրա: Չգում եմ, որ բոլորը ինձ ծաղրում են, բոլորը խղճում, այս է խաբված, անարգված և ամոթի դատապարտված ամուսնու վիճակը:

ԳԱՐԵԳԻՆ. Հանգստացի՛ր, եթե ոչ դու բոլորովին կսպառես քո ուժերը: Գնա՛նք, միասին նստենք սեղանի մոտ, կարծեմ ընթրիքը վերջանալու վրա է: (Թևը առնում է և տանում դահլիճ):

ՏԵՍԻՆ ԺԹ.

ՍՈՒԼԻԿՅԱՆ (միայնակ)

ՍՈՒԼԻԿՅԱՆ. (Դուրս գալով աջ դռներից) Սարսափելի՛ կին, որքան նա ինձ հիրում է, այնքան ես մղվում եմ դեպի նա: Ես հետևում եմ նրան ցնորվածի պես, այնինչ հյուրերն արդեն շշնջում են իմ մասին: Արդեն ընթրիքը վերջացավ: Ծառաները հավաքում են սեղանը, հյուրերը ցրվում են, Միքայելը նրանց չի ստիպում մնալ, (Երաժշտությունը դադարում է) Ահա երաժշտությունն էլ դադարեց, օօ՛, ես ինչպես բաժանվեմ նրանից: (Ներս են մտնում Մարիամը, Օլգան, Գարեգինը, Միքայելը և Յեղինեն: Սուլիկյանը դառնում է Մարիամին): Իշխանուհի՛, ցտեսություն:

ՄԱՐԻԱՄ. Վաղը ճաշին անպատճառ մեզ մոտ եք, (Սուլիկյանը գլուխ է տալիս և հեռանալու միջոցին մի մեխամաղձոտ հայացք է ձգում Յեղինեի վրա: Վերջինը երեսը հետ է դարձնում: Օլգան նկատում է այդ բանը և զայրանում):

ՏԵՍԻՆ Ի.

ՆՐԱՆԶ, առանց ՍՈՒԼԻԿՅԱՆԻ

ՄԱՐԻԱՄ. (Նստելով բազկաթոռի վրա) Այդքան ծախսք և այդպես անհաջող:

ՕԼԳԱ. Թո՛ղ ուրախանան անհաջողության պատճառ լինողները: Մեր ամենամեծ թշնամիները մեր տանն են:

ՅԵՂԻՆԵ. (Մեկուսի) Դարձյալ ինձ է ուզում խայթել:

ՄԱՐԻԱՄ. Ես էլ նկատում եմ այդ բանը: (Խորհրդավոր նայում է Յեղիսենին և Գարեգինին):

ԳԱՐԵԳԻՆ. Ցտեսություն. (Ուզում է գնալ):

ՄԻԶԱՅԵԼ Կացեք, խնդրեմ, ես ձեզ հետ մի քանի խոսք ունեմ: Օլգա՛, խնդրում եմ գնաս սենյակդ:

ՕԼԳԱ. Միթե ամեն տեղ ե՛ս եմ միայն ավելորդը:

ՄԻԶԱՅԵԼ. Գործը քեզ չէ վերաբերում, Գնա, խնդրեմ:

ՕԼԳԱ. (Մեկուսի) Ես զգում եմ, թե ինչի մասին պետք է խոսեն: Կթաքսվեմ դռների հետևում և կլսեմ: (Գնում է դեպի ձախ):

ՏԵՍԻԼ ԻԱ.

ՆՐԱՆԶ, առանց ՕԼԳԱՅԻ

ՄԻԶԱՅԵԼ. Պարոն, մտադիր եք այսուհետև ինձ ամեն անգամ վիրավորե՞լ :

ԳԱՐԵԳԻՆ. Թույլ տվեք կանայք գնան հանգստանալու, մենք կարող ենք առանձին խոսել:

ՄԻԶԱՅԵԼ. (Բարկացած) Ես ձեզանից պատասխան եմ պահանջում:

ՄԱՐԻԱՄ. Միքայել...

ՄԻԶԱՅԵԼ. Թողե՛ք, մայր, ես բավական համբերեցի: Երեք շաբաթ է այս պատանին ինձ շարունակ վիրավորում է, Իսկ այս երեկո չափից անցավ: Նա ինձ նախատեց իմ սեփական տանը: Լսեցե՛ք, պարո՛ն, ես բնավ մտադիր չեմ իմ գլխին ձեզ նման վերահսկողներ ունենալ: Ամուսնանալով ձեր քրոջ հետ, ես գործեցի մի աններելի սխալ, այո, չափիտի ամուսնանալի: Բայց անցյալը վերադարձնել չի կարելի: Այժմ նա իմ կինն է, ես նրա մարդը, իսկ դուք երրորդ անձնավորություն եք: Ուրեմն առաջարկում եմ, պարո՛ն, վերջին անգամ, կամ զսպեցեք ձեզ, կամ բարեհաճեցեք ձեր մոր հետ դադարել իմ տուն այցելելուց:

ՅԵՂԻՆԵ. (Մեկուսի) Ահա մի հարված ևս, նա վնասում է իմ եղբորը և մորը, իսկ ես դեռ կարողանում եմ տանել այս նախատիկքը: Սի՛րտ իմ, հղացրու քո մեջ մի խորթ ատելություն դեպի այդ մարդը:

ԳԱՐԵԳԻՆ. Իշխա՛ն, ես ընդունում եմ ձեր առաջարկությունը: Լսեցի՛ր, Յեղիսեն՛, ուրեմն մնացի բարև իմ դժբա՛խտ քույր, բայց ես քեզ անպաշտպան չեմ թողնի: (Ուզում է գնալ):

ՅԵՂԻՆԵ. Ո՛չ, ես չեմ թողնի, որ դու այդպես անարգված գնաս իմ տնից: Նա հուզված է, նա ինքը չգիտե ինչ ասաց, նա քեզանից ներողություն կխնդրի:

ՄԻԶԱՅԵԼ. Ներողությո՛ւն, մի հանդուգն պատանո՛ւց, երբե՛ք:

ՅԵՂԻՆԵ. Ո՛չ. այդ արդեն չափից դուրս է, այդ արդեն անկարելի է, անպատվել իմ եղբորը, և նրա համար, որ նա սիրում է ի՛նձ, յո՛ւր քրոջը : Վերջին անգամ աղերսում եմ, Միքայել՛, խնայի՛ր ինձ:

ՄԻԶԱՅԵԼ. Վերջին անգամ եմ ասում, Յեղիսեն՛, որ ես կատակ չեմ անում, և եթե այդպես կշարունակեք, կդիմեմ ավելի կոպիտ միջոցների: (Չանգակը խփում է, Սիմոնը գալիս է): Այս տղին ճանապարհ դիր:

ՀԵՂԻՆԵ. (Կանգնելով մեջտեղը ծառայի և Գարեգինի, որ հագիվ զսպում է յուր կատաղությունը, ծառան հետ է քաշվում և մինչև տեսարանի վերջը մնում է բեմի վրա): Ա՛հ, ուրեմն, դու երդվել ես այս գիշեր ինձ վերջին հարվածը տալ: Եթե այդպես է, իմ եղբայրը այս տնից առանց ինձ ոտ չի դնի: Այո, ես կազատեմ քեզ քո անտանելի լծից, որովհետև ինձ ոտնատակ անելուց, իմ ամուսնական կապը պղծելուց, իմ վերջին հույսս խորտակելուց հետո, ես ավելորդ եմ քեզ համար: Գարեգին, տուր քո ազնիվ թևը տարաբախտ քրոջդ: Հեռացրու նրան այդ դժոխային կյանքից, տար նրան դեպի երջանիկ մահ:

ԳԱՐԵԳԻՆ. Արիացիր, քո՛ւյր, դու անբախտ չես մնա:

ՄԻԶԱՅԵԼ. Հա՛, հա՛, հա՛, գեղեցիկ զույգ, առաքինության օրինակելի տիպարներ: Ես ձեզ խաբեցի, տիկին, ես ձեզ դավաճանեցի, այնպես չէ՛: Իսկ ի՞նչ անուն տամ, պարկեշտ ամուսին, ձեր այս գիշերվա վարմունքին իմ ընկերոջ հետ:

ՀԵՂԻՆԵ. Աստված իմ, ի՞նչ եք ուզում ասել:

ՄԻԶԱՅԵԼ. Այն, որ դուք ավելի ոտնատակ արիք իմ անունը և այն էլ իմ սեփական տանը: Բոլոր հյուրերը զգացին այդ, բոլորը այդ մասին էին շշնջում, և այսուհետև Սուլիկյանի անունը ձեր անվան հետ պետք է հիշվի փողոցներում:

ՀԵՂԻՆԵ. Ե՛ս, Սուլիկյանը:

ՄԱՐԻԱՄ. Ի՞նչ եմ լսում, ի՞նչ անպատվություն:

ՄԻԶԱՅԵԼ. Այո՛, դուք և Սուլիկյանը:

ԳԱՐԵԳԻՆ. Հետ վերցրեք ձեր զրպարտությունը, ապա թե ոչ ես պատասխանատու չեմ ինձ համար:

ՕԼԳԱ. (Որ մի քանի վայրկյան առաջ դուրս է գալիս և դռների առաջ կանգնում)
Զրպարտություն չէ, այլ իրողություն, ես կարող եմ ապացուցանել:

ՀԵՂԻՆԵ. Ա՛խ... (ուշաթափվում է և ընկնում եղբոր գիրկը):

ԳԱՐԵԳԻՆ. Ստոր մարդ. դուք կստանաք ձեր վարձը:

Վարագույր

4-ՐԴ ԳՈՐԾՈՂՈՒԹՅՈՒՆ

(Հոռոմի տանը մի ուրիշ սենյակ: Վարագույրը բարձրանալիս բեմը մի փոքր ժամանակ դատարկ է մնում: Հետո ձախ դռներից դուրս է գալիս Անյուտան):

ՏԵՍԻԼ Ա.

ԱՆՅՈՒՏԱ, հետո ՀՈՌՈՄ

ԱՆՅՈՒՏԱ. Իշխանուհին, կարծեմ, չի զարթնել, Խեղճ կին, ինչքան տանջվում է: Թե չես սիրում մարդուդ, հեռացար, մոռացիր պրծիր, էլ ի՞նչ կա, չե՛ս կարող քեզ համար նոր մարդ գտնել, աշխարհը չորացե՛լ է: (Նույն դռներից գալիս է Հոռոմը):

ՀՈՌՈՄ. (Ինքն իրեն): Զնի՛ր խեղճ զավակս, քանի՛ անքուն գիշերներ անցկացրիր: Ասում էի կտիրի, հետո կսովորի, կմոռանա, բայց ընդհակառակը:

ԱՆՅՈՒՏԱ. Տիրուհի՛:

ՀՈՌՈՍ. (Սթափվելով) Ա՛հ, դու ես:

ԱՆՅՈՒՏԱ. Իշխանուհին ինչպե՞ս է:

ՀՈՌՈՍ. Զնած է, զգո՛ւյշ ման եկ, որ չգարթնի: Հա, ինչո՞ւ ես այդպես նայում:

ԱՆՅՈՒՏԱ. Ուզում էի մի բան հարցնել:

ՀՈՌՈՍ. Ասա՛:

ԱՆՅՈՒՏԱ. Այսօր երեխային պե՞տք է տանել հոր տունը:

ՀՈՌՈՍ. Երեխայի՞ն, այո, մոռացել էի:

ԱՆՅՈՒՏԱ. Նրանք երկու օրով են տվել, իսկ այսօր հինգերորդ օրն է:

ՀՈՌՈՍ. Թեկուզ հինգերորդ տարին, ի՞նչ կա, երեխան իր մոր մոտ է:

ԱՆՅՈՒՏԱ. Օօ՛, եթե իմանաք իշխանուհու սկեսուրը ինչպես կատաղած է: Երեկվանից դես չորս անգամ մարդ է ուղարկել, խաբելով ճանապարհ եմ դրել:

ՀՈՌՈՍ. Անաստվածնե՛ր, բավական չէ աղջկաս խայտառակեցին ամբողջ քաղաքում, երեխային էլ են խլում ձեռքից: Արդա՛ր աստված, դու նրանց դատն անես:

ԱՆՅՈՒՏԱ. Աստված արդեն նրանց սկսել է պատժել:

ՀՈՌՈՍ. Ե՛րբ, ինչպես:

ԱՆՅՈՒՏԱ. Տիրուհի, ներեցեք, ես առաջ ձեր աղջկան չէի սիրում, բայց երբ ճանաչեցի նրան, օօ՛, շատ սիրեցի, Բեգմուրաններին թողի ու նրա հետ եկա այս տուն: Հիմա երբեմն գնում եմ նրանց ծառաների մոտ: Սիմոնը ամեն բան պատմում է ինձ: Իշխանը սնանկացել է, ծառաների ամսականը չի վճարում, կառապանը դուրս է եկել, ուզում են ձիերը և կառքը ծախեն: Օլգան ամեն օր լաց է լինում, իսկ պառավ իշխանուհին անդադար հայիոյում է մեր իշխանուհուն:

ՀՈՌՈՍ. Իսկ ի՞նքը, իմ անանուն փեսա՞ն:

ԱՆՅՈՒՏԱ. Նրա մասին մի՛ հարցնեք: Բոլորովին փչացել է, հիմա էլ ասում են մեր իշխանուհու տված նվերներն է ծախում ու շռայլում:

ՀՈՌՈՍ. Ուրեմն հույս չկա՞, որ սա մի օր խելքի կգա:

ԱՆՅՈՒՏԱ. Ի՞նչ, մի՞թե այսուհետև դուք հույս ունեք:

ՀՈՌՈՍ. Օօ՛, ես ինքս էլ չգիտեմ ինչ եմ ասում: (Միջին դռներից գալիս է Չարբաբյանը):

ԱՆՅՈՒՏԱ. (Մեկուսի) Էլի եկավ այս խրտվիլակը: Ամեն օր գալիս է ու չար լուրերով ցավ ավելացնում: (Գնում է դեպի ձախ):

ՏԵՍԻԼ Բ.

ՀՈՌՈՄ և ՁԱՐԲԱԲՅԱՆ

ՁԱՐԲԱԲՅԱՆ. Աստուծո բարի լույսը այս տանը, քույրիկս, ինչպե՞ս եք, դուք, Գարեգինը, Յեղիսեն:

ՀՈՌՈՄ. Ապրում ենք մի կերպ:

ՁԱՐԲԱԲՅԱՆ. Ինչո՞ւ մի կերպ, քույր, ես խոսքը ճակատին կասեմ, շնորհակալ եղեք աստծուց, տուն, տեղ, հարստություն, ուսում առած որդի: Ի՞նչ կա՝ մտածում եք անցած բաների մասին, մենք մարդ ենք, ծնվել ենք ապրել, ուրախանալու ու տանջվելու համար: Դեռ լավ է, որ կնիկ եք, տանն եք նստած, ապա ի՞նչ կիներ ձեր դրությունը, եթե տղամարդ լիներ, այն էլ ինձ նման հասարակական մարդ, Ի՞նչ կանեիք չար լեզուների դեմ. ով գիտե այս քաղաքից կփախչեիք, այնքան խոսք կլսեիք:

ՀՈՌՈՄ. Ուրեմն էլի խոսո՞ւմ են, էլի մեր մասի՞ն:

ՁԱՐԲԱԲՅԱՆ. Է՛հ, թողեք, աստված սիրեք, էլի արյունս սկսում է եռ գալ սամովարի ջրի պես, երեկ երեկոյան կլուբում շիշը բարձրացրի, որ մեկի ճակատին տամ: Խցանը դուրս եկավ, ոտից մինչև գլուխ գինու մեջ թաթախվեցի: Չթողին մեծ մարդիկ, որ ջարդ ու փշուր անեմ.

ՀՈՌՈՄ. Ո՞ւմ, ի՞նչ պատճառով:

ՁԱՐԲԱԲՅԱՆ. Ընկերներս ընթրում էին, իսկ ես ծխում էի, որովհետև փող չունեի, որ ես էլ ընթրեմ: Այդ ժամանակ երևեցավ Սուլիկյանը. մեկը մոտեցավ մեզ, շատ պատվավոր մարդ է, Սուլիկյանին ցույց տալով ասաց «վա՛յ հերոսը» ու սկսեց ծիծաղել: Արևդ վկա, այնպես կատաղեցի, որ ուզում էի ատամներովս կրծոտեմ ամեն բան, մանավանդ շատ էլ քաղցած էի: Այն պատվելի մարդը մեկ էլ ծիծաղեց, երեսիս մոտիկ տալով ու այն ժամանակ Չարբաբյանը այսպես թռավ տեղից (Վեր է թռչում տեղից) ու աչքերը պտույտ տալով, ասաց:

ՀՈՌՈՄ. Հանգիստ նստեցեք ու պատմեցեք:

ՁԱՐԲԱԲՅԱՆ. Պատվելի՛ պարոն, շիշը եկավ գլխիդ... Ասացի ու շիշը բարձրացրի, հանկարծ տեսնեմ ճակատս պաղեց... Այ, քույրիկ, տեսեք գինու տեղը կրծքիս վրա է: Բայց ոչ, այսօր շորերս փոխել եմ: Այդպես, քույրիկս: Հա, այսօր էլ իշխանին տեսա, աստված վկա: ուզում էի դանակով անիրավի կողքը ծակեմ: Բայց մեկ էլ ասացի ի՞նչ օգուտ, գործը կմեծացնեմ և Յեղիսեիս անունը հասարակության բերանից դատարանին կանցնի:

ՀՈՌՈՄ. Օօ՛, աստված սիրեք, այդպիսի բան չանեք:

ՁԱՐԲԱԲՅԱՆ. Հանգիստ կացեք, չեմ անի, առանց այն էլ մեկել օրը անախտանի մեկը լրագրում գրել էր:

ՀՈՌՈՄ. Լրագրո՞ւմ:

ՁԱՐԲԱԲՅԱՆ. Հապա՛, խեղճ կին, աշխարհից տեղեկություն չունեք. Մարտին Մարտինիչ Չարբաբովը եթե չիներ, դուք ինչ կիմանայիք: Յեղիսեի մասին մի մեծ ֆելիետոն, տակին ստորագրած «Չար լեզու»: Անունները փոխված էին, բայց պարզ էր, որ խոսքը Յեղիսեիս մասին է: Կլուբում համարը ձեռքից ձեռք էր անցնում: Սուտ-մուտ, գրադարություն, բայ, համբույր: Էլ ինչ ասեմ, հազար ու մի կեղտոտ, բաներ: Այսօր խմբագրին բուլվարում տեսա, ձեռքս քոր եկավ, ուզեցի մեկ երկու հասցնեմ, բայց ասացի կգնա ավելի վատ բան կգրի:

ՀՈՌՈՄ. Մեղա՛ քեզ. աստված, ես ինչ մեղք եմ գործել, որ ինձ այսպես պատժում ես: (Միջին դռներից գալիս է Գարեգինը):

ՉԱՐԲԱԲՅԱՆ. (Մեկուսի) Բանս բուրդ է, սա ինձ ատում է բարև: (Խոնարի գլուխ է տալիս ու հետ քաշվում երկյուղած):

ՏԵՍԻԼ Գ.

ՆՐԱՆՔ և ԳԱՐԵԳԻՆ

ԳԱՐԵԳԻՆ. Դուք այստե՞ղ եք, և այդպես վա՞ղ: Երևի, շատ ախորժելի լուրեր եք բերել այս տառապյալ կնոջ մխիթարության համար:

ՉԱՐԲԱԲՅԱՆ. Ոչ, այնպես եկա ձեր առողջությունն իմանալու: Կարելի է դուք չեք ուզում, որ ձեր տուն գամ: Լավ, չեմ գա այսուհետև, որովհետև ես ճշմարտախոս մարդ եմ, խոսքը ճակատին կասեմ:

ԳԱՐԵԳԻՆ. Կարող եք այցելել մեզ, բայց մի՛ վրդովեք ամեն օր իմ մոր և քրոջ հանգստությունը ձեր չար լուրերով: Թողեք այդ վատ պաշտոնը, ապա թե ոչ խնդրեմ ձեռք վերցնեք այս տնից:

ՉԱՐԲԱԲՅԱՆ. Զույրի՛կ, լսո՛ւմ եք, նա ինձ վռնդում է այս տնից, ինձ, ձեր եղբորը, ձեր անկեղծ բարեկամին, ուրեմն երեկվա շիշը ոչի՞նչ:

ԳԱՐԵԳԻՆ. Ես ատում եմ մի ծույլ, անգործ, բայց առողջ տղամարդի, որը բամբասանքով է պարապում: Եթե փողի համար եք գալիս, ընդունեցեք ինձանից մի թոշակ, բայց մի պղտորեք մեր կյանքը: :

ՅՈՈՈՍ. Որդի, ի՞նչ կոշտ ես խոսում, ամոթ չե՞, նա մեզ սիրում է:

ՉԱՐԲԱԲՅԱՆ. Օրհնյալ լինեք, բարեկա՛մ, օրհնյալ լինի ձեր հայրն էլ: Հանգուցյալը խելոք մարդ էր, ես խոսքը ճակատին կասեմ, ուրիշներին կողոպտեց, որբերի կտակը քանդեց, չորս տարի Մեթեիում նստեց, որ ձեզ համար հարստություն թողնի: Գնում եմ, մի՛ վախենաք, ձեր հացը ինձ հարկավոր չի, ես խոսքը ճակատին կասեմ... (Գնում է հետ-հետ):

ՏԵՍԻԼ Դ.

ՆՐԱՆՔ, առանց ՉԱՐԲԱԲՅԱՆԻ

ԳԱՐԵԳԻՆ. (Մեկուսի) Աստված իմ, դա էլ է անարգում հանգուցյալին, հա՛յր իմ, այս ինչ հիշատակ թողիր:

ՅՈՈՈՍ. Ա՛խ, որդի՛, շատ վատ բան արիր:

ԳԱՐԵԳԻՆ. Ուրիշ կերպ վարվել չի կարելի այդպիսիների հետ: Բայց թողնենք այդ. Հեղինեն գարթնե՛լ է:

ՅՈՈՈՍ. Դեռ ոչ: Ո՞րտեղ էիր գնացել այդպես վաղ:

ԳԱՐԵԳԻՆ. Մի հմուտ բարեկամի մոտ Հեղինեիս դրության մասին խորհրդակցելու: Գործը քանի գնում վատանում է: Հաշտվել, իհարկե, չի կարելի: Այդ ո՛չ Հեղինեն է կամենում, ո՛չ ես, ո՛չ էլ, հուսով եմ, դու կկամենաս, մայրի՛կ:

ՅՈՈՈՍ. Ե՛ս, ինչո՞ւ, ուրիշ էլ ի՞նչ միջոց կա մարդկանց բերանը կապելու համար:

ԳԱՐԵԳԻՆ. Ամեն միջոց ներելի է Յեղիսեի համար, բացի Բեգմուրյանների տունը ոտ դնելուց: Այդ վճռված է Յեղիսեի ազատ կամքով: Մնում է երեխայի հարցը — ահա գործի դժվար կողմը: Երեխային մեզ չեն տալիս ո՛չ հայրը և ո՛չ մեծ մայրը: Նրանք մինչև անգամ վճռել են այսուհետև մի քանի օրով էլ չուղարկել իր մոր մոտ: Օրենքի օգնության դիմել չի կարելի, որովհետև օրենքը հոր կողմն է, քանի որ նա հանձն չի առնում յուր հանցանքը: Իսկ Յեղիսեն առանց զավակի չի կարող ապրել: Ուղիղն ասած, ես արդեն վախենում եմ նրա մասին: Միշտ սենյակում փակված, միշտ ուղեղը լարված մի ծանր մտքով, նա վերջ ի վերջո կարող է հոգեկան հիվանդություն ստանալ:

ՀՈՌՈՍ. Ուրեմն մնում է, որ էլի մի կերպ հաշտվի մարդու հետ: Իմ հույսս այդ է, որդի՛, եթե չլինի, ես կգժվեմ: Չեմ կարող դիմանալ հասարակության բամբասանքին:

ԳԱՐԵԳԻՆ. Լռի՛ր, մայրի՛կ, այդ մասին ո՛չ մի խոսք: Ես հույս ունեմ, որ Յեղիսեն կարհամարհի իր մասին տարածված կեղտոտ լուրերը, պետք է միայն ժամանակ տալ նրան: Լսիր, ես մի բան եմ վճռել, դու պետք է օգնես ինձ:

ՀՈՌՈՍ. Ի՞նչ բանում, ասա:

ԳԱՐԵԳԻՆ. Յեղիսեն պետք է ճանապարհորդի. այդ ամենալավ միջոցն է նրա միտքը զբաղեցնելու համար: Մնում է միայն նրան համոզել: Ահա իմ խնդիրը, մայրի՛կ, հենց որ նա զարթնի, հայտնի Նրան այս միտքը, միայն քո կողմից ասա՛, որ դու այդպես ես ցանկանում: Նա քեզ շատ է սիրում, եթե դու համոզես և խնդրես, քեզ չի մերժի:

ՀՈՌՈՍ. Աղջկաս սիրտը մխիթարելու համար ամեն բանի պատրաստ եմ: Լավ, կասեմ: Ահա նրա հազի ձայնն է: Կարծեմ զարթնեց... (Գնում է դեպի աջ):

ՏԵՍԻԼ Ե.

ԳԱՐԵԳԻՆ (միայնակ)

ԳԱՐԵԳԻՆ. Իսկ նա մի՞թե պետք է անպատիժ մնա, նա, որ այս բոլոր թշվառությունների միակ պատճառն է: Սակայն ի՞նչ անեմ, Յեղիսեն ինձանից երդում է կորզել, որ ես հավիտյան ձեռք չբարձրացնեմ նրա ամուսնու վրա: Սիրո՞ւմ է դարձյալ նրան: Ո՛չ, այդ անկարելի է, նա ինձ է խնայում... (գնում է դեպի ձախ):

ՏԵՍԻԼ 2.

ԱՆՅՈՒՏԱ, հետո ՍԻՄՈՆ

ԱՆՅՈՒՏԱ. (Ներս է մտնում միջին դռներից): Դարձյալ ուղարկել են երեխայի հետևից. պետք է հայտնեմ: (Անցնում է աջ դռներով: Իսկույն միջին դռներից Ներս է մտնում Սիմոնը):

ՍԻՄՈՆ. (Միայնակ) Պառավ իշխանուհին սաղայել է դարձել, կատարյալ սաղայել: Նա ինձ հրամայեց առանց երեխայի հետ չդառնալ այստեղից: Ի՞նչ անեմ, սիրտս կտրտվում է, բայց հրամայում են, եթե չկատարեմ, ինձ կվնդեն:

ԱՆՅՈՒՏԱ. (Վերադառնում է աջ դռներից) Զեզ ո՞վ ասաց, որ այստեղ մտնես: Գնա՛, սպասի՛ր, երեխան դեռ քնած է:

ՍԻՄՈՆ. Կսպասեմ.....(Գնում է, Անյուտան նրա հետևից):

ՏԵՍԻԼ Ե.

ՀԵՂԻՆԵ (միայնակ), հետո ԳԱՐԵԳԻՆ

ՀԵՂԻՆԵ. (Տնային թեթև հագուստով դուրս է գալիս աջ դռներից ծանր քայլերով) Դարձյալ խլում են ինձանից իմ զավակին և սպառնում են այնս չուղարկել ինձ մոտ: Իսկ ես հույս ունեի նրա մեջ գտնել իմ մեռած սրտի մխիթարությունը: Մեռած սիրտ. ո՛հ, երանի թե նա մեռած լիներ: Ես սխալվում եմ նրա մասին: Նա դեռ բաբախում է և ավելի զորեղ, քան երբևէ բաբախել է: Եվ մի՞թե նա տակավին պահում է իր մեջ մի կաթիլ զգացում դեպի այն մարդը... Օ՜ օ, դառն և ամոթալի է մտածել այդ մասին, այո, ես մի թույլ, տկար և բնավորությունից զուրկ արարած եմ, որ ատելով նրան հոգվույս ամբողջ զորությամբ, միևնույն ժամանակ թփում է ինձ, որ տակավին սիրում եմ: Բայց ի՞նչ է մնում ինձ անել այսուհետև: Տեսնել, թե իմ պատճառով ինչ բարոյական վիշտ է կրում իմ միակ եղբայրը, զգալ ամեն օր իմ մոր գաղտնի հառաչանքները և արտասուքը, տեսնել, թե ինչպես թշվառ կինը օրից օր ընկճվում է դառն դժբախտության ներքո և իբրև ուրվական պտտում իմ շուրջը: Ոչ, այդպես շարունակել անկարելի է: Պատիվս ոտնակոխ եղած, հույսերս խորտակված, անունս ամբոխի մեջ հավիտյան ապականված, անցյալս թշվառ, ներկաս ամոթալի, ապագաս առանց հույսերի: Եվ ես դեռ ապրում եմ: Ինչո՞ւ, ո՞ւմ համար... (լռություն) Մի շաբաթ առաջ ես Գարեգինի սենյակումն էի: Նա իմ միտքը զբաղեցնելու համար պատմում էր ինձ զանազան դեպքեր բժշկականության վերաբերմամբ: Այն րոպեին, երբ նա խոսում էր, հանկարծ մի միտք կայծակի արագությամբ անցավ իմ մթնած ուղեղով: Ես սարսափեցի այդ մտքից, երբ իմ հայացքը ընկավ Գարեգինի սեղանի վրա, ուր դարսված են զանազան գործիքներ և դեղեր... Այն օրվանից դեռ երբեմն հալածում է ինձ այդ միտքը, և միայն մոռանում եմ այն ժամանակ, երբ համբուրում եմ իմ զավակի անմեղ աչքերը: Այժմ նրան խլում են ինձանից անգթաբար և գուցե առմիշտ... Աստված իմ, ես այսուհետև ուժ կունենամ արդյոք մաքառել այդ հանցավոր մտքի դեմ, ներիր, ներիր ինձ, աստված... (ծախ դռներից դուրս է գալիս Գարեգինը): Ահա եղբայրս, միշտ հուզված, միշտ լարված: Ոչ, պետք է մի կերպ զսպել ինձ և գոնե նրա ներկայությամբ հանգիստ ձևանամ:

ՏԵՍԻԼ Ը.

ՀԵՂԻՆԵ, ԳԱՐԵԳԻՆ, հետո ԱՆՅՈՒՏԱ

ԳԱՐԵԳԻՆ. Հեղինե, այսօր ինչպե՞ս ես:

ՀԵՂԻՆԵ. Լավ եմ, շատ լավ: Անհոգ կաց և մի՛ անհանգստանա: Ես զգում եմ, որ իմ վերքը օրից օր բժշկվում է, ուրիշ կերպ ինչպե՞ս կարող էի արժանի լինել քո քույրը կոչվելու, եթե ուժ չունենայի հաղթել մի ամենադառն վիշտ անգամ:

ԳԱՐԵԳԻՆ. Ամրացիր, սիրելի՛ս, և դու վերջը բախտավոր կլինես: (Մեկուսի) Միշտ ինձ խաբում է, միշտ հույս է տալիս, սակայն ես զարհուրում եմ նայելով նրա կերպարանքին:

ՀԵՂԻՆԵ. Այո, ես բախտավոր կլինեմ: Բայց ինչո՞ւ դու ինձանից ավելի հուզված ես, այդ ցավալի է ինձ համար: Գարեգին, դու չպետք է այդպես լինես, մխիթարիր մեր մորը. նրա տարիքը և նահապետական հայացքը կյանքի վրա ինձ վախեցնում են: Ամոթից և հոգսից կյանքը նրա մեջ սպառվում է հետզհետե: Հոգա այդ մասին:

ԳԱՐԵԳԻՆ. (Մեկուսի) Հոգա՞մ, բայց ինչպես:

ԱՆՅՈՒՏԱ. (Ներս է մտնում միջին դռներից) Իշխանուհի՛:

ՀԵՂԻՆԵ. Ի՞նչ կա, ինչո՞ւ ես շփոթված:

ԱՆՅՈՒՏԱ. Պառավ իշխանուհին երկրորդ ծառային է ուղարկել երեխայի հետևից: Սպառնում է, որ եթե չտաք, ինքը կգա տանելու:

ՅԵՂԻՆԵ. Մի՛ թույլ տաք ուրեմն, որ նա իր սպառնալիքը կատարի: Անյուտա, երեխան զարթնել է, հագցրո՛ւ, ես կգրկեմ նրան մի անգամ ևս, և թող տանեն: (Մեկուսի): Չգու՛մ եմ, որ ապրելու ցանկությունը հետզհետե նվազում է իմ մեջ, և ես կարող եմ այսուհետև սառնարյուն դիմանալ ճակատագրի ամենախիստ հարվածին:

ԳԱՐԵԳԻՆ, Ո չ. այդ արդեն չափից դուրս է, այդքան բռնություն ես չեմ թույլ տա գործ դնել: Անյուտա, կանչիր այստեղ ծառային:

ԱՆՅՈՒՏԱ. Սիմոնի՛ն, թե՞ մյուսին:

ԳԱՐԵԳԻՆ. Միևնույնն է: (Անյուտան գնում է: Գարեգինը նստում է սեղանի մոտ և գրիչը վերցնում գրելու):

ՅԵՂԻՆԵ. Ի՞նչ ես կամենում անել:

ԳԱՐԵԳԻՆ. Մի փոքրիկ բացատրություն տալ նորին պայծառափայլությանը: Տիրապետող օրենքի հիման վրա երեխան պատկանում է անմեղ կողմին: Այս դեպքում հանցանքը հորն է. զավակը քեզ պետք է պատկանի: (Գրում է: Մեկուսի) Պետք է ամեն միջոցի դիմել:

ՅԵՂԻՆԵ. Իզո՛ւր, իզո՛ւր ես առաջարկում նրան մի բան, որից նա վճռականապես հրաժարվել է քանի անգամ: Գարեգին, միևնույնն է, չե՞ որ ինձ համար ամեն ինչ վերջացած է:

ԳԱՐԵԳԻՆ. Վերջացա՞ծ, ո՛չ, երբեք: Ես կառաջարկեմ նրան նոր պայմաններ, թող մերժի, այն ժամանակ կմտածեմ: (Ներս է մտնում Սիմոնը):

ՏԵՍԻԼ Թ.

ՆՐԱՆՔ և ՍԻՄՈՆ

ԳԱՐԵԳԻՆ Զեզ ո՛վ է ուղարկել այստեղ, իշխա՞նը, թե մա՛յրը:

ՍԻՄՈՆ. Երկուսն էլ:

ԳԱՐԵԳԻՆ. Եվ հրամայել են առանց երեխայի չվերադառնալ:

ՍԻՄՈՆ. Այո, ես կուզեի գնալ, բայց ինձ կվռնդեն...

ԳԱՐԵԳԻՆ. Տուր այս նամակը իշխանին, ասա՛ մեր պատասխանը այս է: (Սիմոնը տատանվելով դուրս է գալիս):

ՏԵՍԻԼ Ժ.

ՆՐԱՆՔ, առանց ՍԻՄՈՆԻ

ՅԵՂԻՆԵ. Գարեգին, ինչո՞ւ չկարդացիր ինձ գրածդ:

ԳԱՐԵԳԻՆ. Անհոգ կաց, ինչ որ անում եմ, քո պատվի և անդորրության համար է: (Մեկուսի) Ես իմ երդումը քանդեցի:

ՅԵՂԻՆԵ. Այս մասին բնավ չեմ կասկածում, Բայց վախենում եմ միայն, որ ինձ համար, դու ինքդ վտանգի կարող ես ենթարկվել: Ասում են նա այժմ այնպիսի դրության մեջ է, որ ամեն բան պատրաստ է անել: Ա՛խ, Գարեգին, ես ասացի քեզ, որ կարող եմ մոռանալ իմ անցյալ և ներկա վշտերը, անքուն գիշերները, իմ սրտի դժոխային տանջանքը, բոլորը, բոլորը,

նույնիսկ արհամարհել ինձ վրա բարդված զրպարտությունները: Բայց մի բանի չեմ կարող դիմանալ — քո և մանավանդ իմ ծերունի մոր տառապանքին:

ԳԱՐԵԳԻՆ. Դարձյալ հուզվեցի՞ր, բայց ներիր, մեղավորը ես էի, որ անզգուշությամբ շոշափեցի քո սրտի թարմ վերքը: Հանգստացիր այժմ, այդ հուզմունքը կարող է վնասել քեզ:

ՀԵՂԻՆԵ. Ոչինչ, անցավ, և շուտով կանցնի ամեն բան: Ո՞ր է մայրիկը, նա ինձ ուզում էր մի բան ասել, խանգարեցին: Խեղճ կին, նա ինձ առաջարկում է ճանապարհորդել:

ԳԱՐԵԳԻՆ. Գեղեցիկ առաջարկություն է, հիանալի միտք: Ի՞նչ կասես, Հեղինե՛. լավ չի՞ լինի, եթե իրագործենք: Համաձայն ես, այնպես չէ՞, ասա՛, Բայց դու երեսդ դարձնում ես, միթե մայրիկի առաջարկությունը չես հավանում:

ՀԵՂԻՆԵ. Մայրիկի՞: Ոչ, Գարեգին, այդ քո գաղափարն է, ես իսկույն հասկացա: Բայց միևնույն է, ինձ համար երկուսիդ ցանկությունն էլ հավասար թանկ է, միայն չեմ կարող կատարել նրանք:

ԳԱՐԵԳԻՆ. Ինչո՞ւ:

ՀԵՂԻՆԵ. Որովհետև ավելորդ է, եթե ճանապարհորդությունը ինձ համար է: Առանց այդ էլ ես շուտով կհանդարտվիմ և կդառնամ նույն զվարթ և անհոգ Հեղինեն, ինչ որ էի օրիորդ ժամանակս: Նայի՛ր, ահավասիկ, ես այժմ իսկ զվարթ եմ, միայն երբեմն տխրում եմ մի քանի րոպե, այդ էլ շուտով կանցնի, անպատճառ, կանցնի:

ԳԱՐԵԳԻՆ, (Մեկուսի) Ազնիվ, բայց իզուր խաբեություն: (Հեղինենին) Հավատում եմք քո ասածին, Հեղինե՛, բայց մի՞թե ճանապարհորդությունը կարող է խանգարել քեզ: Ոչ, ընդհակառակը, դու ավելի կկազդուրվես և ավելի զվարթ կվերադառնաս: Առաջ մենք կգնանք Ռուսաստան, կգնանք Մոսկվա, Պետերբուրգ: Ամառվա սկզբին կանցնենք արտասահման, կշրջենք ցամաքով և ծովով, կտեսնենք նոր մարդիկ, նոր աշխարհ: Իսկ առաջիկա ձմեռը կվերադառնանք Թիֆլիս:

ՀԵՂԻՆԵ, Ոչ. այդ մասին բավական է, խնդրում եմ: Ես չեմ կարող բաժանվել ո՛չ իմ մորից և ո՛չ... (մեկուսի) ինչո՞ւ հիշել մյուսին:

ԳԱՐԵԳԻՆ. (Մեկուսի) Եվ ոչ զավակից, ահա երկու ծայրեր, որ մարդու կյանքը ճնշում են երկու կողմից: (Ներս է մտնում Անյուտան վախեցած):

ՏԵՍԻԼ ԺԱ.

ՆՐԱՆՔ և ԱՆՅՈՒՏԱ

ԱՆՅՈՒՏԱ, Իշխանուհի՛:

ՀԵՂԻՆԵ. Ի՞նչ պատահեց:

ԱՆՅՈՒՏԱ. Ա՛խ սիրտս: Հիշո՞ւմ եք այն Դալայանին, նա այստեղ է:

ՀԵՂԻՆԵ. Ի՞նչ է կամենում:

ԱՆՅՈՒՏԱ. Երեխային: Ասում է տվեք, թե չէ, դռները կփշրեմ և ուժով կվերցնեմ:

ՀԵՂԻՆԵ, (Մեկուսի) Այդքան կոպիտ անզթություն: (Անյուտային). Տվեք իրան երեխային. աղաչում եմ, տվեք տանի:

ԳԱՐԵԳԻՆ. Բռնութեամբ, երբեք, Յեղիսէ՛, եթէ ինձ հարգում ես, հեռացիր այստեղից մի քանի րոպէ: (Անյուտային): Թող այդ մարդը ներս գա: (Անյուտան գնում է):

ՀԵՂԻՆԵ. Գարեգին, դու նրա հետ զգույշ վարվիր. նա մի սրիկա մարդ է:

ԳԱՐԵԳԻՆ. Թող լինի, միայն թէ դու հեռացիր:

ՀԵՂԻՆԵ. (Մեկուսի) Այդքան անպատվութիւն կրել և ապրե՞լ: Ոչ. այն հանցավոր միտքը վարակում է իմ ամբողջ էութիւնը: (Գնում է աջ դռերով):

ՏԵՍԻԼ ԺԲ.

ԳԱՐԵԳԻՆ և ԴԱԼԱԼՅԱՆ (միջին դռներից ներս մտնելով):

ԳԱՐԵԳԻՆ. Ո՞վ եք դուք:

ԴԱԼԱԼՅԱՆ. Նորին պայծառափայլութիւն, իշխան Միխայել Եգորովիչ Բեգմուրյանի եղբայրը:

ԳԱՐԵԳԻՆ. Եղբա՛յրը:

ԴԱԼԱԼՅԱՆ. Այո, համարյա թէ հարազատ. Մայրս նրա դայակն է եղել, մենք միասին միևնույն կրծքից ենք ծիծ կերել: Իշխանը ինձ սիրում է եղբորից ավելի, օգնում է փողով, ես էլ նրանից չեմ խնայում իմ փոքրիկ ծառայութիւնները:

ԳԱՐԵԳԻՆ. Այժմ ի՞նչ եք կամենում:

ԴԱԼԱԼՅԱՆ. Եղբորս երեխային:

ԳԱՐԵԳԻՆ, Ասացեք իշխանին, որ երեխային ես բռնությամբ պահում եմ և երբեք չպիտի տամ:

ԴԱԼԱԼՅԱՆ. Դուք այդ արդեն գրել եք իշխանին: Այո, նա ձեր նամակը ստացավ և ինձ ուղարկեց բռնության դեմ բռնութիւն գործ դնելու: Նորին պայծառափայլութիւնը, պարո՛ն, ձեզանից վիրավորված է, ձեզ խորհուրդ չեմ տալիս նրան հանդիպել: Վերջին ժամանակ նրան ճանաչել չի լինի: Պարտատերերը նրան խեղդում են, այսօր-վաղը տան կահ-կարասին փողոց կհանեն ծախելու: Դուք այդ բանը երևի գիտեիք, որովհետև ձեր նամակում նրան առաջարկել էիք երեխային փողով ծախել ձեզ: Հենց այդ բանն է նրան կատաղեցրել: Կրկնում եմ, չինի թէ հանդիպեք նրան, քաղցած առյուծը վտանգավոր է:

ԳԱՐԵԳԻՆ. Բավական է. գնացեք պարո՛ն, այդ վտանգավոր առյուծին ասացեք, որ ես նրան կրկին անգամ համարում եմ մի անբարոյական մարդ և երբեք իմ քրոջ զավակին չեմ հանձնի նրա խնամքին:

ԴԱԼԱԼՅԱՆ. Նախ ես այստեղից կգնամ երեխային գրկած, երկրորդ՝ եթէ ձեր ասածը նրան հայտնեմ, նա ինքը կգա հենց այստեղ ձեզ պատասխանելու: Կրկնում եմ, նա շատ է փոխվել:

ԳԱՐԵԳԻՆ. Կրկնում եմ, կատարեցեք իմ պատվերը:

ԴԱԼԱԼՅԱՆ. Տվեք երեխային,

ԳԱՐԵԳԻՆ. Դո՛ւրս, պարո՛ն: (Մոտենում է սեղանին):

ԴԱԼԱԼՅԱՆ. Առանց երեխայի մի քայլ անգամ չեմ անի, այդ ձեռնտու է ինձ, գիտե՞ք:

ԳԱՐԵԳԻՆ. ԴՈՒՐԱ, կրկնում եմ:

ԴԱԼԱԼՅԱՆ. Տվե՛ք երեխային. կարելի է դուք նեղանում եք, կգնամ կվերցնեմ: Կարծեմ այս սենյակումն է: (Դեպի աջ դռները գնալու ձև անելով):

ԳԱՐԵԳԻՆ. (Հանում է սեղանի արկղից մի ատրճանակ) Փորձեցե՛ք մի քայլ անել, և երկրորդը ձեզ չի հաջողվի:

ԴԱԼԱԼՅԱՆ. (Վախեցած հետ կանգնելով) Ատրճանակ, այդ մեկը ես մոռացել էի:

ԳԱՐԵԳԻՆ. ԴՈՒՐԱ, եթե ոչ ձեռք չեմ կարող զսպել:

ԴԱԼԱԼՅԱՆ. Իշխանը ձեզ կպատժի, (Գնում է):

ԳԱՐԵԳԻՆ. (Միայնակ) Այժմ ամեն բան պետք է աչքի առաջ ունենալ: (Ատրճանակը գրպանն է դնում) Ես նրան առաջարկեցի վերջին պայմանը, նա չընդունեց, ուրեմն նա ընդունում է իմ հրավերը: Այո, թող նա դուրս գա ասպարեզ, և ես իմ արյան գնով կմաքրեմ իմ քրոջ անպատված անունը: Առայժմ պետք է նրան նախազգուշացնել, որ այս տունը ոտ չդնի: Մեր հաշիվը դրսում կվերջացնենք: (Ուզում է գնալ, Հեղինեն դուրս է գալիս աջ դռներով):

ՏԵՍԻԼ ԺԳ.

ԳԱՐԵԳԻՆ և ՀԵՂԻՆԵ

ՀԵՂԻՆԵ. Ո՛ւր ես գնում:

ԳԱՐԵԳԻՆ. Իսկույն կվերադառնամ:

ՀԵՂԻՆԵ. Ոչ, կաց: Ես լսեցի ձեր խոսակցությունը, դու Հալիտի դուրս գնաս:

ԳԱՐԵԳԻՆ. Խնդրում եմ, Հեղինե՛, մի խանգարիր, գործը շատ կարևոր է:

ՀԵՂԻՆԵ. Ուրեմն երդվիր, որ քո գնալը քեզ վտանգ չի սպառնում, երդվիր մայրիկի անունով:

ԳԱՐԵԳԻՆ. (Տատանվելով) Երդվում եմ, որ իմ գնալը ինձ ո՛չ մի վտանգ չի սպառնում այս անգամ: (Գնում է շտապով):

ՏԵՍԻԼ ԺԴ.

ՀԵՂԻՆԵ, հետո ԱՆՅՈՒՏԱ

ՀԵՂԻՆԵ. (Միայնակ) Ի՞նչ ասաց, այս անգամ, ուրեմն մյուս անգամ սպառնում է. Այո, ես լսեցի ամեն բան և տեսա, որ ատրճանակը գրպանը դրեց: Կռիվը վատ ընթացք է ստանում, եղբայրս, կարծեմ, նրան մենամարտության է ուզում հրավիրել: Օ՛հ, նա վտանգի ենթարկվի ի՞մ պատճառով, մի՞թե ես այդքան տկար եմ: Ոչ, ոչ, հազար անգամ ոչ, պետք է մի հարվածով հանգույցը լուծել: Եվ այդ հարվածը իմ ձեռքին է, իսկ ես տակավին տատանվում եմ: Երկյուղից, ոչ, այլ մի ավելի զորավոր բանից: Դա այն ծերունի կնոջ կերպարանքն է: Ա՛խ մայր, խեղճ մայր, դու չես դիմանա այդ հարվածին, այնինչ նա իմ տառապանքի, քո որդու և եղբոր կյանքը փրկելու միակ դարմանն է, այո, միակ դարմանը:

ԱՆՅՈՒՏԱԿ. (Ներս Է մտնում միջին դռներից) Իշխանուհի՛, ձեր եղբայրը հրամայեց ինձ ոչ ոքի չընդունել, բայց մեկը եկել և անպատճառ ուզում է ձեզ տեսնել: Այստեղից չեմ հեռանա, ասում է, մինչև որ նրա հետ անձամբ չտեսակցեմ:

ՀԵՂԻՆԵ. Ո՞վ է նա:

ԱՆՅՈՒՏԱԿ. Վախենում եմ անունն անգամ հայտնել:

ՀԵՂԻՆԵ. Ասա, թեկուզ մի չար ուրվական լինի, պատրաստ եմ ընդունել:

ԱՆՅՈՒՏԱԿ. Սուվիկյանը:

ՀԵՂԻՆԵ. Սուվիկյանը, նա այստե՞ղ: (Ներս Է մտնում Սուվիկյանը):

ՏԵՍԻԼ ԺԵ.

ՀԵՂԻՆԵ և ՍՈՒԼԻԿՅԱՆ

ՍՈՒԼԻԿՅԱՆ. Այո, նա ինքը... (Անյուտան մի քանի վայրկյան մնում է դռների մոտ, ապա անհետանում):

ՀԵՂԻՆԵ. Այսօր ինձ վիճակված է շատ բան տեսնել և շատ զգալ (Բարձր) Ի՞նչ եք կամենում:

ՍՈՒԼԻԿՅԱՆ. Գիտեմ, ոչ մի անսպասելիք ձեզ չէր կարող այնքան զարմացնել, որքան իմ այստեղ երևալը:

ՀԵՂԻՆԵ. Ես վաղուց դադարել եմ զարմանալ... Ասացե՛ք, ի՞նչ է հարկավոր ձեզ:

ՍՈՒԼԻԿՅԱՆ. Իշխանուհի՛, դուք բարի եք, վեհանձն, համբերող, ահա ինչու համարձակվեցի այստեղ գալ: Ձեր առաջ կանգնած է մի հանցավոր, բայց ակամա հանցավոր: Այո, ես մոռացա իմ ընկերական զգացումը և բարեկամի սուրբ պարտականությունը, ես որ կյանքումս չէի սիրած, հրապուրվեցի ձեզանով: Սկզբում կարծում էի, թե դա թուլեական մի անցողիկ քմահաճություն է: Օ՛ո մի դարձնեք ձեր երեսը, ամոթը ինձ և միմիայն ինձ է վերաբերում: Սակայն ժամանակը ինձ համոզեց, որ սխալվում եմ: Դուք անգիտակցաբար տիրապետեցիք իմ սրտին: Այն չարագուշակ երեկոն, երբ ինձ այնպիսի արհամարհանք ցույց տվիք, իմ գոյության ամենաերջանիկ և ամենատարաբախտ վայրկյանն էր: Երջանիկ, որովհետև զգում էի, որ կյանքիս մեջ առաջին անգամ սիրում եմ մեկին անհուն սիրով, տարաբախտ, որովհետև այդ սերը փոխադարձ չէր, արգելված էր, մեղսալի, արհամարհված:

ՀԵՂԻՆԵ. Այո արհամարհված, բավական է, մի՛ հիշեցրեք ինձ անցյալը, օօ՛օ, ինչո՞ւ եկաք այստեղ, ինչո՞ւ կրկին հուզեցիք ինձ:

ՍՈՒԼԻԿՅԱՆ. Իմ մեջ կռվում էին երկու ծայրահեղ զգացումներ՝ մի կողմից ընկերական սրբությունը և հասարակական կարծիքի ծանրությունը, մյուս կողմից՝ սերը: Վերջինը հաղթող հանդիսացավ: Ես տեսա, որ անդառնալի կերպով մղվում եմ դեպի մի մութ անդունդ: Այդպես ես ընկա ձեր առաջ: Սակայն դուք իմ մեջ զարթեցրիք մի մաքուր, անարատ զգացում, որին անձանոթ էի: Դուք ինձ սովորեցրիք սիրել զաղափարական սիրով, համեստ, բայց անհաղթելի առաքինությունը, որ գուցե մինչև այդ ժամանակ ինձ համար ծանձրալի էր: Իշխանուհի՛, ամբոխը անողոք է իր սխալների մեջ, ինչպես նա անողոք է, երբ մեկին դատապարտում է արդարացի կերպով: Այսօր ես արժանի եմ հասարակական դատաստանի արդար պատժին, իսկ դուք նրա մոլորության անմեղ զոհն եք, ձեր անարգ ամուսնու պատճառով, այն մարդու, որի ընկերը լինելու հանցանքն եմ ունեցել: Այդ է, որ կրկնապատկում է իմ վիշտը և զորեղացնում իմ մեջ խղճի խայթոցը: Իշխանուհի՛, եղեք վեհանձն, ինչպես և եղել եք միշտ, ազատեցեք ինձ իմ ներքին դժոխքից: Ներեցեք

հանցավորիս, բայց ականա հանցավորիս, աղերսում եմ, որովհետև, ձեր ներումը միայն կարող է արդարացնել իմ գոյությունը:

ՀԵՂԻՆԵ. Բավական է, ես հասկացա ձեր տարօրինակ այցելության նպատակը: Այժմ լսեցեք և դուք: Ես ոչ ոքի դեմ ուի չունեմ: Իմ թշվառության պատճառը միայն մի մարդ է, որի անունը վաղուց դադարել էմ հիշել: Եթե այսօր ձեր անունը հասարակության մեջ հիշվում է իմ անարգված անվան հետ միասին, դա ոչ այնքան ձեր հանցանքն է, որքան այն մարդու: Ես չեմ դատապարտում ձեր այն զգացումը, որ ունեցել եք դեպի ինձ, որովհետև դա ձեր կամքի դեմ է եղել, որովհետև դուք վատ մարդ չէիք: Այժմ ահա իմ պատասխանը, հեռացեք այստեղից ավելի հանգիստ հոգով, քան եկել եք:

ՍՈՒԼԻԿՅԱՆ. Բարի՛ կին, ուրեմն դուք ինձ խղճում եք, այնպես չէ՞, ասացեք՝ խղճում եք և ներում: (Ներս է գալիս միջին դռներից Գարեգինը):

ՏԵՍԻԼ ԺԶ.

ՆՐԱՆՔ և ԳԱՐԵԳԻՆ

ԳԱՐԵԳԻՆ. Սուլիկյա՛նը, (Սուլիկյանը հետ է քաշվում. մի քանի վայրկյան լռություն) Հեղինե՛, բացատրիր, այդ ի՞նչ է նշանակում:

ՀԵՂԻՆԵ. Նա եկել է թողություն խնդրելու:

ԳԱՐԵԳԻՆ. Թողություն խնդրելո՞ւ: Պարո՛ն, ձեր կատակը շատ վտանգավոր է, հեռացեք այստեղից:

ՀԵՂԻՆԵ. Հանդարտվի՛ր, նա այնքան մեղավոր չէ, որքան կարծում ես:

ՍՈՒԼԻԿՅԱՆ. Ես բոլորը ասացի, այժմ դատը ձեր ձեռքումն է:

ԳԱՐԵԳԻՆ. Այդ դատը ես կկատարեի, եթե դուք արժանի՛ լինեիք և եթե իմ կյանքը հարկավոր չլիներ իսկական հանցավորին պատժելու համար:

ՀԵՂԻՆԵ. (Մեկուսի) Իսկական հանցավորին: (Բարձր) Գարեգին, քո խոսքերը ինձ սարսափեցնում են:

ԳԱՐԵԳԻՆ. Ասա՛ ինձ, քո՛ւյր, այստեղ, բացի այդ մարդուց, ուրիշ ոչ ոք չի՞ եկել:

ՀԵՂԻՆԵ. Ոչ ոք:

ԳԱՐԵԳԻՆ. Չի եկել ուրեմն, բայց եթե նրա մեջ մնացել է մի կաթիլ ինքնասիրություն, պետք է գա:

ՍՈՒԼԻԿՅԱՆ, (Մեկուսի) Տեր աստված, ո՞վ պետք է գա, մի՞թե նա:

ՀԵՂԻՆԵ. Այդ ի՞նչ տարօրինակ լեզվով ես խոսում, Գարեգին, ես չեմ հասկանում, ո՞վ պետք է գա:

ԳԱՐԵԳԻՆ. Ներիր, Հեղինե՛, ես վճռեցի քանդել իմ երդումը: Այն անարգ մարդու գրած նամակիս մեջ վիրավորել եմ նրան. Նա սաստիկ զգացել է այդ վիրավորանքը և պատրաստ է իմ դեմոկրեմ կանգնել: Ես գնացի նրան նախազգուշացնելու, տանը չէր. Նա կարող է այստեղ գալ:

ՍՈՒԼԻԿՅԱՆ. (Մեկուսի) Միքայել, աստվա՛ծ իմ, արյունահեղություն պետք է պատահի, ես այստեղից չեմ հեռանա:

ՀԵՂԻՆԵ. Այստե՞ղ, նա այստե՞ղ, արդյոք խելագարվե՞լ է նա, թե իմ լսողությունն է խանգարվել:

ԳԱՐԵԳԻՆ. Ոչ մեկը, ոչ մյուսը: Ներիր, Հեղինե՛, ես քանդեցի քեզ տված երդումս, ես նրա հետ պետք է անձամբ հաշիվներս վերջացնեմ:

ՀԵՂԻՆԵ. Կռիվ ինձ համար, տուր դրան երեխային, եթե նա է այդ կռվի պատճառը: Ես չեմ ուզում իմ երեխային, այո, չեմ ուզում, քանի որ նա այդքան տառապանք է պատճառում իմ մորը և քո կյանքը վտանգի ենթարկում:

ԳԱՐԵԳԻՆ. Խնդիրը քո պատվին է վերաբերում, նա պետք է մաքրվի (Սուվիկյանին) և թող ձեր ներկայությամբ լինի, որովհետև դուք ևս մասն ունեք: (Ներս է մտնում իշխանուհի Մարիամը: Սուվիկյանը մի անկյուն է քաշվում նրան չտեսնելու համար):

ՏԵՍԻԼ ԺԷ.

ՆՐԱՆՔ և ՄԱՐԻԱՄ

ՀԵՂԻՆԵ. Դարձյալ մի տարօրինակ այցելություն:

ՄԱՐԻԱՄ. Ձեր վարմունքը այնքան ինձ կատաղեցրեց, չկարողացա ինձ զսպել: Ի՞նչ իրավունքով եք դուք պահում իմ որդու երեխային:

ԳԱՐԵԳԻՆ. Իսկ ի՞նչ իրավունքով եք դուք հետ պահանջում:

ՄԱՐԻԱՄ. Հարցրու քրոջիցդ, նա շատ լավ գիտե: (Հեղինեի կողմը) խայտառա՛կ: Բավական է, բերե՛ք այստեղ երեխային:

ՀՈՌՈՍ (Աջ կողմի դռներից դուրս գալով) Դուք նրա երեսը չեք տեսնի:

ԳԱՐԵԳԻՆ. Այո. բարեհաճեցեք հեռանալ, իշխանուհի՛, եթե չեք կամենում ձեր ազնվական կոչումը ստորացած տեսնել:

ՀԵՂԻՆԵ. Մայրի՛կ, երեխային տուր այդ կնոջը:

ՀՈՌՈՍ. Ի՞նչ:

ՍՈՒԼԻԿՅԱՆ. (Մեկուսի) Խեղճ մայր:

ՀԵՂԻՆԵ. Խնդրում եմ, երեխային հանձնիր այդ կնոջը:

ԳԱՐԵԳԻՆ. Հեղինե

ՀԵՂԻՆԵ. Ես այդպես եմ կամենում, Գևանք, իշխանուհի՛, ստացեք ինձանից իմ երեխային (Գնում է Հռոմը և նրա հետևից Մարիամը դեպի աջ):

ԳԱՐԵԳԻՆ (Մեկուսի) Ես ապշած եմ այդ կնոջ համբերության վրա: Ի՞նչ է նշանակում այդ տարօրինակ սառնությունը, որ հանկարծ տիրեց նրան (Գնում է նույն դռներով):

ՍՈՒԼԻԿՅԱՆ (Մի քանի քայլ առաջ գալով) Ոչ, ես այստեղից չեմ կարող հեռանալ: Անշուշտ մի ծանր դժբախտություն պետք է տեղի ունենա այստեղ: Հեղինեն ուրվական է դարձել: Նրա ամուսինը պետք է գա այսօր: Թող ինչ որ լինելու է իմ աչքի առաջ լինի: Գարեգինն էլ այդպես ասաց: Առժամանակ դուրս գամ: (Գնում է միջին դռներով):

ՏԵՍԻՆ ԺԸ

ՅԵՂԻՆԵ (միայնակ)

ՅԵՂԻՆԵ. (Դուրս է գալիս աջ դռնից) Նրանք խլեցին իմ զավակին, իմ միակ հույսը և ապավենը: Վերջին անգամ սեղմեցի նրան իմ կրծքին, և վերջին անգամ ջերմ արցունքը շաղաղեց իմ հրատապ աչքերը: Վերցրեց նրան իմ սկեսուրը, տվեց ծառային ու տարավ: Նա, ձեռքերը տարածած դեպի ինձ, թողով լեզվով, մայրի՜կ էր աղաղակում: Ես այլևս չպիտի լսեմ նրա ձայնը: Ուրեմն լրացավ իմ դառնության բաժակը: Ո՞վ պետք է նրան դատարկի: Եղբա՛յրս, օօ՛օ, սարսուռ է անցնում ամբողջ մարմնովս: Ն՞ա, ինչու ես պիտի թույլ տամ նրան այդ քայլը անել: Արյո՞ւն թափել, ե՞ս տեսնեմ նրա արյունը: Ոչ, եթե իմ մեջ մեռել է կյանքի հույսը, եթե ես կորցրել եմ իմ սերը, ամուսնուս, զավակիս, եթե զրկվել եմ անունից, պատվից, եթե աշխարհի մեջ անարգված, ստորոցած արարածի հռչակ եմ վայելում, բայց տակավին կա իմ մեջ սեր դեպի իմ եղբայր և մայրը և գոնե մի կաթիլ ինքնասիրություն: Ուրեմն վերջին հարվածը ինձ պետք է հասնի: Տամ այդ հարվածը, քանի ուշ չէ, քանի Գարեգինը չի հանդիպել այն մարդուն... Ահա նա, իմ միակ միջոցը, (ցույց տալով ձախ կողմի սենյակը) այնտեղ է, գնամ, վերցնեմ և ... արիացիր, դժբախտ կին: (Գնում է դեպի ձախ: Միջին դռներից անմիջապես դուրս է գալիս Անյուտան):

ԱՆՅՈՒՏԱ. Իշխանուհի , ա՛խ, ո՞ւր է նա, այսօր տարօրինակ հյուրեր եմ այցելում մեզ (շտապ գնում է դեպի աջ):

ՄԻԶԱՅԵԼ (Ներս մտնում միջին դռներից). Ո՞ւր է նա, որ ինձ կռվի է կանչում, թող գա, այսուհետև ինձ համար խտրություն չկա անարգության և մահու մեջ: Ամեն ինչ կորցրի՝ պատիվ, փող, դիրք և հույս ապագայի վրա: Եվ այդ դրության մեջ մի պատանի ինձ վերջին վերջն է տալիս: Չգո՛ւյշ կաց, ահա նա եկել է քեզ իր պատասխանը անձամբ տալու: Բայց ուր եմ, այստեղ ոչ ո չի երևում, մի թե փախել են: (Միջին դռներից ներս է մտնում Սուլիկյանը):

ՏԵՍԻՆ ԺԹ

Միքայել և Սուլիկյան

ՄԻԶԱՅԵԼ. (Ապշած ետ քաշվելով): Դո՛ւ, այստե՛ղ:

ՍՈՒԼԻԿՅԱՆ. Չգիտեմ որն է ավելի զարմանալի՝ քո՞, թե՛ իմ այցելությունը:

ՄԻԶԱՅԵԼ. Ես եկել եմ վրեժ լուծելու:

ՍՈՒԼԻԿՅԱՆ. Իսկ ես եկել եմ զղջալու: Նայիր երեսիս: (Միքայելը նայում է) Անպիտան, ո՞ւր է քո խիղճը:

ՄԻԶԱՅԵԼ. Կաց: Դեռ մեկին պատասխանեմ, հերթը քեզ կհասնի:

(Աջ դռներից գալիս է Գարեգինը):

ՏԵՍԻՆ ԺԻ

Նրանք, Գարեգին, հետո ՅԵՂԻՆԵ, Յոռոմ և Անյուտա

ԳԱՐԵԳԻՆ. (Տեսնելով Միքայելին) Աա, ես ձեզ սպասում էի:

ՄԻԶԱՅԵԼ. Իմ վերջին պատասխանը ընդունելու, այդպես չէ՞:

ՍՈՒԼԻԿՅԱՆ. Բայց ոչ այստեղ. այդ տմարդության վերջին ծայրը կլինի: Ես պատրաստ եմ նրա (ցույց տալով Գարեգինին) փոխարեն ձեզ հաշիվ տեսնել: Գնանք ուրեմն: (Ուզում է գնալ. Ներս է մտնում ձախ դռներից Յեղիսեն. մի տոմսակ ձեռին և նրանց առաջը կապում):

ՅԵՂԻՆԵ. Կացեք:

ՄԻԶԱՅԵԼ. (Մեկուսի) Յեղիսեն՛ն... ինչպե՛ս է փոխվել նա:

ԳԱՐԵԳԻՆ. Զույր ինչո՞ւ եկար, թող մեզ, որ գնանք:

ՅԵՂԻՆԵ. Երբեք, ես եկա վերջին անգամ տեսնելու այդ մարդուն: Սպասեցեք, դուք եկել եք վրեժ լուծելու, այնպես չէ՞: Շատ ուրախ եմ ձեր տեսությանը: Բայց մի՛ բարկանաք, մի քանի րոպե ևս, և ձեր վրեժը լուծված կլինի: (Դողալով մի քանի քայլ առաջ է գալիս: Բոլորն ապշած նայում են և անգիտակցաբար հետ կանգնում):

ՄԻԶԱՅԵԼ. Ի՞նչ են նշանակում այս խոսքերը:

ՅԵՂԻՆԵ. (Տոմսակն տալով) Կարդա և կիմանաս: (Միքայելը շփոթված վերցնում է տոմսակը):

ՄԻԶԱՅԵԼ. ... Ես դողում եմ: (Կարդում է) «Իմ մահվան համար ոչ ոքի չմեղադրել»... (շփոթված նայում է Յեղիսենին):

ԳԱՐԵԳԻՆ. (Շտապով մոտենում է և բռնելով ձեռքը, նայում աչքերին) Յեղիսե, ի՞նչ պատահեց... ա՛րա ... դու թո՞ւյն ես ընդունել:

ԲՈԼՈՐԸ. (Միաձայն սարսափած) Թո՞ւյն...

ՅՈՌՈՍ. Երկնայի՛ն աստված, աղջի՛կս, աղջի՛կս...

ԳԱՐԵԳԻՆ Չասկանում եմ, իմ սեղանից ես վերցրել... Աստվա՛ծ իմ , արդյոք ի՞նչ միջոց կա... (շտապով գնում է դեպի ձախ սենյակը):

ՄԻԶԱՅԵԼ. Նա թունավորել է, նա մեռնում է, օգնեցե՛ք, ազատեցե՛ք... օօօ, ես չեմ համարձակվում մոտենալ նրան... Յեղիսե, ես քեզ սպանեցի: Այո, ես քեզ զրպարտեցի, այն գիշեր ես հարբած էի, հարբած էի, խելքս գլխիս չէր, սուտ էի ասում, անգութ, անխիղճ սուտ: Յեղիսե, դու անմեղ ես: (Սուկիկյանին) Ասա, որ անմեղ է նա, ասացեք,

ՅԵՂԻՆԵ. Ո՛ւշ է... ահա նա ազդում է և ինչպես արագ:

ԳԱՐԵԳԻՆ. (Յետ դառնալով, մի բաժակ ձեռին) Խմիր, Յեղիսե, այս դեղը քեզ կփրկե:

ՅԵՂԻՆԵ. (Բաժակը հրելով) Երբեք... այսպես ավելի լավ է: Մայրիկ, եղբայր, ներեցե՛ք ինձ, ուրիշ միջոց չկար... (Միքայելին) Տես ահա այն կնոջ վերջը, որ քեզ սիրում էր անշենջ սիրով, որ քեզ համար զոհեց ամեն բան, ամեն բան: Ապրիր այժմ հանգիստ.....

ՄԻԶԱՅԵԼ. Ոչ, ես չեմ կարող կրել այս հարվածը... Յեղիսե, Յեղիսե (չոքում է նրա առաջ):

ՅԵՂԻՆԵ. Թողնում եմ քեզ մեր զավակին... պահիր, սիրիր, ես... կներեմ... (Մեռնում է: Փոքր լռություն):

ՍՈՒԼԻԿՅԱՆ. Մեռա՛վ, անարա՛տ կին, ի՞նչ մեղք ունեիր դու: (Միքայելին) Ստոր արարած, ահա քո տկարության զոհը:

ԳԱՐԵԳԻՆ. Զո՛ւյր, անգին քույր... (հեկեկալով ընկնում է Յեղիսեի դիակի վրա)...